

20428



ИВАН ИЗЬЮРОВ

Миан
чрездса
нльвьяс



И



26478

ИВАН ИЗЪЮРОВ

**Миан
чрездса
нывьяс**

Повесть

БИБЛИОТЕКА
Респ. Краев. Музея
Коми АССР
город Сыктывкар.

КОМИ КНИЖНОЙ ИЗДАТЕЛЬСТВО

Сыктывкар 1960

Иван Васильевич Изъюров

ДЕВУШКИ НАШЕЙ ДЕРЕВНИ

На коми языке

Художественное оформление

С. Добрякова



ПЕРВОЙ ГЛАВА

ВАССА ГУДЫРЕВА ВОӨ ГОРТАС

Паськыд ю весьтти лунвывлань лэбзисны турияс. Оти юралысь бёрся кык визьон шевкнитчөмөн, шочиника курликтіг, гоҗся гөстьяс надзөник шлывгисны сьөдлөз енэжті, быттьөкө прөщайтчисны бордьяс улань паськөдчөм төдса вөр-вакөд. Көть лэбачьясылөн тані вөліны чужан местаяс, найө, кызди и быд ар, мам-бать рөд сертиныс, пышйисны ылі войвымысь лунвылө, медым, көдзыд төв кольөм бөрын, тулыснас бөр воны чужан да рөдман местаясө. Сэтшөм нин природалөн законыс, кодөс вежны оз на вермы морт!

Вөлі гоҗөм помлөн сійө кад, кор гөгөр ставыс нин пасьтасьөма арся мича сера паськөмөн. Лөня кывтысь паськыд ю, кыкнан берегын сулалысь пашкыр кызьяс вөччөмаөсь зарни сарапаньясө. Виль өтава подья, куш да паськыд видзьяс вылын то өтилайн, то мөдлаын зымвидзисны-сулалісны уна чалькоста гырысь зорөдьяс. Но шонді вөлі жар на, и гашкө медбөрьяыс тайө во вылас син ёран югөрьяснас зіліс ворсыштны паськыд ю вылын, уна рөма сарапаньяса кызьяс вылын.

Ю кузя катіс юсь кодь еджыд пароход. Сійө здук кежлө матыстчыліс крут кыркөтш дорө, кыр йылө коліс гоз-мөд мортөс. Сэсся бөр петіс ю шөрө, веськөдіс

нырсö вьвлань, кöлесаяснас буткöдчиг, заводитис кыссыны ва паньд. Тыдалö, и пароход кöсийс на шляка сора арся зэръясöдз вöчны бөрья рейсьяс, кьдзи и быд гаг тайö каднас зильö босьтны кольысь гожöмыслысь мичсö.

Пароход вылысь берег кыр йылö кольччысьяс пöвстын вöли томиник ныв: руд пальтоа, югыдгöрд рöма кöсынkaa. Синмö шыбитчис нывлөн гöгрöсиник лöсьыдик чужöм, сьöдöдöм векныдик синкымъяс. Кöсынkaa увсьыс тыдалісны мугов рöма юрси пратьяс, водзтіыс неуна кудритчыштöмаöсь. Ныв дінын сулаліс вель ьджьд сьöдгöрд чемодан. Ачыс нылыс, юрсö чатöртöмөн, видзöдіс ю катыдлань, кытысянь медбөрьяысь кыліс турияслөн курликтöм, но оз позь вöли гöгөрвоны: видзöдіс нылыс ылысьмысь пароход вылö али кузь кока лэбачьяс вылö, кодьяс важөн нин пöрисны сьöд чутьясö.

Нывкөд орччөн сулалысь арлыда мужичöй сідз жö видзöдіс сылань, сэсся лэдзис руд синъяссö, шуис бытьтö аслыс моз:

— Водз таво мунöны...

Ныв видзöдліс тöдтöм морт вылö, но нинöм эз вочавидз.

— Мый, рочакань?— ус пырыс нюммуніс мужичöйыс.— Мөдöдчам, буди, и ми? Тэныд кодарö?

— Гортö...— веськодя вочавидзис ныв.— Ягвылö.

— И ме гортö... Сöмын кывтыдлань. Тöдан Кырсайсö?— Ныв довкнитыштіс юрнас, а мужичöй варова водзö сёрнитис.— Дас во бöрын бөр мөдіс кыскыны чужан местаясö. А туриясьд со таладорысь пышйöны... Сэсся и гöгөрво, мый вöчсьö свет вылад...

Ныв бытьтö эз кывлы нинöм. Мужичöй казяліс тайöс, кыпöдіс кок дінас куйлысь неьджьд ноптор, шыбитис сійöс пельпом саяс, кияс босьтіс нывлөн кодь жö ьджьд чемодан.

— Но, прöщайтлыв, рочакань, кöть эськö и эн вöв варов мекöд... Эн пов!.. Аддза нин: велöдчыны, тыдалö, ветлöмыд, но абу инасьöмыд. Быдторійыс тай олöмад овлö. Öтияс воöны, мөдьяс мунöны. Эн пов, мися. Быдлаын йöз олöны...— Мужичöй ьджьда воськовтіс да тэрыба мөдіс суöдны бура ылö мунöм йöзöс.

Ныв коли öтнас. Бара видзöдліс ю катыд. Пароход эз нин тыдав. Но ю чукуль сайын, берегпöлөнса бадь-

яс весьтын, гөвкъяліс на съод тшын ёкмыль. Ныв босьтіс жё киас чемодансё, юрсё ошөдөмөн съёкыда мөдөдчис берег пөлөн.

Луныс катовтчис пажынлань. Зорөдъяслөн да пу-яслөн вуджөръясыс заводитисны нюжавны. Ныв видзөдліс жар шондіа енэж вылө, сэсса синсё вуджөдіс аслас съёкыд чемодан вылө, курыда нюммуніс, сувтовкерөмөн вежис кыысь киё чемодансё. Недыр муныштөм бөрын пуктіс чемодансё муө, гөгөр гоннялігтыр мыйкө дыра шойччыштіс. Матігөгөрын некод эз тыдав. Неокотапырысь бара босьтіс чемодансё киас да кежис берег пөлөн кыссысь тележнөй туй вылө, весиг бөр-выв эз видзөдлы. Гашкө, та вөсна сійө эз и казяв, кыдзи кывтыдладорсянь вөр ді сайысь петіс тарантаса вөла, вөтөдіс сійөс.

— Василёк? Тэ?— горөдіс тарантасын пукалысь зон.— Виччысьлы.

Бөръя кывсё зонлы өдвакө колө вөлі шуны: сійө ылісянь на аддзис, кутшөм съёкыда кыссьө Васса. Ныв быттьө виччысис тайөс: бергөдчис, радпырысь пуктіс чемодансё ас дінас.

— Ванюша!— долыда нюммуніс ныв.— Тэ кытысь татчө усин?

— Тпру!— Ныв весьтө тшапа сувтөдіс вөвсё зон.— Гортө? Вот некыдз эг виччысь. Мыйла телеграмма эн сет? Ме эськө паныд волі.

Зон пелька чеччыштіс тарантасысь, кватитіс ныв-лысь туй шөрын сулалысь чемодансё, лэптіс таран-тасө, шуис нывлы:

— Пуксьы! Оти здукөн гортөдзыд лэбөда. Ошинь улөдзыд.— Зонлөн видзөдласын вөлі и мелілун, и ним-кодясьөм.

— Ой, кутшөм бур, Ванюша, мый татчө лөсялін!— сьөлөмсяньыс жө радліс ныв.— Ог нин вөлі төд, кыдзи гортө. воөдча. Телеграмматө... эг лысьт... Серавны, мися, кутасны...

— Коді лысьтас серавны? Тэ — мый? Первой морт гортад бөр воан?

Ныв пуксис тарантасө. Сөмын өні сійө казяліс: Ванюша Зюзев вөлі дженьыд брезентөвөй курткаа, сэтшөм жө брезентөвөй гача. Қокъясас — кирзөвөй са-пөгъяс. Юр вылас сылөн лясвидзис мышлань көзырёка, нэмөвөйся руд кепкаыс.

— Кутшөм тэ тешкодь лоо́мыд!—гылыда серо́ктис ныв да топодчыліс зон бердө.—Дзик мельник кодь!

— Мыйла мельник кодь?—падмис зон. Сійо вичысис Вассасянь быдтор, но эз тайос.—Колхозной строитель — вот ме о́ні коді. Сійон и татшөм. Сиктө сельпо складө инструментъясла ветлі. А то — не аддзывны эськө менө тэныд татысь...

— Ошйысян?—сьод синъяснас югнитіс ныв.—Ме верма и бөр чеччыны.

— Но, но, Василёк! Ме ог ошйысь... Мыйон ошйысьнысө? Ачуд со аддзан — мельник кодь дзик...

— Висьтавлы вай, мый выльыс сиктас,—мыйкө дыра чөв олөм мысти корис ныв.

И найо сэтшөма ылалісны сёрнинаныс, мый эз казьяны, кызди вөвныс кежис туй выльысь, мөдөдчис ас окота сертиыс, веж отавасө азыма йириг. И сөмын кор тарантас вежыньтчис кутшөмкө сён бокын, казьялісны да кыкнанныс серөктісны.

— Мый, шуан, Надя вөчө?—выльысь юаліс ныв, кор бөр нин петісны туй вылө.

— О! Надя о́ні начальство! МТФ-өн веськөдлө! Эз весьшөрө көкъямысөд классянь колхозной куканьясыд бөрся котрав. Районной газетын нин сы йылысь гижлісны, Сыктыварсянь радио пыр висьталісны. Гашкө, кывлін?

Ванюша муртса чөвтіліс синъяссө Васса вылө да казьяліс: тайо кывъясыс мыйонкө парскисны нывлы, эз воны сьолөм вылас.

— Ёна тай колө сьлөн фермаыс!—вөсныдык паръяссө топөдіс ныв.—Дзик веськодь...

Ванюша, бытьө нарошнө, ещө содтіс:

— Асланым комсомольской организацияю секретарөн неважөн бөрийм...

— Зэв тай...—пыркнитіс юрнас Васса.—А Виктор?

— Виктор?—паськыда нюммуніс зон.—О! Сійо о́ні главной фуражир колхозын. Гожөмбыд зорөдьяс мерайтіс да силос гуяс лыддис. Зэв ёна жалитө — школаад пө синусьяссө да косинусьяссө дыша велөдлі... А о́ні лөсьөдчө порсь видзны заводитны...

Ныв гөгөрвотөг видзөдліс зон вылө, кьпөдіс вөсныдык сьод синкымьяссө.

— Колхоз көсйысис таво тшөгөдны кыксө порсь,—Вассалысь тайо видзөдлассө казьялөм бөрын водзө

висьталіс Ванюша.— Вот и шуим комсомольскöй собрание вылын — мөдөдны фермаö кык мортөс. Виктор медся водз сөгласитчис.

— Ок, кутшөм гажтөм тiян!— сьөкыда ышловзис Васса.— Витя — и порсь видзны! Дас во велөдчөм бөрын! Ещө шуө вөлі — художникө пө велөдча.

— Сийө и художникалө... Быд рыт боевөй листок рисуйтө. Весиг тэнө рисуйтис.

— Менө?— чуймис Васса.

— Мунөм бөрад. Стенгазетаö. Пароход вывсянь тэ кинад өвтчан. А улиас гижөд: «Сиа м шуда туй миян Василөклы!»

— Ньоти абу остроумнөй. Весь лоис сьлөн бурсиймыс. Аддзан, со бөр воа...

Ныв ланьтис.

Видзяс вылысь туй кежис вөрө. Лои төдчымөн ыркыдджык. Туй бокрын, кйөн судзмөн выяын, сулалісны гырысь пелысь пуяс. Пашкыр увьяс вылын өшалісны содз тырмөнъя гөрд розьяс. Ванюша сувтөдіс вөвсө өти пелысь пу бокө, сувтис тарантас шөрас, судзөдчис да нетшыштис ыджыд роз, мыччис нывлы. Сэсся ещө чегьяліс да пукталіс ас бокас дзонь чукөр.

Ныв нюммунис: Ванюша пыр радейтліс запаситчыны. Кытчө көть найө оз мунны вөлі классөн, первойөн би пестыны пыр удитас Зюзев. Сьлөн и пескыд быдлаын дась, и истөгыд зептад. И сёянторйыд сьлөн сьөрсьыс пыр медся уна да медся чөскыд. Василөк өні думсьыс казтыштис асьыныс классө, пөдругаяссө, и ставыс лоис жаль: збыльмытөм көсиймьясыс, артмытөм виччысьөмторьясыс. Сьөлөм вылас друг кыптіс шог.

— А тэ сэсся кытчө думайтан?— нывлысь шогө усьөмсө казавтөг юаліс Ванюша. Да и кутшөм шог вермис лоны Василөклөн? Локтө гортас, мамыс дінө, пөдругаясыс дінө. Майбыр тай, колхозад быд сикас уджыс сюрас. Уджыштас во-мөд, сэсся выльысь мунас велөдчыны. Сэки, небось, веськалас нин.

— Ог на төд... Гашкө, лесопунктө вөзйыся. Гашкө, и карө на бөр муна, мам кө лэдзас.

— Карө?— жугыльмисны зонлөн синьясыс.— Мый сэнi — миян кодьыс этша?

— Кутшөмкө удж сюрас. Кар пасьтала тай объявлениеяс өшалөны: кага видзысьясөс корсьөны...

— Кага видзны?— паськөдіс синъяссө Зюзев да сюся видзөдліс Васса вылө. Чайтіс, мый сійө шмонитө. Но Васса, тыдалө, сёрнитіс збыльгысь.— Мый нө, кызь арөса нывъяс кага моздорөн мөдад шевъявны?

— Зато карын! Мыйта сәні нывъяс техникумъяс помалөм бөрын письмөяс да газетъяс новлөдлөны, автобусъясын билетъяс вузавлөны, магазинъясын прилавокъяс сайын сулалөны. Тә нө мый чайтан, ме нәмөс мөда колхознөй куйөд идравны? Дас восө сы вылө велөдчи? Ме весиг мамөс дугді радейтны: сы дінысь пыр куйөд дук кылө.

Ванюша синъяссө паськөдөмөн кывзис Василөкөс. Мый сыкөд лоөма? Быттьөкө велөдчигас сымөн нинөм татшөмторйыс өз петкөдчывлы. Ещө комсомолка ачыс!

— Мыйла нэмтө!— сьөлөмсянныс шуис Ванюша. Думсьыс сійө көсйис вежөртөдны Василөкөс.— Уджалыштам во-мөд да велөдчыны мунам. Көть заочнөя. Газетъясад со гижөны: кымынөн сідзсө велөдчөны.

— Ог верит ме талы!— пыркнитіс пашкыр юрнас ныв.— Карад ме унаөс аддзылі. Дерт, лөсьыд налы, кодъяслөн бать-мамныс озырөсь. Оз тужитны. Найө көть вит во виччыясны. И быдсяма справкаяс судзөдасны.

— Мый нө сәсся, быдөн кага моздорөн бовъялөны? Али автобусъясын билетъяс вузавлөны?— эз сетчы зон.

— Мыйла быдөн! Уджалөны и заводъясын. Кодлы мый кажитчө. Ме, наперво, нйит паськөмөн ог көсйы ветлыны. Эг сы вылө велөдчы.

Буретш сәки юр весьтгіныс, кылө, лэбзис мөд тури котыр. Ныв видзөдліс на вылө, бара сьөкыда ышловзис, жалитөмөн моз нюммуніс:

— Вот кодъяслы ме завидьта! Майбыръяс! Шоньдінө мунөны, гажа местаяс аддзыласны. А ми тәкөд, Ванюша, мунам вөрса туй кузя пемыд деревняө, көні и кинотө төлысьнас сөмын өтчид либө кыкысь петкөдлөны.— Василөк лантыштлис, гөгөр кытшовтіс жугыльмөм синнас, сәсся сьөлыштіс вомсьыс шома пельсь кышсө.— Ми со сөям шома пельсь да радлам... Воны ритнас мянө. Ме карса яблөгъясөн гөститөда. Ок, и гажа карад, Ванюша! Нәмөс эськө сәні олі да эг ум. Магазинъясад — мый сөмын сьөлөмыдлы да синмыдлы колө! Паськөмыд! Мичасьыс-мича!

— Абу өд яблөггясын, Василёк, олөмыд да гажыд. Миян вайисны жө сельпоө яблөггястө. Сэссия колхозын таво трудоденьяс вылө өгурцы сеталисны. Первойысь на. Помнитан, тулыснас тай парникъяссө вөчлим? Сэни нывъяс быдтисны. И помидоръяс. Таво зэв бура быдмисны... И клубтө стрөитам нин. Регыд миян ставыс лоө. Асланым киясөн вөчам. А туриясыдлы ме ог завидьты. Весъкыда шуа: ассым сиктөс ме нинөм вылө ог веж. Туриясыд тэнад тулыснас татчө жө воасны. Тани найө чужлисны, тани налөн и гортныс.

— Век жө найө шоныдынын лоасны, а ми тэкөд пемыд пельөсын төвбыд кутам кургыны,— асныраліс ныв.— Ме эськө, верми кө, көть талун турияс бөрся вөтчи.

«Но и йөй»!— думсьыс видіс Вассаөс Зюзев. Сійө некыдз эз вермы гөгөрвоны, кыдзи Васса вермө тадзисө сёрнитны. Оз өмөй аслас мамыс тани ов? Эз өмөй ачыс медводдза воськовъяссө тани аслас өшинь улын вөч? Ванюша скөрысла тракнитіс вөжжияснас. Мыйкө дыра чөв ланьтөмөн пукалыштөм бөрын Ванюша серөктіс:

— Виччысь, мед кутшөмкө Иван-царевич пуксьөдас руд көин мыш вылө да пышйөдас Василиса-Прекраснаяөс моз. Помнитан Васнецовлысь картинасө? Классад тай өшаліс ещө?

— А көнөсь өні Иван-царевичьясыс?— гораа серөктіс Васса.— Найө со колхознөй тарантасъяс вылын вөрса туйяс кузя гөняйтөны...

Ванюша эз удит вочавидзны: тыдовтчис асланыс сиктныс. Вөв гырсьөдіс восьлассө.

— Со, весиг Карко төдө ассьыс гортсө,— вөв вылө индіс Ванюша.— А тэ сёрнитан... Пөлинө, дзикөдз вунөді: Жора Габов тьотка ордас гөститны воис. Карсьыс пө батыс вөтлөма ли, мый ли.

— Жора?— ныв друг ыпнитіс. Тайөс казяліс и Ванюша.— Аддзылі ме сійөс карсьыс. Висьталө вөлі: вола пө шойччыны.

— Шойччыны?— нырсө көрліс зон.— Некөн на абу уджавлөма да!

— Мыйкө тэ гөгөрвоан! Гожөмбыд стадион вылын выступайтөма. Сэссия кутшөмкө командаө Одессаө ветлыны абу босьтөмаөсь да скөрмөма.

— Мися жö сэтшöм моднöй! Лысöм петук кодь дзик. Ог ме ёнасö эскы сэтшöм спортсменъясыдлы. Кутшöм сийö спортсмен, толькö кö кадсö коллялö да лун-лун лытайтö? Мича Жора — тадзи и нимтисны сийöс сиктын.

— Вежыд петö, сийөн и тадзи сёрнитан!— скөрмис, тыдалö, ныв.— Уджавнытö быдөн сяммас, а баскетболнас сы моз карас этшаён ворсöны. А пасьтасьö моднöя. Öнi карад быдөн сiдзи.

— Ёна тай меным колö сылөн пидзöсöдз гачыс да вöв бурысь кодь юрсиыс!— серöктис Зюзев.

Ныв бергöдчис мöдарö.

Ягвыв грезд паськöдчöма гажа нöрыс вылын. Коркö танi, тыдалö, и збыльысь вöвлöма мича яг. Та йылысь висьталöны сикт кузяла то öтилаын, то мöдлаын сулалысь пашкыр юра гырысь пожöмъяс. Нöрыс горувтi, дзик сикт пöлöнтыс, визувтис неыджыд Ягью. Кöть юыс и вöли ичöтик, пыжөн бергöдчыны муртса тöран, но сийö аслысногөн мичмöдiс сиктсö.

Ёна шогсигтыр Василёк воис гортас, но сылөн век жö вöрзис сьöлöмыс аслас чужан сикт кузя мунигөн. «Гашкö и збыльысь кулитнысö сийöс нинöмла?»— думыштитс гажтöма. Но мыйён казтыштитс, мый ковмас танi коллявны кузь тöv, некытчö петавтöг, гаж аддзывтöг, туй öтмöдар бокин сулалысь важмöм керкаяс пыр жö кутисны кажитчыны торъя чусмöмджыкөн, керка стынъяс пöлöсджыкөн, потшöсьяс киссьöмаöнджык. Войдөр ставсö тайöс Василёк кызкö эз казавлы.

Сиктö пырöм бöрын Ванюша öддзöдiс вöвсö гөнечөн. Мед видзöдöны быдөн — сийö гортас вайöдö гөстяс. И мед унджыкөн аддзыласны!

— Ванюша, уськöдан!— горöдiс ныв да кутчысис зонлы сьылиас.

Прöйдитисны сикт джынсö, ас бöрсяныс туй весьтö кыпöдiсны кос лыа бус. Гораа увтчигтыр öти жытник улысь уськöдчылис ыджыд руд пон, но, тыдалö, гөгөрвоис, мый тарантасын пукалöны ас йöз, да öдийö бөрланьтис. Сэсся Ванюша крута веськöдiс вöвсö туй вылысь бокö, сувтöдiс öти керка öшинь улö.

— Пöжалуйста, Василиса-Прекрасная!— едждыд пиньяснас быттö ошйысиг, Ванюша чеччыштитс тарантас бокö, индiс кинас кильчöлань.

— Аттьö, Иван-царевич!— шмонитöмөн жö вочавидзис ныв да улöдз копыртчыліс. Гадзи найö кольöм төвнас на копрасисны öта-мöдныслы, кор школьнöй сцена вылын сувтöдісны Гогольлысь «Гётрасьöм» пьеса. Ок, кутшöм важөн тайö вöлі!

Ванюша босьтис тарантасысь Вассалысь чемодансö, катöдіс кильчö вылö.

Керка вöлі игана.

— Но, вот! Сідзи и тöді! Виччысьö менö мамöй!— öбидитчöмөн моз шуис ныв, сэсся видзöдліс сикт кузяла. Некод некөн эз тыдав.— Аттьö, Ванюша! Ключ местасö ме тöда. Эн вунöд: рытнас волю мянö. И висьтав Жоралы, мед тшöтш пыралас. Он вунöд?

— Ог... Висьтала.

Зонлы сьölöм доймытöдзыс лон жаль Васса. Вермис кö, код тöдас мый эськö öні вöчис Ванюша, мед сöмын дзикöдз быри ныв синъясысь шогыс.

Зюев кöсийс нин бергöдчыны, но Василёк кутис сійöс сой пöлöдыс.

— Кылан, Ванюша?..— зонлы синмас кызкö полігтыр видзöдöмөн надзöник юалис Васса. Зюев казяліс, кызди тіралісны нывлөн паръясыс. «Мый сыкöд?— повзис Зюев.— Мый ещö кöсийö висьтавны?»— Толькö та йылысь некодлы кыв ни джын... Кöсийсян?

— Мыйла ме кута больгыны нинöм абусö?— пельпомъяссö лэптыштліс Зюев. Василёк öд сэтшöм: сылысь быдторсö позьö виччысьны.

— Збыльысь, Ванюша... Ме кö, шуам, тшöтш локта тіян дінö, то мый эськö шуасны?

— Коді?— пыр на нинöм эз гөгөрво Зюев.

— Йöзыс... Серавны, кöнкö, кутасны?..

Зюевлөн пыр жö кокняммис сьölöм вылас.

— Вот, вöлөм, тэ мый йылысь!..— ышловзис сійö.— Коді мый лыгытас шуны? Ошкасны быдөн... Тэ пыр жö и лок мян дінö, Василёк... Ставөн зэв радöсь лоам. Ме и, Виктор и, Надя и...

— Надя?— друг орöдіс Васса. Сійöс быттьö орсөн кучкисны.— Ладнö... Серыс вылас лоö. Но тэ смотри: некодлы тайö сёрни йывсьыс кыв ни джын... Кöсийсян?..

Ванюша лöсьöдчыліс нин гораа серöктыны, но кутис асьсö: мед эськö Василёк эз скөрмы.

— Қөсйыся!— шуис сійө воча да мыччис кисө.— Со менам кийй: век лоө тэ дор!.. Эн пов: некод оз мөд серавны мянөс. А йөйяс вылад ог мөдө видзөдны!..

Ванюша лэччис кильчө поскөд, муніс вөв дінас, бергөдіс сійөс. Ылісянь чин аддзыліс, кызди Васса восьтіс кильчө өдзөссө, лырис посводзас.

«Мый лоөма Василёкыскөд?— конюшнялань гөни-тигмоз думайтіс Зюзев.— Збыльысь өмөй сійө өні сыкөд сёрнитіс сьөлөмсяныыс? Эк, Василёк! Василёк!» Мөдарө кө, Зюзевлы вөлі зэв гөгөрвоана: Васса тазисө скөраліс быдтор вылө сы вөсна, мый эз веськав институтө, бөр ковмис воны гортас.

Эз, дерт, вермы төдны Васса Гудырева, мый сійө талун выльысь дойдіс сьөлөмсө өти зонлысь. Ёна дойдіс. Сэтшөма, мый зонлөн сьөлөмыс эз вөв местаын рытывбыд. Та вөсна сійө эз вермы вөчны сідзи, кызди тшөктіс нылыс: корсьны Жора Габовөс да вайөдны ныв ордө.

Некыз эз вермы тайөс вөчны Ванюша Зюзев — колхозной строитель.

МӨД ГЛАВА

СИЙӨ ЖӨ ЛУННАС КОЛХОЗНОЙ ФЕРМАЫН

Сикт горулын, Ягью кыр йылын лөшти, нюжөдчө-маөсь колхозлөн фермаяс. Тайө местаас неважөн на вөвлі веж луд. Тани сиктса том йөз тулысянь, мыйөн сөмын сылас лым да косьмас эжа, шонді лэччөмсянь да асья кыа өзйытөдз, коллявлісны гажа рытьяс. Кымын гудөк шы быд вой торкліс берегдорса лөньсө. Гудөкьяслөн кыпид да нор гөлөсьяс, том йөзлөн гажа серам да нюжйөдлана сьыланкывъяс гожся войясө дыр эз сетлыны узыны матігөгөрсә керкаясын олысьяслы.

Қор колхоз заводитіс татчө стрөитавны пырысь скөтной дворъяс, том йөз шөгө усины: көні найө ку-тасны гажөдчыны. Орчча сиктъясын важөн воссялө-маөсь клубъяс, а тани, ичөтик грездад, мый вермас лоны? Қодкө сетіс мөвп: весавны выль гажөдчан мес-та сикт помті визувтысь шор бөкө. Сідзи и вөчисны. Том йөз кералісны шор пөлөнысь ляпкыдик да шочиник кызъяс да козьяс, сувтөдісны некымын скамья.

Тані кутіс позьны ворсны городжиён да волейболён, пукыштны и йёктыштны, сьылыштны мича сьыланкывъяс. И век жё том йёзлён сьёлёмныс эз бурмы. Гожёмнад тані поэё гажёдчыштны. А төвся кузьрытьясё? Сійён и Ванюша Зюзев ошйысис, мый найё, том йёз котыр, асланыс вожак Надя Макарова юрнуёдём улын, босьтчисны стрёитны выль клуб. И сетісны кыв: эштёдны сійёс октябрьскёй праздникъяс кежлё.

А Ягъю бокса веж луд дзоньнас коли мёсьяслы. Асывводзьясын да рытгорувьясын, кор мёсьяс да куканьяс асланыс выль, югыд да шоныд оланінъясысь петасны мунны йирсянінъясё, налён уна гёлёсён шыалёмыс да баксёмыс кывліс сикт мёдар помёдз.

Кымын во нин коли сійё кадсянныс, кор колхозё пырысь первой кёзяйкаяс отувтісны ассьыныс тайтёяснысё да тпрутьёяснысё, но унаысь на весиг ёні, мыйён сёмын сикт горулысь кыласны шыалысь-баксысь мёсьясёс, арлыдаджык нывбабаяс пёвстысь кодсюрё ышлолалёны. Налы кажитчё: отувъя скётнёй дворьясысь петысь мёсьяс пёвстын век на эмось асланыс серукъяс да сьёдпельяс, кодъяс гёгөр коркё бергавлісны вояс чёж, коллявлісны узьтөг уна вой. Налён быдёнлён нин асланыс картаясын эмось выль серукъяс да тайтёяс, но важыд тай пёрысь йёзыдлён казътывьсё, дыр оз вун. Зато том йёз нинём оз тёдны: налы став колхознёйыс — асланыс.

Сійё лунас, кор Васса чеччис пароход вылысь да Ванюша Зюзев тарантасын бёр воис гортас, берегдорса фермаясын олёмыс вёлі лёнь. Мёсьяс мунісны ылі пёскётинаяс вылё, а скётничаясёс Надя Макарова ыстіс силосуйтчыны.

Надя Макарова мёд төлысь заведуйтіс фермаён. Талун сійё кольчис веситны том кукъясёс. Сылы отсасис Анна Андреевна — Вассалён мамыс, неыджыд тушаа, арлыда нин нывбаба. Нылыс кодъ жё гёгрёсінник чужёма, арлыдыс вылё видзёдтөг тэрыб вёраса да зіль, Анна Андреевна вёлі сэтшём нывбабаяс пёвстысь, кодъясёс некутшём сьёкыд удж оз мисьтёмт да пёрысьт. Найё некутшём уджысь оз пышйыны, и быд удж налён артмё бура да ёдйё.

Кукъясёс веситём бёрын Надя пырис гёрд пельёсё. Тайё гёрд пельёссё нывъяс восьтісны фермаё воём бёрын пыр жё. Сы бёрся локтіс и Анна Андреевна. Колё

на вöлі мыйкö вöчны зэв коланатор, но Надя ставсö вунöдiс. Сылы дум вылас уси öтитор, кодi лои фермаын асывводзнас.

— Ылалiн тай мыйкö, рочаканы!—кылис Анна тьötлысь гөлöссö Макарова.— Мый тэ вöли ещö шуан вöчны?

«Муса Анна Андреевна! Мый эськö вöли мекöд, эн кö тэ первой кадсянныс вöv тани аслад зиль киясөн да мелi гөлöсөн!»— тайö тöдса гөлöссö кылöм мысти думыштіс Надя. Анна Андреевна пыр кужліс сетны колана сöвет, кор Макарова ачыс эз тöд, мый вöчны. Сійö унаысь мездыліс том нылöс, кор сійöс пикö воштас кутшöмкö асныра нывбаба. Сьöкыд, кор ачyd он тöд, кызди колö вöчны. Но ещö сьöкыд, кор тэнö лыддьöны томөн, оз кывзысьны.

— Анна тьöt!— пöрысь нывбаба дiнö мам дiнö моз топöдчöмөн сьöлөмсянныс шыасис Макарова.— Асывнас Дарья Максимовнакöд бара зыкö воим. Ог пö мун силосуйтчыныд. Войдөр пö тай некор эгö ветлывлöй да овлім кызкö.. Гөрд знамаяс кутлім и...

— Эн пов тэ сыысь... Дыр нин мешайтчис тани,— бурöдiс нывлысь сьöлөмсö Анна Андреевна.

Дарья Максимовна бөрья вояссö заведуйтіс фермаөн. Буретш сы местаö локтіс Надя Макарова. Том йöз вотöдз на колхоз правление вештіс Дарьяöс удж вывсьыс фермаын учёт дзугöмысь. Сы местаö мортыс бура дыр эз сюр. Сэки Василий Васильевичлы и сюри ки улас Надя. Бөрвылас нин тыдовтчис: Дарья вөлөм абу став йөвсö учёт вылö босьтлөма, öбидитлөма скöтничаясöс. Сійöс индiсны порсьясöс видзны, но Дарья öнi на некымынысь луннас кежавлö важ уджаланинас. То öтитор вылö индö, то мөдтор вылö, а ачыс синъяс нас кыйялö Надя бөрся: кыйөдö, оз-ö казьяв мыйкö том нывлысь, мед эськö позис норасьны правлиенилы.

Анна Андреевна казьяліс нывлысь сьöкыд думьяссö, небыдика тапнитіс пельпомас, сьöлөмсянныс шуис:

— Эн пов, бобук! Миян ставыс лоö бур. Быдтор, эштöдчам да, вöчам. Тэ сöмын тшöкты быдөнöс зильджыка уджавнысö. Оз на öд ставныс гөгөрвоны, мый аслыныс уджалöны. Чайтöны — колхозыд дядьöлөн...

— Ыджыд пасибö, Анна Андреевна, бур кывсьыд, велөдөмсьыд,— сьöлөмсянныс артмис нывлөн, и сійö бара топöдчыліс Анна тьöt бердö.

Код төдас, мый эськө вөлі Надякөд, эз кө вөв сы-
көд орччөн Анна тыёт!

Тані и суис найос Василий Васильевич — колхозса
председатель, коді локтіс видзөдлыны том йөзлысь
гөрд пельөссө.

— Да, тиян тані и збылысь бур! — пырөмөн тшөтш
шуис председатель. Сэсся синъяснас кытшовтіс гөгөр
да мөд пөв шуис:— Бур! Бур! Ошка!.. Ефим Иванович
воас карысь да ошкас жө. Ме Дарьялы унаысь тшөк-
тылі, но эз окотит... Нинөмла лө миянлы гөрд пельөсь-
ясыд. Уджысь пө манитны сөмын пондас... А ті вот...
Зэв бур!

Председатель ещө видзөдліс гөгөр, пөрччис кепка-
сө да пуксис пызан дорө, Надялы воча. Гөрд пельөсын
и збылысь вөлі гажа: өтка өшиньын өшаліс лым
еджыд занавес. Гөрд кумачөн вевттьөм пызан вылын
стеклянной банкаясын сулалісны мича дзоридзьяс.
«Тыдалө, нывъясыд гортсыныс вайөмаось», — радлө-
мөн думыштіс председатель. Пызан пасьтала книгаяс
да газетьяс. Председатель босьтіс киас кутшөмкө
книга, но бөр пуктіс, видзөдліс Анна Андреевна вылө,
коді нохсис ылі пельөсын, сэсся юаліс Надялысь:

— Но, кызди? Он каитчы фермаад локтөмысь?

Надя, дерт, эз каитчы. Но том мортыдлы век жө
вөлі сьөкыд. Дай кызди мөд ногыс? Ставыс дзык вель-
тор, өнөдз некор вөчлывтөмтор, первой ашшөр удж.
Войдөр өд гортад көть мый эз ковмывлыв вөчны, пыр
мамыд велөдөм да тшөктөм серти. А тані сылы аслыс
лоис көзяинавны и көзяйкаавны. Надя унаысь сёрнит-
ліс зоотехник Елена Михайловнакөд, лыддис живот-
новодство кузя книгаяс, но өд и сэсь на колө кужны
аддзыны колана воча кыв быд вопрос вылө, кодъяс
кыптывлісны уджад.

— Мый сылы каитчынысө? Зэв сяммө уджавны.
Быттьө сы вылө и чужлөма, — шыасис Анна Андреев-
на. — Толькө тай вунөдід ставныд сійөс.

— Кызди вунөдід? — эз гөгөрво, тыдалө, Василий
Васильевич.

— Сідзи жө... Индынытө — индід, а отсөгсө онө
сетөй. Вот и лоө бергавны юртөм петук моз...

Председатель сюся видзөдліс пөрысь скөтнича
вылө. Василий Васильевич көсйис, тыдалө, төдны:
збылысь сійө сёрнитө али шмонитө. Но Анна Анд-

реевна чужом вылысь нином эз позь лыддыны. А сийо водзо нуодис:

— Чайтад — том мортыдлы кокни тани? Медся первой — Дарья сылы мешайто. Некидыз он мын сыысь...

— Ладно, Анна Андреевна, ладно! — кинас шеныштіс Василий Васильевич. — Водзо выло сесся частоджык волевны модам. Нянь со лоис идралома серомьясодз, турун пуктома. Гортгогорса уджъяс сесся... Ылодз оз ков мунны.

— Тогда ме тиянылысь гортгогорса уджъясныто!..

Анна Андреевна босьтіс ведраяс да петіс. Гюрд пельосын колины кыкюн — Надя Макарова да колхозса юралысь. Василий Васильевич эз тэрмась: сийо озтіс папирос, коксо нюждомон заводитіс лэдзавны тшын кольчаяс. Надя гогорвоис нин, мый Василий Васильевич талун эз просто татчо во.

— Вот мый, Надежда Егоровна, — мыйко дыра мысти шыасис сийо. — Тодмасы ме комсомольской собрание протоколнад. Дерт, ти абу гогорвоомныд меным тшотш петкодлыны, вунодомныд и собрание выланыд корны, но Елена Михайловна тодмодис мено...

— Ти, Василий Васильевич, сийо рытас эню вольо гортаныд. — Надя, веськыда ко шуны, медсясо повзис Егоровнон ыдждодломсыс. — Сельсовето ли кытчюко вольи муномныд...

— Водзвыв ко висьталід, ме эсько некытчо эг мун, — стрюга нин шуис председатель. — Но, мед. Талун ме ог та йылысь сернитны косийы. Сыысь ме ог скорав. Унатор йылысь сернитомныд собрание выланыд. Тайо, дерт, бур. Тадзи и колю. Но, эню вывти босьто ас выланыд? Лыстыны быд мослысь кык тысяча литр — зэв ыджыд делю. Ми од сомын на коллюм вою тысяча литрсыс петім... Кадыс зэв нин этша... Вит толысьон колю лыстыны матю мод сы мында, мыйта лыстым сизим толысьон...

— Ми арталім ставсо, — гюрдодис Надя. Сийо од и ачыс полис тайю лыдпассыс, но нывъяс сэтшюм збоя да решительной сувтисны та дор, и быть лои согласитчыны. Дерт, они сесся быть доры примитюм обязательствосо.

— Сесся, — водзо висьталіс председатель, — ти чуксаланныд сиктса став комсомолецъясос локны фер-

мао... Кытчө ми найос кутам тані воштыны? Тöрыт на воліс правлениео норасьны Марпида Прокопьевна. Вöтлöны пö том йöзыд фермасьыс, уджавны оз сетны...

— Мед оз лöсьöдлы!— эз вермы кутчысьны Надя.— Ачыс мянлысь нинöм оз кывзысь, а сэся муно норасьны... Распорядок мян...

— Распорядокыд, дерт, буртор,— нюммунис Василий Васильевич.— Пöрадоктöг некутшöм тöлк некөн оз ло. Но и пöрысь йöзöс öбидитны оз позь. Найö кызь во чöж, медся сьöкыд кадас, колхознымöс пыкисны... Кытчө öнi найос кутам воштыны?

— Мыйлакö вот Анна тьöt оз норась, а Марпа норасьö?— скöраліс Макарова.— Көнкö öтвылысь Дарья Максимовнакөд пöгиб көсийöны мянöс воштыны. Но нинöм оз артмы! Ми шуим кык тысячаөдз воöдчыны — и воöдчам. Став вын пуктам, а воöдчам.

Макарова чеччис волнуйтчöмысла, босьтис киас ыджыд книга, чургöдіс Василий Васильевичлы.

— Со, видзöдлы, председатель ёрт! Медся бöрын Марпайд кольöм тöлысьнас. А мөсьясыс öмöй сьлөн омөльöсь? Мян нывъяс мөсьясныслы быд лун содтöд веж турун вой жежлас вайöны, а сійö оз көсйы. Войдөр пö тай сытöг овлім. А мян зелёнöй конвейер гожöм-быд. Кыдзи эськө ми бөръя кык тöлысьнас витсё литр-нас лысьтiм?

Василий Васильевич кывзис кыв шутöг, эз торк Надяос. Сійö көсйис, мед фермаса вьль зав помöдз висьталіс став чукөрмөмторсö. Сылы, веськыда кө шуны, воис сьөлöм вылас том нывлөн волнуйтчöмыс. Сідзкө, висьö сьөлöмыс ферма вöсна, и тöлк нывсьыс лоас.

— Сідзкө, тэ ногөн, вöтлыны Марпасö фермасьыныд?— синсö неуна читкыртыштöмөн мудера юаліс председатель.— Тадзи колö тэныд?

Макарова падмис.

— Мыйла!— недыр мысти вочавидзис Надя.— Мед дугдас Дарьяыскөд шушкөдчыны. А то пыр сы дінын! Мый Дарьяыслы мян мөсьяс дінысь колö? Мед аслас порсьяс дінын ёнджыка да зильджыка бергалас, а оз пöж мышсö кормокухняын.— Макаровалы, тыдалö, мыйкө друг дум вылас уси, сійö крута бергöдіс сёрнисö:— Пöлино, Василий Васильевич, Виктор Киселев көсйö порсь видзны босьтчыны. Эз на сёрнитлы?

— Виктор?— эз кодэ эскы председатель.— А мый Мед видлас... Ме абу прөтив... Вот мый, Егоровна. Вай сёрнитчам тадзи: важ уджалысьясөс не обидитны.

— Мед эськө найö мянөс асьныс эз обидитны!— серөктіс Надя.

— Ті вөчöй тадзи,— быттьö эз кывлы бөръя кывъяссö председатель.— Лөсьöдöй Почёт дөска. Гижöй сэтчö нимъяссö бура уджалысьяслысь... Дерт, ми найöс первой утвердитам правление вылын... Тшöтш и важ уджалысьясөс. Пöрысь йöзтö колö уважайтны. Найö öд колхозсö ас гөрб выланыс кыпöдисны, некутшöм машинаястөг первойсö. Не кö налөн уджыс, тиянлы эськө öнi дас пөв вöли сьöкыд. А тi со дась вылас локтінныд. Меным гоз-мөд морт нин норасисны: выживитны пö том йöзыд кöсйöны.

— Да кодi тадзсö сёрнитö?— шензис Надя.— Уджыд тай, майбыр, тырмас быдөнлы.

— Битөг тшын оз овлы! Тадзи важ йөз шулөмаось!— серөктіс председатель да сүвтiс.— Ноко, петкөдлы, мый тэнад танi төв кежлас колö вөчны? Аскисянь кык плөтникöс ыста.

— Кодьясөс?— тэрыба юалис Надя.— Зюзев оз лок?

— Зюзев?— Василий Васильевич сюся видзöдліс ныв вылө, нюммунис.— Пола, мый том йөзыд тиян динын омöля мөдасны уджавны!

— Мөдарö, Василий Васильевич!— серөктömөн жөвочавидзис Макарова.— Том йөзтö тэрмөдлыны мильстам. Найö мян дырйи дышөдчынытö озджык кутны.

— Весиг сідзи?— нюммунис председатель.— Мый нö! Висьтала бригадирныслы, мед том йөзöс мөдөдö. Миян тай, майбыр, и том строительясыс öнi уна. Абу важыд... Но, мөдiм!..

Ферматi кытшовтөм бöрын Василий Васильевич кайис сиктö. Макарова сийöс колльöдыштiс неылö. И кор нин бөр бергөдчис лэччыны увлань, туй вылө вöрысь гөнечөн петiс вöла. Тарантасын пукаліс Зюзев. Надя пыр жö төдiс сийöс брезентөвöй куртка сертиис. Но зонкөд орччөн пукалысь нывсö Макарова ылісяньыд некыз эз вермы төдны, көть и бура тыдаліс, кызди Ванюша, нывлань бергөдчөмөн, мыйкө гажаа висьтавліс сылы. «Кодi тайö вермас лоны?»— думайтiс Надя.

Сійö тöдiс: Ванюша асывводзнас мунiс сиктö.—«Кодöс сийö сэсь вермис вайны?»

И сэки Макарова тöдiс: нылыс вöли Василёк. Надя котöртис фермаö висьтавны Анна тьötлы нылыс воём йылысь. И сэки жö думыштіс: мый йылысь сэтшöм гажаа сёрнитöны Ванюша да Василёк? Мый вылö сідзи сералöны? Ныв кыліс, кыдзи аслас сьөлöмыс мöдiс тэрыба йöктыны. «Гашкö, ме вылын сералöны?» Надя сувтовкерис, лöсьöдыштіс юрсыс чышьянторсö, надзöнджык нин мөдöдчис увлань.

Анна тьöt кузь роскөн чышкис гөрд пельöслысь кильчö выв.

— Анна тьöt!— ылісянь на горöдiс Надя.— Вильтор висьтала!

— Мый нин сэтшöмыс, бласлö кристос?— повзис Анна Андреевна да веськөдчис.

— Вассаыд воис!

— О, господи!— кисьыс россö уськөдiс пöрысь нывбаба.— Ачыл адзылін?

— Ачым. Муртса на Ванюша Зюзевкөд гөнитісны. Ванюшаыс асывводзнас сиктö мунліс. Тыдалö, бöрсö локтігөн Василёктö пристаньысь аддзöма.

— О, господи!— пыр на асас эз во Анна тьöt.— Кысь, мися, сьөлөмöй пыр на местаын эз вöв да. Кайлыны лöө гортö бөра-водза. Мөсьяс вотөдзыд ме бөр на удита воны.

— Кайлы, Андреевна, кайлы!— шуис ныв, а ачыс котөрөн пырис гөрд пельöсö, пуксис пызан дорö. Вуні весиг председателкөд неважөнся сёрниыс. Син водзын бергаліс öтитор: Ванюша да Василёк пукалöны орччөн тарантасын, и Ванюшаыс сьөлөмсянныс мыйкө висьталö Вассалы. Надя быттьö весиг адзыліс, кыдзи ворсöны да югъялöны зонлөн синъясыс. Дзик жö сідзи, кыдзи коркö тулыснас...

...Тайö вöли школаын выпускнöй рытö. Сийö войсö, кажитчö, ставнас вöли сетöма том йöзлы. Первой гажыс муніс сикт шöрын сулалысь ыджыд школаын. Югыда дзирдалысь паськыд öшиньясöд улича вывсянь тыдаліс, кыдзи сэнi гажөдчисны том зонъяс да нывъяс. Вына радиолалөн шы разаліс ылөдз. Сэссия том йөз петісны улича вылö, сэнi гажөдчисны асылөдз. Разөдчавны кутісны сөмын сэки, кор шондiыс кайис нин вылö да көзьяйкаяс заводитісны ломтавны пачьяс. Тшын

сюръяяс качөдчисны нин вывлань то өти, то мөд керка
весьтын.

Со том йөз чукөрысь торйөдчисны куимөн — кык
ныв да зон, мөдөдчисны сикт помлань.

— Гашкө, медбөръяысь тайө туй костсө өтлаын ву-
джам, Ванюша! — шоппырысь шуис өти нылыс да ви-
дзөдліс зон вылө.

— Быдторйыс вермас лоны, — сөгласитчис зон.

Ок, кутшөма эз воны нывлы сьөлөм вылас тайө
веськодя шуөм кывъясыс!

Мөд нылыс судзөдчыліс туй бокин сулалысь бадь
дорө, нетшыштис вежөдны заводитөм вож, кутис вид-
лавны сылысь муртса на петөм посныдик да нэриник
коръяссө. Тайө муртса паськөдчыны заводитөм коръ-
ясысь кыліс аслыссикас сир көр, и посныдик коръ-
ясыс сибдалисны чуњьяс бердө уль сирөн. Ныв вайөд-
ліс виль петасъяссө ныр дінас, мыйкө дыра кутыштис
сэни, сэсса шыбитис муас.

— Ми талун татшөм жө томөсь, — шуис, кажитчө,
аслыс, но быдөнлы кывмөн.

Тайө куимыс вөліны Надя, Василөк да Ванюша
Зюев. Тайө асывводзнас Надя первойысь гөгөрвоис:
сийө радейтө Ванюшаөс. Но Надя весиг сэки аддзис
вын бөр бергөдчыны сиктө, кольны асьыс пөдругасө
зонкөд. Гашкө, тайө вөлі и челядь сяма сьөлөм дой,
но сы серти, кызди сьөлөмыс мөдіс доймыны, гөгөр-
воис: тайө чувствоыс ыджыд да нэмыс кежлө.

Василөк вөлі быд боксянь бур пөдруга: некор эз
ылөдчыв, ковтөг эз вензьяв. Мый ещө сэсса колө пөд-
ругасяньыд? Но сылөн мыйкө век жө вөлі сэтшөмтор,
коді ёна эз во сьөлөм вылас Надялы. Қоркө Василөк
дзик збыльысь шуис нывъяслы, мый окота асьыс
олөмсө вөчны сідзи, мед овны нэм чөжсө паськыдіны,
мед сы рөгөрын пыр вөліны кутшөмкө торъя мича йөз.
Надя сідзи нинөм эз и гөгөрво пөдруга висьталөмсыс.

Ачыс Надя некор унатор эз көсийв: сийө радейтис
асьыс бать-мамсө да став вынсө эськө пуктис сы
вылө, медым гажаджыка да кокниджыка найө олісны
пөрысь дырйиныс. Кызди тайөс кутас вөчны — Надя
ачыс на эз төд, но шуис аслыс: вөчас тайөс. Бать-мам-
ыс сылөн, Надя тайөс гөгөрвоис нин зэв бура, колхозө
пыртөдз олісны сьөкыда, и сийө эськө вөчис на водзын
ыджыд мыж, эновтис кө найөс.

Дерт, и Надялөн вöлі аслас ыджыд мечта. Кодлөн сійö абу? Но — ставыс тайö водзын; тайö мечта вöсна-ыс ковмас на ёна тышкасны. Ассьыс ыджыд мечтасö Надя кутіс зэв пыдын и шоча кыпöдліс сійöс, видзис ылын-ылын, йöзыс гусьон, кöть эськö и гөгөрвоис; сы мечтаын йöзлы дивитанаыс нинöм абу. Надя Макарова прöстö кöсйис уна велöдчыны, бөр воны гортас да вöчны сиктса йöзлы ыджыд буртор, мед сылыс нимсö дыр казтьывлісны...

Дум вылас Надялы воліс и мөдтор.

Школаын велöдчигөн на Надя кутіс частö волевлыны фермаö. Анна Андреевна пыр ошкывліс сійöс таысь.

— Велöдчы, бур ныв, велöдчы,— тапкөдліс нылöс мелі кияснас пöрысь нывбаба. Анна тьötлөн киясыс кызкө пыр вöвліны небыдöсь, кöть и ачыс вöчис став сьökыд уджсö.— Дерт, татчö уджавны тэ он лок, но быд удж öд сöмын мичмөдö морттö.

— А мыйла ог лок, Анна тьöt?— öтчыл юалис ныв. Сэки сійö велöдчис öкмысöд классын, унаыс нин думыштчывліс сы йылысь, мый кутас вöчны школа помалөм бöрын. Мунны велöдчыны водзö сійö эз вермы: кытчö эновтан пöрысь бать-мамтö, дай на отсөгтөг öд-вакö и велöдчöмыс артмас.— Буретш дай локта, гашкö...

— Мый тэ, Наденька!— кинас шеныштіс Анна Андреевна.— Ті менам Вассакөд водзö велöдчыны мунанныд.

— Ог, Анна Андреевна! Ме локта уджавны тэ дорö!— первойысь на бокөвöй мортлы восьтіс ассьыс кöсйöмсö ныв.— Бать-мамöс ме ог эновт!

Тайöс Надя шуис сэтшөм сьөлөмсянныс да збыльысь, мый Анна Андреевналөн кыткө вөрзис морöс пытшкас. Сійö топөдліс нылöс ас бердас, чышкыштіс синвасö, муртса кывмөн шуис:

— Ок, рочаканьяс, ті менам!..

Васса, Анна Андреевналөн нылыс, мөдарö, эз радейтлы волевлыны мамыс уджаланінö.

— Мый ме сэсь эг аддзыв?— нырсö кöрыштөмөн шуліс сійö, кор вöлі Надя корас пöдругасö лэччывны фермаö.

Öтчыл Надя век жö кыскис Василөкөс. Надя казяліс, кутшөм рад лоис Вассалөн мамыс! Нуөдіс нывъ-

ясӧс посныдик куканьяс дінӧ, ошйысис наӧн, унаысь видзӧдлывліс нылыслы синмас.

Ичӧт кукьяс и збылысь вӧліны сӧстӧмӧсь, шань-
ӧсь, меліӧсь. Найӧ тешкодя инмӧдчывлісны ныръясна-
ныс нывъяс дінӧ, важ тӧдсаяс дінӧ моз.

— Ок, кутшӧм мусаӧсь!— кукьясӧс малаліг радліс
Надя.

— Фу!— паръяссӧ нюжӧдіс Василӧк.— Дукаӧсь!

Ок, кызди гажтӧммисны Анна Андреевналӧн синья-
ясыс! «Кызди сійӧ лысьтіс татшӧм кывъяссӧ шуны!»—
думыштіс Надя да жалитіс нин, мыйла вайӧдіс татчӧ
Вассаӧс.

Бӧр петіганыс нывъяслы ковмис мунны куйӧд чу-
кӧръяс дінті. Анна Андреевна уськӧдчис нылыс дінӧ:

— Эстіджык, эстіджык! Қокъяснытӧ энӧ лякӧсь-
тӧй!— а ачыс бӧрсянныс босьталіс нылыс пальто вы-
лысь турун сіяс.

— Ладнӧ, мама!— пӧдругаыс вылӧ яндысьӧмӧн моз
видзӧдлӧм бӧрын дӧзмӧмӧн вештіс мамыслысь кисӧ
Васса.— Ме ачым...

Гортас кайигӧн Надя видіс пӧдругасӧ, но Вассалы
вӧлі веськодь.

— Эн нуӧд сӧсся менӧ некор фермаад...— шеныш-
тіс сійӧ кинас...

Надя сьӧкыда ышловзис. Эк, вермис кӧ эськӧ сійӧ
ӧні тшӧктыны ӧти зонмӧс радейтны асьсӧ, то, кажит-
чӧ, став светсӧ эськӧ бергӧдіс, выныс сӧ пӧв содіс.
Сэки эськӧ дас пӧв гажаджык вӧлі и фермаын уджыс,
и сиктыс, и эз эськӧ кыпав скӧрлуныс Васса вылӧ, коді
мунліс нин карӧ, но мыйлакӧ бӧр воис.

И колӧ жӧ вӧлі ӧтлаӧ веськавны туй вылас Ваню-
шалы да Вассалы!

КОЙМОД ГЛАВА

МИЧА ЖОРА

Мичаӧсь Ягвылын водз арся шоньд рытъяс! Мый-
ӧн сӧмын шонді катовтчас Ягью катыдса керӧс сайӧ,
мӧдлапӧвса джуджыд яг нӧрысын быдмысь пожӧм
туганьяс ӧзьясны зарни рӧмӧн. Сӧсся шонді дзикӧдз
саялӧ керӧс сайӧ, ульсалас луннас косьмылӧм сынӧ-

дыс керкаяс костын, көть и небыд төвру пöльыштлывлö на керöс вывсянь. Ю весьтын заводитчас кыпöдчыны небыдик, кокныдик ру. И кажитчö, мый ставыс гөгөр вöйтчö рытья унзильö.

Но тайö сöмын кажитчö. Кывзысьыштны кө бурджыка, то позьö казьявны, кыдзи рытья олёмөн олö сикт. Уна морт воывлöны сикт шöрын сулалысь öти керкаö. Тайö — колхоз правление, кытчö быд рыт пыравлöны бригадиръяс, а то и муяс вылын да фермаясын уджалысьяс. Öтилы колö тöдны, мый вöчны аски. Мöд, удж вылысь воигmoz, жежалö босьтны денежнöй аванс кольём тöлысын уджалöмысь. Коймöд корö вöv сельсöветöдз ветлыны.

Татчö жö локтöны и том йöз. Клуб колхозын абу на, сийöс неважөн заводитисны стрöитны, и том йöзлы сетöма колхоз правлениекöд орччөн ыджыд комната, кытөн вöчöма неыджыд сцена.

Но вот, рытья сöдз сынöдсö поткөдиг, шпоркнитислэбис утка котыр. Найö тэрмасьтөг ылыстчöны тайö местаясысь лунвылö, дыр жежлö оз пуксьывны öтка гөпъяс да тыяс вылö. Со ещö кылис лэбачьяслөн бордшы. Сэссия сиктлысь унзилья ойбырсö торкас гажа гудök. Кымын нывлөн сэки вөрзылас сьөлöмысь!

Заводитис лөсьöдчыны мунны рытйысьны и Иван Зюзев. Сылы оз ков тöдмавны аскиа удж йылысь. Уджыс сылөн пыр öти: асывводзсянь да рытöдз черөн. Көть и регыд на уджалö Ванюша, но сылысь нимсö пасйисны нин Почёт дöска вылö, кодi сулалис колхоз правление öшинь улын. Оз, Иван Зюзев öнi оз жалит, мый шуис лоны колхознöй строительöн.

Мукöд думъяс бергалöны том строительлөн юрас: зеркалö водзын бергалиг сийö думайтö Василөк йылысь. Нинöм соссьыны: Ванюша радейтис Василөкöс. Тайöс сийö гөгөрвоис öкмысöд классын велöдчигөн на.

Ягвылын среднöй школа эз вöv. Сизимöд класс бöрын ягвывса том йöзлы ковмылис котравны сиктöдз. А сэтчöдз эз вöv матын — квайт километр саяс. Зюзев Иван да Гудырева Васса эз öтчыдысь таяявлыны тайö туй костсö. Веськавлывлисны и лым улö, и зэр улö. Öтчид, төвся кöдзыд рытгорулö, найö сёрөн локтисны гортаныс. Кольччылисны драмкружокö. Тайö рытас Вассаöс друг кутис кынтыны — висьмис, тыдалö.

Локтіганыс кыпөдчис чизыр төв, муртса эз уськөд кок йылысь. Төв паныд мунны вөлі сьөкыд. Кыдзи и позис виччысьны, Вассалөн вын-эбөсыс быри, гортөдз-ыс эз во. «Мый вөчны?»— думайтис Ванюша, бергаліс нывка гөгөр.

Нывкаөс эновтөм йылысь, төдөмысь, эз позь и думайтны. Но окота вөлі вөчны мыйкө сэтшөмөс, мед эськө Василёк, кызди гортас и школаын шулісны Вассаөс, аддзис: ськөд настөящөй мужчина, повны нинөмысь. Ванюша вөлі дась вөчны подвиг, мед сы йылысь весиг газетъясын гижисны. Көть ош петас на дінө, уськөдчас Василёк вылө, а Ванюша мездас, виас ошкөс. Но зонка төдіс: ошъясыд төвнад оз ветлыны вөръясөд, а көинъяс матігөгөрын эз кывсьыны.

Сэсса Василёк пуксис туй юж вылө, бөрддзис. Бытьё нарошнө, матын некод эз вөв — пода ни вөла. А найө мунісны сөмын на джын туйсө. Пуксьы көть орччөн да тшөтш бөрд!

Кыпавліс дум котөртны сиктө өтнаслы, воны Василёкла вөлөн, но эз лысьт весиг висьтавны та йылысь нывкалы. Ванюша думсьыс казтыштіс книгаясысь лыддьөм став геройсөс, думыштіс, мый да кызди эськө вөчисны найө сы местаын. Решение воис ачыс. Зон босьтіс нывкаөс сой пөлөдыс, кутіс кыскыны водзө.

— Вөчам кыксө воськов, сэсса шойчыштам,— ышөдіс нывкаөс зон.

Ванюша некымын пөв лыддьыліс тайө кыксө воськовсө, думсьыс ышөдіс лишнөй дас воськов көть вөчны, но ныв эз вермы. Васса бөрдіс сьөд синваөн, ойзис. Тадзи найө кыссисны сёр рытөдз. Бөръя километрсө Василёкөс кыскисны нин даддьөн ислалысь челядь. Найө буретш вөлі локтөмаөсь сэтчө джуджыд кыр йылө.

Нинөм бытьё ыджыдторсө эз вөч Ванюша, но та бөрын ныв кутіс видзөдлывлыны сы вылө кызкө мөд ногөнджык, бытьё на костын лои кутшөмкө гусятөр.

Василёк быдмис батьтөг, мамыслөн өтка нылөн. Гашкө, та вөсна сійө и быдмис сэтшөм нэриникөн. Мамыс жалитіс нывсө, мичаа пасьтөдіс. Батьыс Василёклөн вөвлөма учительөн орчча сиктса школаын, но усьлөма война вылын. Мамыслы быть лөөма заводитны уджавны колхозын. Сійө лун-лун эз воывлы гортас, но кызкө удитліс видзөдны и нылыс бөрся. Му-

көд дырйиыс ачыс пөттөдз оз сөй, а нылыслы коляс медся бурсө, медся чөскыдсө. Мам көсйис, мед нылыс велөдчис, лоис учительницаөн либө врачөн.

Василёк өтчыд петкөдліс Ванялы батыслысь пиль-мөсө, көні сийө пижис гөтырыслы, мед нывсө велөдөм вылө пуктас став вынсө. «Гашкө, ме гортө ог во,— гижис сийө.— Быдты миянлысь зарни Василёксө бура, и мед сийө оз вунөд ассьыс батысө».

— Тэ сийөс помнитан?— Василёклысь юалис Зюзев.

— Ог,— вочавидзис ныв.— Со тай сийө...— Васи-лёк индіс камод вылын сулалысь фотокарточка вылө. Ванюша вылө стрөга видзөдіс Василёклөн кодь жөгырысь синьяса, гөгрөс чужөма, кузь шынеля военнөй.

— Збылысь, ме сы кодь?— юалис Василёк.

Да, Василёк вөлі батыс кодь. А ещө шульвлөны: бать ныв пө шуда. Та йылысь эз өтчыд кывлыв и Ванюша. А кутшөм нө Василёклөн шуд, кор сылөн весиг батыс абу?..

Зюзев думыштчис сэтшөма, мый, жажитчө, ставсө вунөдіс.

— Мыйкө тэ талун, пиук, зэв нин дыр вөччан!— серөктіс мамыс, кор казяліс пиыслысь зеркалө водзын бергалөмсө.— Он-ө нин корасьны мөдөдчы?

— Корасьны?— шыасис батыс, коді пукалис пызан дінын, видлаліс газетьяс.— Первой мед ассьыс кынөмсө пөткөдмөн уджавны кутас, а сэсся нин гөтра-сьөм йылысь думайтас. Мый нө, ми сэсся и сылысь гөтырсө кутам вердны? Тырмас. Ачыс абу ичөт. А то видзөда да, өнія том йөзыд сэтшөмөсь...

— Мый тэ шуткасө некор он лэпты?— торкис сийөс гөтырыс.

— И шмонитны колө кужны...

Зон унаысь нин казявліс: бөрья кадас батыс частө тадзи серавлө сы вылын. Ванюша төдіс — батыслы вөлі колө, мед пиыс велөдчис институтын, и өні сийө скөраліс, мый пиыс эз мун велөдчыны, шуис уджыштны мыйкө дыра колхозын. Ванюшаөс эз повзьөдлы уджыс. Сийө ичөтысянь быд гожөм уджавліс видзьяс да муяс вылын. Мыйөн быдмыштіс — пуксис ытшкан машина вылө. Пөжалуй, видзьяс вылын том йөз пөвстын некод эз вөв сы кодь пельк да зіль ма-шинистыс.

Батыс Ванюшаос мукөд батыс моз эз ёна кут быд-торйысь. Гашкө, та вёсна сійө и быдмис вильышён, не-уна асныраён. А кор быдмыштіс — друг вежсис.

Ванюша өні эз мөд кывзыны батыслысь тшөкөлдывайтөмсө, тэрмасьомён петіс гортсыс да надзөник мөдөдчис сикт кузя. Ывла вылын өвтис воём вотосьяс көрөн. Вылын, сикт сайын, нюжөдчөмаось аслыссикас югыдлөз визьяс. Талун плөтникьяслөн бригада эштөдіс колхозной клуб тшупөм. Регыд нин том йөз быдрыт кутасны чукөртчывны сэтчө, коллявны арся да төвся кузь рытьяс. Молодеч Надя! Мыйта нин сёрнитлісны колхозной клуб стрөитөм помалөм йылысь, но председатель пыр кызкө нюжөдчыліс, ыстысис то өтигор вылө, то мөдтор вылө. А Надя кыпөдіс сэтшөм шум, мый и вөр сюрис, и йөз лоисны. Збыль, вөрсө кольөм төв нин кыскавлісны, но Василий Васильевич шуөма сійөс вөлі видзны мөд стрөйба вылө. Комсомолецьяс здукөн кыскалісны вөрсө клуб дінө.

Зюев, аслас думьясө вөйтчөмөн, эз и төдлы, кызди воис сикт помөдз. Бергөдчис да надзөник бөр мөдөдчис гудөк шыланы. Ёні весиг и Василөк ордө эз вөв окота пыравны. Да ещө корсьны Жораос, нуөдны сійөс аскөдыс! Ёна тай сылы колө тайө Мича Жораыс!

Но вот тьотка ордсыс петіс и Жора, гөгөр гонькнитліс, казяліс Зюевөс.

— Ванюша! — горөдіс Жора, веськыд кисө лэптөмөн водз чуньнас корис Зюевөс ас дінас. Вот ещө мода сійө лөсьөдөма! Быттьө кывсө дыш шуны! Зюевлы вөлі зэв неокота мунны тайө мустөм, тшап морт дінас, но пышйыны эз жө вөв лөсьыд.

Кызди и пыр, Габов вөлі пасьтасьөма моднөя. Кузь русой юрсиыс лэччөма балябөж сайөдзыс. Паськыд пельпомьяса да уна зепта руд пинжаксө плавгөма пельпом вылас. Гачыс лөз, векныдик, дженьыд, кок лутшьяссө оз сайөд. Кокас — кык чунь кызта еджыд пыдөса ыджыд көм. Мыйла сылы вөлі колө татшөм паськөмнас сиктас воны! Йөзсө повзьөдлыны? Ванюша лыддыліс нин журнальясысь татшөм «стилягаяс» йывсьыс, «Крокодил» журналысь аддзывліс на вылө карикатураяс, но некызд эз вермы чайтны, мый татшөм полокалөыс кутас ветлөдлыны чужан сикт кузя, повзьөдлыны курөгьясөс. Тыдалө, Жора и синкымь-

яссö нарoшнö сьöдöдöма: кыдзкö найö зэв нин эз лö-
съявны юрси рöмыскöд.

Ванюша дышиника матыстчис Габов динö.

— Кутшöм «королеваöс» тэ öнтайнад вайин тат-
чö?— юалис Жора.

— «Королеваöс?»— серöктис Ванюша.— Эг «коро-
леваöс», а прöстö «царевнаöс». Василиса-Прекрасная-
öс,— висьталис Зюзев.

— О, тайö интереснö! Ажур! И кодi татшöм ны-
лыс? Чайта, абу миян сиктса?

Зюзев первойсö чуймис: воём бöртиыс Жора заво-
дитлис сёрнитны рочөн. Но, тыдалö, казялис, мый бы-
дөн вочавидзöны комиён, да друг вежис сёрнисö. Вö-
лöмкö, сийö абу на вунöдöма и коми кывсö.

— Буретш миян сиктса. Васса Гудырева. Гашкö,
тöдан?— нюммунис Зюзев.

— Васса?— шензьыштіс Габов.— Мый нö, институ-
тас абу веськалöма? Аддзылі ме сийöс карысь. Инте-
реснöй нывка! Позяс ськөд неуна кад коллялыштны.
Кыдзи сийö... оз пов?— гораа серöктис Жора да шолк-
нитис чуньяснас, мигнитис син пöвнас, быттö Зюзевлы
висьталис сэтшöм гөгөрвоанатор, мый йылысь и уна
сёрнитнысö оз ков.

Ванюшаöс чизыртлис тайö, но кутис асьсö. Сылы эз
вöв лöсьыд — тайö мустöм мортыс тадзи сёрнитö Ва-
силёк йылысь.

— Ог тöд, Мыйысь повнысö? Миян зонъяс абу ве-
лалöмаöсь повзьöдчыны!

— Тiян лoмысь! Тi öд куканьяс!— кинас шеныш-
тіс Жора.— А мый вылö том кадыс? Карыгн вот менам
другьяс... кужöны! Аддзасны кö мичаджык нылöс —
ставыс! Миян кыин лöö. Оз мын.

— Абу жö öд сэнi ставыс öткодь удалöсь?— шмо-
нитöмөн моз юалис Ванюша. Но Жора, тыдалö, тайöс
эз кыв.

— Тiян тани мый?— водзö нуöдис Габов.— Ставыс
син водзын. А карад кытчö окотитан, сэтчö и нуöd
нывтö. Некод оз аддзыв. А Вассаныд тiян... пасьтöдны
кö сийöс бурджыка... Европа!

— Ми öд абу карса зонъясыд кодь збойöсь!— эльт-
чöмөн моз нин шуис Зюзев, но Жора бара на эз гө-
гөрво.

«Абу тэ зэв сюсь, другё, вёлёмыд,— думыштіс Ванюша.— Паськёмыд мича, а пытшкёсыд, тыдалё, сісь...»

— Йойясыд быдлаын эмось!— водзё ошйысис Жора.— Мед, кодлы окота, няйтын ноксьоны. А ме ог кёсы. Сюрас на нэм чөжнад уджавнытё. Тіян тай со нывъяс ставныс куйёд пиын гудрасьоны. Мёдарё кё, кытчө налы воштысьны тани!

Зюзевлөн морёс пытшкас ставыс пуис. Сійё эськё өні сідзи и швачкёбтіс тайё вышитчысь ёлукыслы чужомас. Мыйён вышитчөсө? Мыйён ошйысьө? Оз бур уджён, мыйкё буртор йозлы вөчөмөн, а аслас яндысь-төмлунён! А Жора, быттьө нарошно, водзё изіс:

— Эм карын менам друг. Коля Попов. Европа! Паськёмыс век мода серти. Витлаын нин велөдчыны заводитліс, весиг пёжарнойясөс велөдан школаө пыраліс. Ветлас, гуляйтыштас, и бөр воас гортас. Мый сылы! Мам-бать озырөсь. Асланыс керка. Уджавны оз ков, майбыр. Нывъяс сы бөрся сідзи и котралёны. Ачыс мича, ыджыд тушаа. Мый ещө йой нывъясыдлы колё! Өні өти том врач дінө сибдөма. Настящөй нывбаба! Көть картина гиж. Но Коля оз на сет асьсө ылөдны. Өти кывйён кё — Европа! А тіян тани мый! Гу! Рытсө некодкөд коллявны. Весиг клубнытё коньөр колхозныд өнөдз абу стрөитөма!

Ванюша чабыртліс нин кулаксө, медым сетыштны Жоралы пель бокас, но кутіс асьсө.

— Вот мый, Жора!— сьөкыда шуис Зюзев, и ачыс кыліс, кызди сылөн парьясыс тіралісны да гөлөсыс дрөжжитіс.— Тэ тайөс сөр кодлыкө, но эн меным. Мед тэнад кё эмось сэтшөм бур другьяс. Но ме төда: найө ньөти оз мичмөдны карсө. Пөжалуй — мөдарө. Эз-ө сійө другтө тэнсьыд воддза воас карса комсомольскөй «Крокодилын» рисуйтлыны? Ме ачым адзылі. Миян нывъяс оз куйёд пиын луасьны, а уджалёны сәні, кытчө найөс сьөлөмныс кыскө. И меным найө сө пөв мусаджыкөсь сэтшөмьясьсыс, кодьяс лакөн мавтөны гыжь-яснысө да сьөдөдөны синкымьяснысө, но нэмнаныс оз адзывны ас уджөн шедөдөм гажлун... И эн сөр, мый карын тэ кодьыс уна. Да, мый тэныд висьтавны! Тайөс тэ некор он гөгөрво!

Ванюша крута бергөдчис да, бөрвылө видзөдлытөг, котөрөн сорөн мөдөдчис мөдарө. Сылөн пыр на пуис

сьолөмыс. А Жора, тыдалө, нинөм на эз гөгөрво, мый тані лоис. Вомсө паськөдөмөн сулаліс места вылас. Сійө заводитліс вөтчыны Зюзев бөрся, висьтавыны мыйкө, но аддзис, мый Ванюша оз көсийы весиг бергөдчывны, да энөвтчис.

Зюзев бура дыр ветлөдліс сикт кузя өтнасөн. Сылы паныдасьліс Виктор, коді тэрмасьөмөн муніс сикт шөрлань.

— Мый тэ өтнадөн шөйтан?— юаліс сійө Зюзевлысь.

— Гажтөм мыйкө талун,— вочавидзис Ванюша. Сійө көсийис Викторлы висьтавыны Габов йылысь, но өвсис.

— Тэнө вөлі Надя юасьө,— висьталіс Виктор, а сэсся ошйысьыштис:— Аскисянь фермаө уджавны муна. Заводитлам порсьясөс видзны. Дарья Максимовна лоө менам начальникөн. Гөгөрвоан?

Гортө пырны вөлі водз на. Ванюшалы өтнаслы гажтөм лоис. Быть лои мунны колхоз правление дінө, көні шыалісны том йөз. Но и сэні Зюзевлөн сьолөм вылас мыйкө эз вөв лөсьыд. Матыстчыліс Надя, но аддзис Зюзевлысь дышпырысь сёрнитөмсө, да регыд бөр торйөдчис.

Ванюша надзөник мөдөдчис гортас. И сэки сійө аддзис Василөкөс. Сійөс, сой пөлөдыс кутөмөн, нуөдіс Жора.

— Ылөдчысь!— Васса капризнөя нюжөдіс парьясө, кор Зюзев кутіс мунны на дінті. И мөдіс висьтавыны Жоралы, мед и Ванюша кывлас:— Қори ме сійөс пукавыны, и тэнө тшөкті аскөдыс вайөдны. А сійө — ылөдіс. Вот сэсся и верит миян сиктса зоньяслы.

Жора серөктіс, заводитіс мыйкө гажаяс висьтавыны Василөкы. Кыліс и Вассалөн небыдика воча пыльснитөм.

«Ті тай мыйкө зэв регыд воинныд өти кывйө»,— өбидитчөмпырысь думыштис Зюзев да гырсьөдіс воськовьясө. Обидаыс вөлі Василөк вылө, коді быттьөкө зэв чорыда ылөдіс сійөс.

Өні ачыс нин Зюзев эз гөгөрво, код вылө скөраліс: ас вылас али Жора вылө. «Мича Жора!»— думсьыс серөктіс Ванюша. Кодлыкө, гашкө, вөлі мича, но Ванюша Зюзев мича йөз йылысь гөгөрволіс аслысногөн: колө лоны мичаөн не гачнад да дөрөмнад, а сьолөм-

над! Ичөт дырйиыс сиктö тьötка ордас волевлiгьясөн Жора эз на вöв татшöм. Сэжи сiйö котралiс видзьяс вылö, лун-лун бергалiс челядькöд, а öнi нырсö лэптöма да вышитчö. Велькыда кö шуны, мыйöн сылы и вышитчынысö?

НЁЛЬÖД ГЛАВА

НАДЯ МАКАРОВА МЫЖМÖ

Колхозса председатель Василий Васильевич пукалiс аслас кабинетын, видлалiс животноводство кузя сводкаяс. Лыдпасьяс радуйтiсны колхозса юралысьсöс. Сiйö кылöдiс юрсö бумага листьяс вельтысь, думыштчис: «Молодечьяс, нывьяс! Видзöдтö, кутшöм регыд кадөн мый вöчисны! Сидзкö, эг öшибитчы, кор Надяос индi фермаөн велькöдлыны».

Василий Васильевич важөн казялiс тайö збой нывкасö, частö аддзывлiс сiйöс куканьяс дiнысь. Правлениеса членьяс кöть оз кодь вöли сöгласитчыны, сiйö решитчис индыны том нылöс Дарья местаö.

Председатель видзöдлiс öшиньöд. Сикт кузя баксiгтыр мунiсны пöскöтинаяс вылысь воысь мöсьяс. Сидзкö, кадыс уна нин. Видзöдлiс стенин öшалысь часi вылö. Вит час. Райкомсянь вот-вот звöнитасны. Василий Васильевич асывводзнас ачыс корис, мед звöнитасны сёрöнджык, а то сводкаяс оз на лоны дасьöсь.

Арся шондi ыркыда видзöдчис нейджыд кабинет öшиньö, ворсöдчис ва тыра графин вылын, кодi сулалiс пызан вылын. Председатель кыскыштiс ас дiнас пызан помысь тшöтi, заводитiс вештавны мольяс. Да, сидзи и эм: кольöм тöлысьын серти лысьтöма куим тысяча литр йöв унджык.

Председатель думыштчис. Мыйта вын ковмис пуктыны, мед лöсьöдны та мында скöt. И ставсö пöрысь нывбабаяс киясөн. Öнi скöt дiнö вооны вель йöз. Найö, тыдалö, унатор вöчасны, мый эз вермыны вöчны налөн мамьясныс.

Председатель вöли рад: кольöм гожöмыс сулалiс бур, заптöма уна кöрым. Тöвнас нывьяс оз кутны норасыны кöрым судзсьытöм вылö. Ок, сьökыд тулысьяс тöдлiс Василий Васильевич! Кодi лыддывлiс сылысь.

узылытөм войяссө? Кымынысь сылы ковмыліс коп-
расьны районь, мед сетісны концентратъяс. Өні тайо
ставыс кольома: оз ков повны, мый тулысын мөсьяс
кутасны гылавыны кок йывсьыныс. Нинөм соссьыны:
унаысь на өд и тадзи вөвлі.

Колхозөн Василий Васильевич веськөдліс бура
дыр нин, война бөрын армияысь демобилизуйтчөм-
сянь. Сиктын быдөн төдісны: армияысь гортас сійо
воис морөс тырыс орденъяса да медальяса, но воөмөн
тшөтш пөрччис найөс и на пыдди сөмын корсюрө
өшөдлывліс колодкаяс, медсясө гырысь собраниеяс
вылө мунігөн. Председатель төдіс: колхозникъяс ра-
дейтісны сійөс, и кор өтчюд районсянь заводитлісны
сы местаө суйны агрономөс — артельнөй собрание эз
сөгласитчы. Но и агрономыс бур морт веськалөма —
сөгласитчыс лоны председательөс вежысьөн. И өні на
сійө уджалө Василий Васильевичкөд өтвылысь.

Председатель оз норась аслас заместитель вылө.
Ефим Иванович Гилев не сөмын сылөн веськыд ки, но
кымын во чөж нин колхознөй партийнөй организация-
са секретарь. Ыджыд отсөг Гилев сетө Василий Ва-
сильевичлы. И өдва кө эськө, не кө сійө да зоотехник
Микушева Елена Михайловна, найө вермисны татшөм
регыдъя кадөн шедөдны гырысь вежсьөмъяссө. Өнөдз
өд Ягвылын эз на төдлыны, мед мөсьяс во чөжөн
лысьтісны сюрсысь унджык литр йөв, а колхозлөн
вогөгөрся доходыс муртса қайліс витсө сюрс шайтысь
вылөджык. А өні дзык мөд делө. Таво, пөжа-
луй, вогөгөрся доходыс колхозлөн қыптас миллион
шайтөдз. Миллион шайт! Та йылысь Ягвылын эз
лысьтлыны и думайтны. Вот тайөн и көсийс Василий
Васильевич ошйысьыштны талун райкомса секретарь-
лы. Та вөсна и сэтшөма виччысис районсянь звөноксө.

Бара думыштіс нывъяс йылысь. Кор газетъясын
кутісны гижны йөв да яй производитөм кузя Америка-
са Соединённөй Штатъясөс панийөм йылысь, Василий
Васильевич первой думыштіс: ок, сьөкыд лоө. Кутшөм
йөзөн мөдан тайө ыджыд могсө решайтны? Шуам,
муяс вылад да видъяс вылад унджык машинаяс ло-
асны. А коді пөрысь дояркаяссө вежас? Қызди гөгөр-
воис Василий Васильевич, фермаясө быть колө вайөд-
ны том йөзөс. Но — кызди?

Аслас думъяс йылысь сійӧ висьталіс Ефим Ивановичлы.

— Эн шогсьы!— шуис сійӧ.— Аддзан, мыйта том йӧзыс целина вылӧ мунӧ? Сідз жӧ и фермаясӧ мӧдасны локны. Видз-му овмӧс кыпӧдӧм партия ӧні сувтӧдӧ кызди всенароднӧй мог, и куж сӧмын примитны том йӧзтӧ...

— Кысь найӧ мян колхозӧ воасны?— ёнасӧ эз эскы Василий Васильевич.

— Аслад колхозысь жӧ!— нюммуніс Гилев.— Оз мӧдны пышйыны сиктысь, и — ставыс!.. Кӧнсюрӧ тайӧ вӧчсьӧ нин, регыд воас и мянӧдз... Комсомолыд, другӧ, быдлаын ӧткодъ...

Недыр мысти тайӧ сёрни бӧрас Василий Васильевичӧс да Ефим Ивановичӧс корисны райкомлӧн пленум вылӧ. Сэні и воссисны сылӧн синъясыс унатор вылӧ.

И вот налы Ефим Ивановичкӧд удайтчис ышӧдны первойя том йӧзӧс среднӧй школа помалӧм бӧрын кольччыны колхозӧ. А татшӧм йӧзыдкӧд унаторйӧ позьӧ збойджыка босьтчыны... Со, найӧ уджалӧны нин.

Кутшӧм прав лои Ефим Иванович!

Василий Васильевич кыліс, кызди орчча комнатаын пукалысь бухгалтерлысь нывбаба гӧлӧс юалис сійӧс, председательӧс. Сэсся кыліс ӧдзӧсӧ тотшнитӧм. «Бара, тыдалӧ, торкасны сёрнитӧ!»— скӧрысь думыштис председатель.

Порог вомӧн воськовтіс Дарья Максимовна. Василий Васильевич пыр жӧ казяліс: Дарья кӧсйӧ висьтавны мыйкӧ ыджыдтор. Лёзь юрси пратьясыс сылӧн лэччӧмаӧсь кымӧс вылас, чужӧмыс гӧрд. Дарья, сьӧкыда ышлолалігтыр, локтіс пызан дорӧ, пуксис председателылы воча.

— Мыйкӧ лои, Дарья Максимовна?— видзчысьӧмӧн юалис Василий Васильевич.

Дарья чышкыштис чужӧм вывсьыс пӧсьсӧ, еджыд син бугыльнас видзӧдліс ӧшиньӧд улича вылӧ, сэсся ӧдзӧс вылӧ, пыдісянь лэдзис:

— Ме сэсся тайӧс водзӧ видзӧдны ог вермы, Василий Васильевич.

— Мыйкӧ лои?— повзис председатель.

— Да, лои!— пызан вомӧн нюжӧдчис Дарья. Сійӧ

өні вөлі лэбач вылө уськөдчысь варыш жодь.— Төлк эз кут лоны тiян том нывъяскөд. Кыдз нө поэьө тадзи? Мед ме омоль, этша велөдчөма, но веськыда висьтала: найө регыд ставсө вайөдасны помөдз. Тайө — өні. А мый лоас, кор ми скөттө төв кежлө йөртам?

— Да мый, мися, лои?— скөрмис нин председа- тель, кодi төдiс Дарьялысь модасө: нинөм абусьыс кы- пөдны ыджыд шум.

— Лоис тай со! Нарошнө вөчисны! Став скөтнымөс регыд нинөмө вайөдасны. Кутшөм төлк вермас лоны том йөзлөн! Любезничайтөны сөмын ас костаныс. Ве- жөраныс налөн зонъяс пукалөны. Мөсьяс йывсьыд оз думыштлыны. Öнi плөтникъяс уджалөны сэни. Рeгыд тэнад скөтничаясыд косьө воасны на вөсна. Юкнысө некыдз оз вермыны. Эсiйө Надяыс — Зюзев бөрся, Настя — Витя бөрся. Со и оз тырмы ставныслы...

— Стөчджыка, Дарья Максимовна, стөчджыка,— корис Василий Васильевич.— И лөньджыка...

— Ме ог вермы лөнясө, Василий Васильевич. Сьөлөмөй потө, ачым ку пиө ог төр. Нэм джынйөс кол- хознөй мөсьяс дөзьөритi. Оз вермыны менам синъяс видзөдны татшөмторъястө, мый кутiс öнi вөчсьыны.— Дарья казялис председательлысь терпиттөма вөрзьөд- чөмсө, заводитiс ещө тэрыба быргыны:— Марпалысь медбур мөссө дойдөмаөсь. Ме асывнас шуа вөли: эн лэдзөй лудө, оз поэь. Со и лоис: виөмаөсь Марпалысь Зарнисө...

— Виөмаөсь?— нинөм на эз гөгөрво Василий Ва- сильевич.— Кыдзи?

Сiйө төдiс: Зарни — колхозын медся бур мөс. Ре- кордистка. Вот-вот сылы колө вөли вайсьыны. Кутшө- ма быдөн виччысисны сылысь куксө!

— Сидзи жө!.. Пырөма сө зөлөта Зарниным вадйө, сибдөма, пессигас и вайсьөма сэни.— Дарья заводитiс лыддьөдлыны.— Медбур мөс колхозаным вөли. Қольөм воө медся уна лысьтiс. Асьным Марпалы премия сет- лим. Менө выживитiсны, сэсся Марпаө кутчысисны. Тадзтө став бур уджалысьяссө вөтлаласны. Мед аслы- ныс тыр вөля кольө...

«Код төдас найөс!— думыштiс председатель.— Гашкө, том йөзид и збыльысь мыйкө вөчөны не сидзи? Том йөз бөрсяйд син колө».

— Вот мый, Максимовна!— недыр мысти шуис Василий Васильевич.— Ставсö тайöс ми тöдмалам. Мыжаöс аддзам. Но и нывъяс тэ вылö норасьöны: он пö отсась, он велöд. Марпаöс пö тшöтш сувтöдан налы паныд. Сэсся, колö шуны: тэ и ассыд уджтö омöля вöчан. Порсьясыд со кутшöмöсь...

— Жöник помысь нö кутшöм порсь видзысь артмас!— эз сетчы Дарья.— Оз видзöдлы порсьяс вылад.

— Мед и висьталін миянлы. А нывъяслы отсасьны колö. Мыйлакö вот Анна Андреевна вермö.

— Аддзöмыд кодöс ошкыны! Сылön аслас нылыс баруня моз гортас олö. Кызь арöса верстьö ныв! Карса Жоракöд рыт-рыт ветлöдлö.

— Быдтор жö тэ тöдан да аддзан, Максимовна!— кöсийс серöктыны председатель, но серамыс эз артмы.

— Синма, сийön и аддза!— ярскöба вочавидзис Дарья.

— Ладнö, Максимовна,— шуис сэсся председатель.— Ме пыр жö лэччыла фермаö да тöдмала. Эн пов: мыжаясöс чорыда накажитам...

Бöрдиг да лыддьöдлгтыр Дарья петис.

Став планъясыс Василий Васильевичлön торккисны. Кутшöм нин öнi вермас лоны сёрни райкомкöд, кор фермаын, гашкö, сэтшöм «ЧП». Важ армейскöй привычка серти Василий Васильевич ёна полис тайö «ЧП»-яссыс. Бөръя кык восö эськö некутшöм ыджыд ускöттö колхозын эз вöв, но öнi сьölöмыс друг ёнтыштіс: кор öд медся он виччысь, «ЧП»-ыд сэки и суас.

Дарья петöм бöрын председатель кабинетö пырис бухгалтер, мудз чужöма да код тöдас нин корсянь бритчывтöм Федотыч. «Мый сылы, бритчынысö некор али мый?»— скöрмис старик вылö председатель.

— Мый нин тані быргис Дарьяыс?— дзуртан гөлөсөн юалис бухгалтер. Ягыюын сиръяс да комъяс вой-вой кыйигөн сылön гөлөсыс дзикöдз чирöма.

— Бара на бритчывтöм, Федотыч?— стрöга юалис председатель.— Смотри, аски удж вылад ог лэдз. Эновт чери кыйöмтö!.. Вот мый, Федотыч. Пукав телефон дорас. Мыйön звönитасны — сетан сводка райкомö. Гөгөрвоин? Со сводкаыс...— бухгалтер ныр улö вештіс бумага лист.

— Мый сэн гөгөрвонысö? Верма кö — висьтала...

— Верман! — чөвтис скөрысь председатель да петіс правлениеысь.

«Вот ещё виччысьтөмтор! — фермалань мунігмоз ас кежсьыс думайтис Василий Васильевич. — Дерт, Дарья обидитчис, вештісны фермаон заведуйтөмысь да. Но мыйсьюрө сылөн висьталөмын, тыдалө, эм и збыль. Том йөзыд — том йөз и эм».

Казытыштис Василий Васильевич и Анна Андреевнаос. Збыль, сылөн нылыс мөд вежон нин гортас, но удж вылө эз на петав. Кодкө лун Василий Васильевич панліс та йылысь сёрни Анна тьөткөд.

— Шөгсьө, киас некутшөм удж оз пыр, — норасис мам. — Гашкө, ыркалыштас да уджавны кутас. Зэв нин забеднө, эз веськав институтас да. Мый вөчан, эз тай удайтчы. Шудыс, тыдалө, коньөрлөн, сэтшөм. Мам сьөлөмыд тай пыр жалитө.

Василий Васильевич нинөм эз шу. Сійө эскис: Андреевна кужас велөдны нывсө. Дай ачыс Вассаыс абу ичөт. Сылы ставсө нин позьө гөгөрвоны.

Фермаын буретш мунісны рытья уджъяс. Мөс лысьтысьяс котралісны пөдөнчаясөн. Картаясысь кылісны мөсьяслөн бакөстлөмыяс, нывбабаяслөн мелі гөлөсьяс. Ставыс вөчсис, кызди и быд лун. Сьөкыд вөлі чайтны, мый тані мыйкө лоис омөльтор. «Прөстө, тыдалө, повзьөдліс Дарьяыд, пиньсө жеслыштис», — лөньөмөнджык нин думыштис председатель.

А тайө кадас Надя инас өшйытөг ветлөдліс өтиляысь мөдлаө, волнуйтчис. Көтөртліс Анна тьөт дінө, но сійө ноксис аслас мөсьяс дінын. Пөдөнчаөн нарошнө гораа брунөдчигтыр прөйдитис Марпа, муніс аслас мөсьяс дінө, кодъяс шыалөмөн виччысисны көзьяканысө.

— Председатель тэнө корсьө, — Надялы скөрысь шуис Марпа, весиг эз бергөдчыв.

— Көні?

Но Василий Васильевич ачыс нин пырис паськыд өдзөсөд.

— Мый тіян тані вөчсьө? — Надя юр вомөн кытчөкө водзө видзөдіг стрөга юалис председатель.

А мый вермис висьтавыны Надя? Марпалөн Зарниыс лун-мөд нин нёрпаліс. Анна тьөт асывводзнаё шуис — оз пө ков лэдзны лудө. Но Марпа ачыс вомаліс сійөс: вайсьытөдзыс пө кадыс уна на. Нинөмла пө

мөссө видзны картаын. Нёрпаломыд пө тай быд мөслөн ыджыд кынөма дырйиыд овло.

— Но?— виччысис Василий Васильевич. Позис казьяны, кызди пельяснысө чошкөдісны и мөсьяс дінын пукалысь дояркаяс, кывзисны, мый вочавидзас ныв. Но Надя чөв оліс, асьсө чувствуйтіс мыжаөн.

— Абу мича, Егоровна,— дивитана гөлөсөн нин шуис председатель.— Кыдз нө сідз? Медся бур мөссө... Эн видзөй. Сылысь куканьсө ми сэтшөма виччысим. Мися, мамыс кодь жө бур мөс лоө. Кыдзи артмис?

— Ог төд...— Надялөн гөлөсыс тіраліс, и сійө эз лысьт лэптивны синъяссө председатель выло.— Пастукъяс абу видзөмаөсь. Пырөма Съод тыбокса вутшьяс костө. Пессигас, тыдалө, и вайсьөма.

— Да-а!— нюжөдіс Василий Васильевич.— Вот тіянны и обязательствояс. Босьтнытө найөс кокни, а олөмө пөртны — мөд делө. Ветеринарыс кайис нин?

— Ме пыр жө тшөкті кайны, мыйөн сөмын кывлі. Вайсьөма нин вөлөм.

— Куканьыс?

— Ог төд стөчасө. Шуөны тай — ловъя пө. Эштөдча да ачым тшөтш кайла.

Надялөн сьөлөмыс торйөн доймис сы вөсна, мый сійө асыводзнас и збыльысь эз видзөдлы прамөя, эз кывзысь Анна тьөтлысь. Сэтчө жө, и ачыс Марпаыс торкис. А өні — киссьөм ватө он курышт.

— Мый нө...— заводитліс стрөжитны председатель, но адзис Надялысь вазьөм синъяссө, ланьтіс. Меліджыка нин сэсся шуис.— Нинөм он вөч. Зарнисө да куканьсө колө пыр жө вайны. Узьтөдны сэні эз позь, кынмыны вермасны. Вот, Надежда Егоровна, мый вермө артмыны! Сідзкө, сюсьджыкөн колө лоны, быдтор адзыны.

На діно локтіс Анна тьөт.

— Эн вид нывсө,— шыасис сійө председатель діно.— Дерт, виччысьтөмтор. Но мыйыс өд оз овлы ыджыд овмөсад. Синмыс том мортлөн эз на судзсы. Марпаыс ачыс мыжа: төдіс, а лэдзис Зарнисө. Пасибө колө шуны: казьялөмаөсь. Лөкджык на вермис лоны. Пастукъяссө колө видны, Василий Васильевич. Мый выло найө? Ми өд быд мөс бөрся ог вермө лун-лун вөтлысьны.

— Тадзтө сэсса ті и менө кутанныд мыжавны! Во-
ліс ме ордө Дарья Максимовна. Ыджыд гөлөсөн бөр-
дө. Сылөн өд сьөлөмыс колхоз вөснаыд висьө жө.
Вай кызкө зыктөг да пинястьөг лин. И синватөг, өта-
мөдөс видтөг. А тэ, Андреевна, ёнджыка велөд том
йөзсө. Тадзтө ми и збыльыс став рекордисткаяссө
вермам воштыны.

— Дарьяыс мед вомсө тупкыштас жө,— вочави-
дзис Анна тьöt.— Некод кужысьөн эз чужлы. Велалас
и Надя. Ме аддза, кызди сійө став сьөлөмсянныс зільө.
Виднытө ми быдөн кужам.

— Видтөгыс тіянөс оз позь, Андреевна. Мый он
юкөй? Мый оз тырмы?

— Нинөм миянлы юкнысө. Быдөн өти удж вөчам.
Уджыд, майбыр, быдөнлы тырмө. Бур нин, том йөзыд
кө заводитисны фермаө воны. А кутам кө ми найөс пов-
зьөдлыны быд здукын, төлкыс оз ло.

— Но, а нылыд тэнад? Оз на көсйы тшөтш татчө
локны?

Анна тьөтлөн парьясыс друг топалісны.

— Қад воас да локтас. Ме ог и тэрмөдлы сійөс.
Мед сьөлөмыс көдзыштас,— кызкө шога да надзө-
ник, мыйкө йылыс быттө думайтiг, вочавидзис Анна
Андреевна.

— Дерт, сідз. Но... колө и чырыштны весь олөм-
сьыс. Весь олөмыд бурө оз вайөд.

На дiнтi бара муніс Марпа, киас йөв тыра пөдөн-
чаа. Василий Васильевич кежыштіс бокө, сетіс туй.
Сэсса ещө видзөдліс карта пытшкөссө, юаліс:

— А кызди плөтникьясыд ремонт вылад уджа-
лөны?

— Уджалөны тай мыйкө,— веськодпырысь воча-
видзис Надя, но Василий Васильевич казяліс: ныв
вештіс синьяссө бокө.

Тайө юалөмыс Надяөс збыльыс падмөдіс. Сылы
дум вылас уси Зюзев. Лун шөр төгөр жымын, Сьөд ты
дорын лөөмтор йылыс төдмавтөдз на, Надя кежаліс
телятник дінын уджалысь плөтникьяс дорө. Сэні жө
вөлі Ванюша. Бөрья луньяснас Надя пөшти эз аддзыв-
лы Зюзевөс, удж вылын кындзи. Рытъясын Надя эз пе-
тавлы сиктө: вой-вой ковмис лыддысьны, велөдчыны.
Не кө книгагысыс, мый эськө Надя вермис вөчны? Найө
велөдісны сійөс кузь войясас. Зато и гуляйтөм йыв-

сьыд ковмис вунөдны. Нывъяс сералігтыр висьтавлісны сылы: Ванюшалысь Василёксё мырддьёма Жора. Надя талы ёнасё эз эскы, но сьёлөмас чужис гуся радлун. «Мый некөн он тыдав?— юалис Надя онтай Ванюшалысь, сэсся шмонитөмөн моз содтіс:— Гажтөм заводитіс лоны». «Сералан?— русой юрси пратьяссё плеш вывсьыс вештіг нюммуніс Ванюша.— Интересной книга сюрис, лыддыся». «Гашкө, Василёкыд карысь вайис?»— гораа серөктіс Надя. «Найө Жора Габовкөд быд рыт выль книга листалөны»,— сідз жө вочавидзис зон.

«Ок, Ванюша, Ванюша! Нинөм тэ он гөгөрво, мый вөчсьё менам сьёлөмын. Төдін кө эськө...»— думыштіс өні ныв.

— Тэ мый? Он кывзы?— вашмуніс Василий Васильевич, кор казалис нывлысь аслас думъясё вөйтчөмсё. Надя гөрдөдіс. Сылы кажитчис, мый председатель гөгөрвоис думъяссё.

— Кывза, Василий Васильевич,— тэрмасис вочавидзны ныв.— Уджалөны, мися, мыйкө...

— Норасьоны: дыша пө уджалөны. Тэ видзөд на бөрся, требуйт.

— Көді норасьө? Дарья Максимовна?

— Мыйла Дарья... Мукөдъяссянь кывлі...

Найө петісны скөтнөй дворысь, надзөник мөдөдчисны гөрд пельөслань.

— Но, кызди?— юрнас сэтчань довкнитіс председатель.— Велалисны йөзид гөрд пельөсө воливлыны? Пыравлөны?

— Мыйла оз? Пыравлөны...

— Вот мый, Надежда Егоровна.— Василий Васильевич сувтіс, видзөдліс Надя вылө.— Аски чукөрттам правлениельсь заседание. Көсьям видлавны фермалысь кольөм төлысья удж. Но, тыдалө, вoppersсө лоас паськөдны. Вермасны лоны гырысь сёрнияс. Миян важөн нин эз вөвлы некутшөм ЧП, а Максимовнаид кужө вомсө паськөдлыны. Лөсьөдчы. Висьтав ставсө веськыда. А ме кайла Сьөд ты дорө. Отсала вайөдны Зарнисө...

Надя друг өшөдіс юрсө, кызкө весиг йөжгыльтчис.
— Ог лок ме правление вылад...— шуис сійө надзөник. Первойсө Василий Васильевич эз и думышты тайө кывъяс йывсьыс, но сэсся видзөдліс ныв вылө.

— Мый тэ шуин? Ноко, видзодлы ме вылө!—председатель ки пыдоснас чатортис Надялысь чужомсө. Сылөн съод синъясыс и збыльысь вөлі вазьомаось. Тодчис, мый ныв вынсыс кутө асьсө, мед сөмын не бөрддзыны.

— Ог, мися, лок правление вылад. Дай удж вылө аски ог во!—кызди чорыда решитөмтор йылысь шуис Надя, повтөг видзодлис сулалысьлы синмас.

«Эм, тыдалө, нылыслөн характер»,—ошкөмөн мознин думыштіс Василий Васильевич.

— Тайос тэ збыльысь? Регод мыйкө... А ме чайтлі—тэ вынаджык... Кыв тэ вөсна сеті правлениеса членъяс водзын. Мися, төлк тэысь лоас. Ылавсьома, сідзкө, менам... Сідзи и лоө признайтчыны правлениеса членъяс водзын. Жаль, Ефим Иванович абу гортын.

Макарова пуксис гөрд пельос кильчө пос вылө, сыркъяломөн бөрддзис.

— Надя! Мый тэ!—повзис председатель.

— Ог вермы ме, Василий Васильевич!—синва сорөн тэрмасис висьтавыны Надя.—Дарья да Марпа пөгибө воштісны. Воськов вөчны оз лэдзны. Мый нө... Верма и бөр мунны. Ме и дояркаөн верма.

Василий Васильевич пуксис орччөн.

— Вот мый, Надя!—шуис съолөмсяныс.—Медся войдөр—ог кутө бөрдны. Ме төда: тэныд съөкыд. Но тэ жө комсомолка! Тэныд-ө повны съөкыдторъясьсыс? Ми тэнө некодлы өбидитны ог сетөй. Эн пов. Дерт, Зарниыдкөд мисьтөмтор лоис. Колхозницаяс шуасьны кутасны. Но шуа тай: өбидитны ог сетөй. Сідзкө, сёрнитчим? Ог мөдөй бөрдны?

Надя чөв олис.

— Ладнө, Надежда Егоровна!—председатель сувтіс.—Тэ бурджыка думыштлы. Аски асывводзнас сёрнитам. Бур?

— Ог төд... Пола, Василий Васильевич... Оз арты, тыдалө, менам...

— Артмас!—чорыда шуис председатель.—Отсалам. А тэ некытчө эн мун. Тэтөг кызкө вөчам ставсө.

Василий Васильевич муніс конюшнялань. Недырмысти Надя аддзыліс, кызди сійө тарантаса вөлөн гөнитіс улича кузя. Синъяссө чышкалігтыр Надя пырис йөв примитанінө.

— Ой, мый тэкөд, Надюш?— пыр жө казяліс Анна тьöt.— Бөрдин? Синъясыд гырдоьсь...

— Нинөм,— вочавидзис ныв.— Ме сідзи...

Рытнас сёрөн нин Съод ты дорысь вайөдісны Зарниөс. Сійө воис ас кокнас. А гөрд серьяса куканьсө вайисны телегаын. Сійө вөлі ловья, сьөкыда лолаліс. Мамыс тувчаліс телега бөрся, голясө нюжөдөмөн нюліс ассыс куксө. Тайө вөлі зэв мича кукань, көть и кадысь водз свет вылас чужис.

— Но вот,— чужөм вылас долыдлун петкөдлыны зильөмөн, көть тайө и омөля артмис, Надя дінө шыасис Василий Васильевич.— Гашкө, бөрднысө на нинөмысь...

Лунтыръя волнуйтчөмысла Надялөн висис юрыс. Гортас воөм бөрын сійө пыр жө көсйис водны, но кодкө быттө кыскис ывла вылө. «Ветла Васса ордө. Комсомольскөй учёт вылө сійөс бөр босьта»,— думыштіс ачыс. Карысь воөм бөрын Надя сөмын на кыкысь адзыліс пөдругасө. Но сёрнитны бурджыка эз вермыв, пыр быттө вөлі некор. Öні сійө ачыс нин заводитіс гөгөрвоны, мый вөчө ыджыд мыж Васса водзын — сійөс дзикөдз вунөдіс.

Анна тьöt ордө мунігөн Надя аддзис, кызди Жора да Васса, топыда кутчысьөмөн, вөсьлалісны сикт помлань. «Дзикөдз, тыдалө, Жораыс йөйтөдліс нывсө»,— думыштіс Надя. И сәки жө казяліс, кызди неылын сьод вуджөрөн петкөдчыліс Ванюшалөн төдса мыгөрыс: сійө югнитіс керкаяс костті да воши.

«Кыйөдө!»— повзис Надя. И друг сэтшөм дыш лон мунны водзө. Пыр жө сувтіс, бергөдчис гортланьыс. Сьөлөм вылас бара кыптис сьөкыд дум, кодысь зэв эз вөв лөсьыд.

Вольпась вылас сійө дыр бергаліс бок вылысь бок вылө. Луныс көть талун и вөлі сьөкыд, но унмыс эз лок, быттө пышйөма дзикөдз. Дай комнатаын вөлі жар. Мый вөчны? Кызди водзө уджавны?

Гортын быдөн нин узисны. Ныргор шы кыліс орча крөватсянь и кухнясянь. Петіс сарайө, водіс вонйө. Тані вөлі ыркыдджык.

Надя куйліс да думайтіс унатор йылысь. Кутшөм окотапырысь сійө локтіс фермаө! Надейтчис, мый кутас зільны сьөлөмсяньыс, и ставыс кутас артмыны лючки-бура. Абу на вөлөм сэтшөм кокнитор — заво-

дитны уджавны. Мыйла сөмын сійө сөгласитчис лоны фермаөн заведуйтысьнас. Ставыс эськө вермис лоны мөд ног.

Көть и полигтыр, но кыпид сьөлөмөн Надя воськов-тіс гожөмнас ферма порог вомөн. Сійө, йөйид, чайтіс: көсйө кө ачыс, сэсса и ставыс. Өд сійө лунсянь, кы-дзи Надя решитіс школа помалөм бөрын заводитны уджавны колхозын, думсьыс сійө пыр лөсьөдіс асьсө та кежлө. Кутшөм өд кажитчыліс любө да сьөлөм вы-лад долыд петны удж вылө гырысьяскөд радөн, уджавны накөд орччөн, вөчны сійөс жө, мый быдөн. Өкмысөд да дасөд классьясын велөдчигөн газетьяс-ыс Надя пыр корсис гижөдьяс сэтшөм йөз йылысь, кодьяс уджалөны выль стройкаяс вылын, целиннөй муяс вылын, Ылі Войвылын. Дерт, кытчөкө мунөм йы-лысь сылы думайтны вөлі нинөм, но абу өмөй уджыс быдлаын өткодь? Лунвылын көть войвылын? Заводын көть колхозын?

Бара дум вылас усини лунся лоөмторьясыс, Васи-лий Васильевичкөд сёрниис. «Та мында вылө, сідзкө, и тырми?— курыда думыштіс Надя.— А йөзис серав-ны кутасны. И медся войдөр вомсө жерйөдлыны мө-дас Дарья». Ныв мурчкөбтіс пиньсө, бергөдчис мөдар-бок вылө. Но унмыс эз лок. «Ог, ог сетчы слаблун-лы!— думыштіс сэсса Надя лөньджыка нин.— На-рошнө ог сетчы. Мед некутшөм Дарьяяс ни мукөд рад-лыны оз вермыны. Кутшөм нө ме комсомолка, первойя сьөкыдлунысь кө повзи?» Қазьтыштіс фермасө. «Қыдзи нин сәні Зарнилөн кукус? Мед эськө Настя эз унмовсь войнас дежуритігөн...»

Дырөн Надя унмовсис. Қор сійө садьмис, ывлаын вөлі луньягыд нин. Тэрмасьөмөн пасьтасис, лэччис са-райысь, пырис керкаө. Мамыс вөлі чеччөма нин.

— Мый нө сэтшөм водз?— нылыслысь юалис сійө.— Өні, майбырөй, дыртө узыны некор: то удж, то книга-яс. Пөлинө: төрыт тиян комсомолныд нөйтөма Мария Митрофановналысь вежаписө... Бур ещө, мездөмаөсь.

— Кутшөм комсомол? Кутшөм вежапиөс?— эз гө-гөрво Надя, коді пыр на тілис синьяссө.

— Гриш Мишлөн вердысьыс. Қарса гөстьнытө.

— Виктор? Жораөс?..

Надя тэрмасьөмөн пасьтасис да котөрөн лэччис фермаө.

ВИТӢД ГЛАВА

НЫВ ВОШТӢ ЮРСӢ

Эз, Васса Гудырева гортас воис эз нин сэтшӢм лӛк думъясӢн, кызди сийӢ сӛрнитӢс Ванюша ЗюзевкӢд при-стансянь Ӣтлаын локтигӢн. ПрӢстӢ сӛк сьӢлӢм вылас вӢли сэтшӢм забеднӢ, мый окота вӢли песыштны мыйкӢ вылын лӛксӢ. Сэсса, сийӢ кӢсийс скӢрмӢдыштны ВанюшаӢс.

Думсьыс Васса гортас воис кутшӢмкӢ надеяӢн: корсяс удж, оз мӢд весь пукавны. Кор Зюзев висьталӢс сылы, мый став пӢдругаясыс сьлӢн пырӢмаӢсь фермаӢ да сӛнӢ вӢчӢны ашӢр удж, ВассаӢс босьтӢс за-видь: со Ӣд, кадсӢ оз воштыны. МӢдарсянь кӢ, сийӢ, дерт, эз и думыштлы, мый сылы ковмас мунны уджавны сэтчӢ жӢ: тайӢ уджыс эз волы сылы сьӢлӢм вылас.

Но — кытчӢ? Васса ветлӢс сиктӢ да пыралӢс сельпо правлениеӢ. Уджыс сӛнӢ эз Ӣткажитны, но висьталӢсны: ковмас мунны мӢд грездӢ, гортсяньыс пӢшти кызь километр сайӢ. СэтчӢ мунны эз сӢгласитчы: эз вӢв окота кольны ӢтноссӢ мамсӢ. Дай пӢдругаясыс жаль вӢли торйӢдчыны.

ДумайтӢс-думайтӢс, и шуис лӛчывны фермаӢ, аддзӢдлыны НадяӢс, сӛрнитыштны ськӢд. Сӛки сылы и паньдасис Дарья Максимовна.

— КытчӢ нин рочаканьыс мӢдӢма?— мелӢ гӢлӢсӢн, неуна нюжйӢдлӢмӢн шыасис Дарья.— Мый нӢ карсьыс бӢр воин? СӛнӢ мӢй местаыс эз сюр? Менам тай со вежанывъяс сӛнӢсь да баруньяс моз олӢны. Воласны отпускад да платтӢ вьлӢ платтӢ. Ставыс вьль. Абу штапель кутшӢмкӢ, а шӢвк либӢ кашимер.

НайӢ мыйкӢ дыра мунӢсны сикт кузя. КӢть кутшӢм вӢли неокота, быть лоис сӛрнитыштны. И кор Васса кутӢс веськӢдчыны фермалань, Дарья кутӢс сийӢс сой пӢлӢдыс.

— КуйӢдӢсь невестаяс дӢнад он жӢ мун? Мый тӢ сӛтысь корсян? ТӢ, рочакань, эн видзӢд на вьлӢ. Ставныс найӢ ӢткодьӢсь. А тӢ Ӣд зарни ӛкмыль кодь. Мамыд тӢнад сэтшӢм жӢ. КутшӢм шӢвк туг кодь невеста со быдтӢс, велӢдӢс... ЭсийӢ нӢ Мича Жораыс оз нуӢд аскӢдыс карас? ЗӢв Ӣд сьлӢн батыс озыр..

Васса падмис.

— Мый тэ сёрнитан, Дарья Максимовна!— гөрдө-дөмөн вочавидзис ныв.— Прөстө рыт-мөд гуляйтышти сыкөд, зэв гажтөм өтнамлы да...

— Ставыс өд, донаой, прөстөсянь заводитчө!— нюжөдіс Дарья.— Кытчө тэ тэрмасян удждад? Мамыд тай со вердө на...

Васса төдіс нин: Дарьяөс вештөмаоьс фермаса завьсь, и сы местаын өні уджалө Надя.

— Фермаас Надялөн нинөм оз артмы,— водзө висьталіс Дарья.— Кисьтасны вот ставсө да аддзасны небось! И мамтө тэнсьыд няйтөсьтасны. Ми өд со кызди мамыдкөд олім, өта-мөдлы лөк кыв эг шулөй. А өні зык да пинь сөмын нывъясыдлөн. Зонъяснысө некыз оз юкны. Эсію Макароваыс сідзи и вөтлысьө Зюзев бөрсяыс... Вермис кө эськө, ньылыштіс, гашкө... Збыльысь, збыльысь... Со көть пернапас чөвта...

— Оз ков, Дарья Максимовна,— киөдыс кугіс Дарьяөс Васса.— Ме вөлі думайта...

— И думайтнысө тан нинөм!— торкис сійөс Дарья.— Энлы, ме бөр зававны регыд кута, сэки тэ-ныд сэтшөм удж сета... Доктор моз мөдан ветлөдлы-ны, еджыд халатөн... Йөв веситны кутан...

Вассалы эз во сьөлөм вылас Дарьялөн став сёрни-ыс, и век жө кывзіс сійөс. Сійөтор, мый Дарья кулитіс Надяөс, нывлы йиджис сьөлөмөдзыс. «Код төдас, гашкө и збыльысь на бөр лоас Дарьяыс завнас, а Надяөс вештасны?— думыштіс ныв.— Мый дыра нин өд сійө заваліс. Верстьө нывбаба прөстө оз жө мөд сёрнитны? И мам йылысь со сідзи...»

Дарья Максимовнакөд ещө мыйкө дыра сёрнитыш-төм бөрын Васса бөр бергөдчис гортланьыс. «Ферма-ыс меысь некытчө оз пышйы!»— шуис аслыс.

Васса, гашкө, эськө и мөдысь на ветліс фермаад, но Жоракөд аддзысьлөмъяс, сыкөд сёрнияс мөдарө бер-гөдісны нывлысь вежөрсө. Жоракөд сійө төдмасьліс карын на, кор пыраліс на ордө. Дерт, некутшөм ыджыд сёрни налөн сэки эз вермы лоны. Но өні, кор выльысь аддзысисны ас сиктын, шогсьысь да гажтөм-чысь сьөлөмыс нывлөн аддзис быттьө мыйкө сэтшөм-тор, мый дыр нин корсис. Зонкөд аддзысьлөмъясыс вочасөн лоисны сэтшөм быть коланаоьс, мый дойдісны сьөлөмсө. Код төдас, мый эськө лоис Вассакөд, тайө

здукас кӧ сы динӧ локтисны пӧдругаясыс, но найӧ сэтшӧма вӧлі ылалӧмаӧсь уджнаныс, мый ӧтка нылӧс эз и казтыштлыны. А Вассалӧн аслас вежӧрыс эз жӧ тырмы сы вылӧ, медым аслыс мунны пӧдругаясыс динӧ.

Ӧзтан кӧ кос идзас, и сийӧ оз кут сотчыны сидзи, кызди бӧръя лунъясӧ кутис ыпъявны Вассалӧн сьӧлӧмыс. Жора сылысь быттӧкӧ ставсӧ вежис: куслӧм надеяссӧ, вошлӧм кӧсийӧмъяссӧ, ылысмӧм пӧдругаяссӧ. Мед найӧ уджалӧны лун-лун, тӧждысьӧны мыйкӧ вӧсна, а Василӧк оліс сӧмын аслас олӧмӧн. Нинӧмтор сылы эз ков, сыысь кындзи, мед сӧмын аддзывны Жораӧс, кывны сылысь гӧлӧссӧ, видзӧдлыны мича сьӧд синьясас.

Кӧть эськӧ арся лунъяс тӧдчымӧн нин дженьдамисны, но век жӧ кажитчисны кузьӧн. Асывводзсянь, мыйӧн сӧмын восьтас синсӧ небыд вольпась вылын, Васса пыр думайтӧ Жора йылысь и оз вермы виччысьны рытсӧ.

Мамыс важӧн удж вылын. Васса тӧдӧ: гортын сылы вӧчны нинӧм. Мед ӧдийӧджык коли луныс, сийӧ зильліс вылысь унмовсьны. Но тайӧ эз пыр удайтчыв. Сэки Васса чеччывліс, тэрмасьтӧг лӧсьӧдліс вольпась, ломтыліс пач, пуліс аслыс да мамыслы ӧбед. Сэсся мыськавліс джодж либӧ ва ветӧкӧн быд пельӧсысь чышкавліс бус, кӧть эськӧ некысь вӧлі бусыслы лоны: тӧрыт на ӧд гӧгӧр пелькӧдліс. Корсюрӧ босьтывліс и книга. Но лыддысьӧмыс юрас эз пыр: регыд бӧр пӧдлавліс книгасӧ, шыбитліс бокӧ, быттӧ сийӧ вӧлі мыжаыс ставсьыс.

Кутшӧмкӧ гортсайса удж йылысь эз вӧв окота думайтны. Кажитчис весиг: сийӧ вунӧдіс ставсӧ, мыйӧ велӧдлісны школаын. Да и тӧднысӧ эз кӧсийы. Мыйла ӧні тайӧ ставыс? Мыйла сылы Ньютонлӧн биномъясыс, Пифагорлӧн теоремаясыс, Омлӧн да мукӧд физикъяслӧн законъясыс? Нинӧмла тӧдны кутшӧмкӧ Галактика йылысь, валентность йылысь, уна мукӧдтор йылысь, мыйӧн школаын тыртлісны юрсӧ.

Васса вештавліс чукӧрысь чукӧрӧ батьсянныс кольӧм книгаяс. Ставсӧ нин вӧлі лыддыӧма, нинӧм эз вӧв вылысь. Заводитліс выль пӧв лыддыны «Война и мир». Но воис Наташа Ростовалӧн первойя бал вылӧ лӧсьӧдчигӧн шогсьӧмӧдз да бара жӧ энӧвтіс. Мый сэс-

ся вöлі вöчны Наташа Ростовалы! Сылы нинöмтор йылысь эз ков думайтны. А Василёклөн син водзас пыр вöліны сиктлөн олöмыс, аслас пöдругаяслөн уджыс, налөн радлысь чужöмъясыс. Наысь он пышйы, кызди нинöмөн да некытчö он сайöдчы и мамыслөн дивитан синъясысь. Васса виччысис: гашкö, мамыс кутас жалитны сійöс. Но и мам нинöмөн эз петкöдлы тайöс. Гашкö, оз жалит? Но и мед!

Аслас шогъяс да думъяс йылысь Василёк висьталіс Жоралы.

— Йöй! Аддзöмьд мыйысь шогсьыны!— нюммуніс Жора. Сійö кужліс кызкö аслысногөн нюмъявны: мудар, эскытöма. Öтчыд Жора ачыс висьталіс, мый велöдчис тадзи нюмъявнысö ас водзас зеркалö пуктöмөн. Сідзи пö римскöй ораторъяс коркö тренируйтлöмаöсь асьнысö речьяс висьталöм водзвылын.

— Босьт олöмыслысь ставсö, мый сійö вермас тэныд сетны том дырйид. Пöрысьман да сёр лоö. Дерт, сиктад гажыд этша, но колö кужны овны и тані.

Кызди и пыр, Жора вöлі мелі, сёрнитіс небыда, висьтавліс унатор йылысь. Василёк тöдіс, мый Жора унатор лöсьöдлö, гашкö, весиг ылöдлö, но кывзыліс. Сійö эз вермы асьсö сувтöдны зонлы паныд, вензыны да пыксьыны ськөд. «Со öд! Быдтор тöдö,— унаысь думайтлывліс Васса.— А миян зоньяс жö! Пыр толькö асланыс удж йылысь». Нывлөн ньöтчыд на вöвлытöм выль чувствоыс, кодöс öні сійö кыліс ас пытшсьыс, быттö пöдтіс сын ставсö, мый вöлі бурьыс.

— Ме виччыся мамсянь письмö,— ныв пель дорö копыртчöмөн водзö висьтавліс Жора. Васса кыліс сылысь лов шысö. Зонсянь öвтіс чöскыд одеколөн.— Воддза письмöас на тижліс: сёрнитöма öти ыджыд начальниккөд. Көсйöма босьтны ас учреждениеас экономистөн. Эмось на öд миян шуд вылö быд сикас «главмочалкаясыс» да «главсоскаясыс»! Көть кытчö, мед сöмын тысяча шайтөн тöлысь босьтны. Мый сэсся ми воклы колö? Ме устроитча, сэсся и тэныд удж корся. Эн пов, ставыс бур лоö. Куж виччысьны асьыд шудтö да кватитны сійöс. Мамö менö пыр та вылö велöдö. Жаль, «Консуэло» книга сьöрысь эг босьт. Лыддин эськö. Мирövöй книга! Европа!

Васса гөрдöдіс, яндысьöмөн вештіс синъяссö: тайö книга йывсьыс сійö весиг эз на кывлыв некодсянь.

Кузьянад сэссия и мамыс казяліс, кызди нылыслөн синьясыс кутісны вöйны, чужöмыс векняммыштіс.

— Ветлін көть öтчюд вөрö пув вотны,— жалитөмөн моз кызкө шуис нылыслы мамыс.

Васса пыр на виччысис, мый мамыс вот-вот заводитас сыкөд ыджыд сёрни; лөсьөдчис водзвыв, заптіс колана кывьяс, и век жö поліс тайö сёрнисыс. Көть öд кызди да, ныв век жö жалитіс мамсö. Васса эз нин вöv ичöt, медым не гөгөрвоны, мыйта вын сы вылө пуктіс мамыс, мыйта бурсö вöчліс, кымынысь синва кисьтіс.

Но сідз нин артмывліс: мыйөн думыштас ас йыв-сыс, мамсö жалитöмыс пыр жö вошö. Сэки быдөн вылө кыптивліс лөглун, быттьö мыжаыс эз вöv ачыс, а школа, велöдысьяс, институтса экзаменаторьяс.

Гоз-мöдысь ветліс и вотчыны. Вöрын вошлі сьölөм пытшкөсса шогыс. Йöз дінысь торйөдчөмөн сійö ас кежсыс, тэрмастьöг, ки тыр бөрся ки тыр, öктіс пув розьяс, кывзисис йöзлөн гөлөсьясö, вунөдліс Жора йылысь. Но гортас воөм бöрын ставыс заводитчыліс вылысь. Мед нин көть эськө мамыс видіс чорыдджыка, шуис мыйкө, а то быттьö нинөм эз и вöвлы — сөмын корсюрö шога видзөдывліс нылыс вылө.

Быттьö нарошнö, и важ пöдругаясыс бөрья луньяснас некод эз волевлыны сы юрдö. Öтчюд либö кыкысь ачыс мөдөдчывліс на дінö, но туй джынсяныс бергөдчывліс. Кызкө эз вöv лөсьюд первойөн мунны аслыс, мед эз чайтны мырдөн вöзйысьөмөн. «Быдөн аслас юрөн олö»,— шуліс аслыс.

Öти рытö Васса эз пет сиктö. И ачыс жö рытивбыд жалитіс, сэссия войбыд эз узь, бергаліс воляпась вылас бок доймытöдзис. Узьсяс өмөй, кор төдан: кодкө виччысьö тэнö. А гашкө виччысьысыс скөрмис нин, лөгасис, мөдкөд коллялө кадсö.

Аскинас Васса кузь лун чөж шөйтіс керка гөгöрыс, быттьö корсис вошөмтор. Гашкө, сэки первойяысь думыштіс, мый збылысь радейтö Жораөс. Не пышйыны жö аслад шудысь?

Та бöрын Василөк муртса нин вермис виччысьны рытсö, кыліс, кызди сылөн дзикөдз быри воляыс, эбөсыс. «Мый лоны — мед лоас!»— кызди решитөмтор йылысь, чорыда шуис аслыс. Тайö, лөжалуй, вöлі медся кокнитор.

Луннас петалис сиктö. Жора некöн эз тыдав. Ылї-сянь аддзыліс, кыдзи фермалань лэччис Ванюша, но эз чукöст. Тыдалö, и сійö нин тшöтш сэтчö удж вылö лэччöма. Аддзыліс ещö: колхоз правлениеысь петис Надя, кутіс локны сылы паныд. Васса нарошнö кежис бокö, көбрег сайын виччысис Надялысь прöйдитöмсö.

Ставыс тайö сьöкыд изйöн куйліс сьölöм вылас. Колö вöлі мыйкö вöчны: либö збыльысь мунны гортысь, либö заводитны уджавны. Но көні уджавны? И мый шуас мамыс?

Тайö рытнас Васса да Жора дыр ветлöдлісны сикт помын. Кыдзкö нин пыр сідзи артмывліс, мый найö мунлісны сэтчö, йöз синъяс водзысь ылöдзджык. Тані, öтка ыджыд пожöм улын, сулаліс скамья, код вылын найö и пукавлісны.

Рытъя ывлаыс вöлі ыркыд. Вöрын нинöм нин озшыав, кыдзи вöвлі гожея рытъясын. Гөгөр лөнъ. Бура дыр чöv ланьтöмөн пукалöм бöрын Жора сывйыштіс нылöс пельпомöдыс, бергöдіс асланьыс. Василёк видзöдліс сы вылö повзьöм синъясөн. А Жоралөн синъясыс мыйлакö вöліны тудырöсь, повзьöдісны нылöс.

— Жора! Мый тэ!— зон сывйысь мездöдчыны зільöмөн небыда кайтіс ныв, а ачыс видзöдіс гөгөр, быттьökö яндысис и видзчысис кодыськö.

Жора лэдзис сійöс морöс бердсьыс, выльысь видзöдліс нывлы синъясас, друг юаліс:

— Василёк! Мыйла тэ менö некор он пыртлы гортад?

— Гортö?— чуймис ныв.— Мыйла? Миянлы и тані лöсьыд.

— Ывлаыс со ыркыд нин. Регыд ещö кöдзыдджык лöö. Мый нö, арбыд кутам тані турдыны?— Жора бара кыдзкö тешкодя серöктіс.

Тайö серамыс эз во сьölöм вылас Вассалы. Көть кымын рыт найö пукавлісны тані, но ныв эз лэдзлив. Жоралы непöштö окыштны асьсö, но и топыдджыка кутыштлыны. Кыдзкö ставыс тайö кажитчис повзьöдланäн, сэтшöмторйөн, мыйысь колö повны да видзчысьны. А Жора, тыдалö, көсйис босьтны ставсö, мый позис. Сійö мöдысь асланьыс кыскыштіс нылöс, чатöртіс мырдөн моз юрсö, окыштіс парсö. Быттьö би öзтыштіс Вассаöс. Сылөн син водзас ставыс кутіс бергавны, вуджөртісны ярьюгыд кытшъяс.

— Но? Пыртлан?— нывлы синмас видзөдөмөн вичысис зон.— Дерт, позьö и мян ордын пукалыштны, но öд тэ он лок.

— Ог төд... Мамысь пола...— зон сывйысь мездөдчигмоз вашнитіс ныв, сэсся кулакъяснас йөткыштчис ылөдзджык.

— Мыйысь повнысö?— эз лэдзчысь Жора.— Сійö öд коркө том жö вөвлі... Сэсся, мый ме тэныд лөксö вöча? Абу ош. Пукалыштам шоныдінын, и— ставыс...— Жора кыскис зепсыс папирос, заводитіс куритчыны. Тшын кольчаяс вывлань лэдзальштөм бөрын ошйысьөмөн кутіс водзö висьтавлыны, быттьö воддза сёрныс эз и вөвлы:— Мамсянь выль письмө воис. Корöны нин. Уджалан места пö эм. Сідзкө, ме регыд верма мунны татысь...

— Мунны? Дзикөдз?— повзис Васса. Та йылысь сійö эз на думыштлывлы, кызди эз думышты и сы йылысь, мыйөн вермас помасыны да мыйö вермас вайөдны ставыс тайö.

— Дерт, дзикөдз,— вочавидзис зон да малыштіс нывлысь ки мышсö.— Нэмөс тані ог мөд колльөдны. Кута овны карын.

— А ме?— дзикөдз нин повзис Васса.

— Ачыл төдан... Мырдөн ог кор. Көсьян — мунам мекөд. А он кө көсйы — кольчы татчö. Мед кылд гаддяся да ныр вывсьыд небыд кучикыс жульсьылас. Майбыр, няйт куканьясыс тиян уна...

Ок, и Жоралөн кыв! Көть кызди тайö оз кажитчы Вассалы, сійö нинөм эз куж шуны воча. Быттьökö и кывъясыс нин сюрласны, но мыйөн дасьтыяс найөс шуны — вошöны. Мед нин лоас сідзи, кызди шуö Жора. И Васса ачыс топөдчис зон бердö...

Тайö рыт бөрас Жора кутіс пукавлыны Васса ордын. Но сиктыд — сикт и эм. Регыд грезд пасьта кутісны төдны: Мича Жора лун-лун коллялө Вассакөд, найö оз торйөдчывны и рытъясын. Кывсис тайö и Анна тьөтлы. Васса тайөс казяліс сы серти, кызди мамыслөн ещö шогджыкөсь лоины синьясыс, и сійö кутіс сюсьджыка видзөдлывлыны нылыс вылө. Кызди и позис виччысьны, öти рытö мамыс суис Жораөс гортсьыс. Зон тэрмасьөмөн пыр жö муніс.

— Мый сійö мянысь корсьö?— нылыслысь юаліс мам.

— Мый нө... Ме ордө сэсся некодлы пыравны весиг оз позь?— збоя вочавидзис Васса. Татшөм друг лоём збойлунсө сійө и ачыс эз виччысь.— Оз тай унаон во- лывлыны.

— Сійө и лёк: кодлы оз ков — воylvлөны, а код- лы колө — оз.— Анна Андреевна пуксис нылыслы па- ныд.— Вот мый, рочакань,— шуис сійө лөня, мед эськө не скөрмөдны нывсө.— Абу нин тэ ичөт. Велөдчин дас во. Войдөр та мындасө коді велөдчывліс? Кад нин удж йылысь думыштны. Йөзыс серавны кутасны. Ви- дзөд, пөдругаясыд быдөн уджалөны. Да и өтнамлы меным сьөкыд.

— Мешайта кө — верма и мунны,— тракнитчис Васса да сувтіс.

Көсийс на, тыдалө, ещө мыйкө шуны, но муніс көтшаслань, ланьтіс. Мам төдіс нылыслысь крут ха- рактерсө да чөв оліс.

— Гашкө, ме и мыжа,— мыйкө дыра мысти шуис мамыс.— Тыдалө, мөд ног колөма тэнө быдтыны-ве- лөдны. Йөзсыс өмөй абу яндзим? Сиктын тэа-меа йылысь быдторсө лөсьөдлөны. А этійө кузь юрсиаыс- лөн кокыс керка помын мед эз вөв. Оз во сійө меным сьөлөм вылө. Мыйла некөн оз уджав ни оз велөдчы? Батыс вылө надейтчө? Төда ме сылысь батысө. Орчча грездысь коркө вөвлі. Зэв тшап лоөма. Паньдасяс да кисө некор оз сет, синсө бокө вештө.

— Кодкөд окота — ськөд и аддзысьла,— крута орөдіс ныв, трук-трак чеччис, кватитіс тувйысь жа- кетсө, петіс керкаысь да, кылө, тэрыба лэччис кильчө поскөд.

Анна Андреевна думыштчис. Вот быдтіс нылөс! Код рөдө мунөма? Батыс быттьөкө зэв уджач вөвлі, пыр мыйкө да мыйкө вөчис. Нывсө мам пыр жө кес- йөдліс керкапытшса уджъяс вылө. Но, тыдалө, омөль- джыка тшөктивсьөма. Кымынысь өд сійө и ачыс на жалитывліс нывсө: «Уджыд, майбыр, сылы нэм чөж- нас сюрас на». Ок, сьөкыд лоө өні аслас нывкөд.

Надзөник дзуртыштіс өдзөс. Анна Андреевна лэп- тыліс юрсө. Кодөс нин бара кыскө? Өдзөс дорын сула- ліс Васса. Сійө надзөник пөрччысис, локтіс мамыс дінө, пуксис орччөн, топөдчис.

— Прөстит менө, зарни мамук!— чорыд кияссө мамыслысь малаліг шөпкөдіс Васса.— Йөй ме! Дзик йөй! Вот аддзылан: быдторйын кывзысьны мөда.

Кутшөм мамлөн оз нормы сьөлөмыс татшөм кывъяссьыд! Анна тьот кутіс нывсө сывйөдыс, топөдіс ас бердас, кывзысис, кыдзи тіпкө нылыслөн сьөлөмыс.

— Ме өд, рочакань, тэныд лөкөс ог көсйи,— висьтавліс нылыслы мам.— Эг сы вылө быдты. Вөлі кө батыд ловъя — тадз жө шуис. Шань сійө вөлі зэв. Радейтліс тэнө ёна. Мунигас кымынысь шуис: бура быдты менсьым Василөксө. Велөд. Эн өбидит нинөмөн...

Эня-ныла водісны орччөн, өти вольпась вылө. Мам кыліс, кыдзи сьөкыда ышлолаліс нылыс, куйліс восьса синьясөн.

— Мамук!— бура дыр мысти нин шуис Васса.— Гашкө, менө карө лэдзан? Жора шуө: уджыд пө сюрас. Кутшөмкө заводө пыра уджавны. Сэссия и тэнө ас дінө босьта. Зэв бура кутам овны.

— Ог мун ме татысь некытчө, рочакань. И тэныд ог сөветуйт. Аддзан, олөмыс өні кутшөм мөдіс? И мыйта нывъяс гортын уджалөны. Став колхоз на вылө нимкодьясьө. Войдөр быдөн зільлісны пышйыны карө либө вөрө кайны, а өні со кольччөны сиктө. А тэнад кузь юрсиаыдлы ме ньөти ог эски. Ачыс на бать сьылі вылас олө.

— Ог төд... Татчө кольччөм йылысь ме весиг думайтны пола.

— Йөй на тэ, челядь вежөра... Сійөн тадзи и сёрнитан. Узь. Аски меным водз колө чеччыны.

Мөд луннас Васса садьмис, да мамыс эз нин вөв гортын. Ывла вылын зэрис. Тыдалө, матысмис ар. Ок, и гажтөм лоө сиктын, мунас кө Жора! Код дінө сэки петан?

Ныв ордө бара локтіс Жора. Пырис, матыстчис пызан дінө, пуксис. Кресталіс кокъяссө, өзтіс папироска. Вассалы зэв эз кажитчывлы Жоралөн тайө модаыс: пырны вот тадзи, кутны асьсө көзяин моз. Но шуны нинөм эз лысьтлы. Гашкө, сідзи и колө. Карса зоньясыд өд бурджыка төдөны, кыдзи асьнысө йөзын кутны.

— Сёрнитін мамыдкөд?— юалис Жора.

— Мый йылысь?— гөгөрвотөм улө лэччис Васса.

— Кызди мый йылысь?— синкымъяссө лэптыштлис зон.— Вунөдін?

— Пола, Жора. Мам бөрдны кутас.

— Мамъясыд сы вылө и эмось, мед бөрдны,— коса вочавидзис Жора.— Ставсө кө на ногөн вөчны, то олөмтө не аддзывны.

— Ог көйи ме өбидитны мамөс.— Вассалы дум вылас уси, кызди найө мамыскөд кольөм войсө кутчысьөмөн узисны, кызди сийө көйиысис кывзысьны водзө, заводитны уджавны. Мөдарсянь кө, сийө полис и воштыны Жораөс. Со өд сьөд синъясыс сылөн кутшөм мичаөсь, и ачыс ставнас сэтшөм шань да лада, ньөти абу асланыс грездса зонъяс кодь. Васса лэптылис синъяссө Жора вылө. Сийө, тыдалө, гөгөрвоис тайөс аслысногөн: кутис Вассаөс коскөдыс, пуксьөдис водзас.

— Кутшөм тэ кокныдик!— долыда нюжөдис Жора, топөдис ас дінас.

Васса лэдзис юрсө зонлы морөс бердас, и быттө сылөн ставыс вуні: полөмыс, мамыскөд войся сёрниыс, аслас ыджыд көсийөмыс.

— Но, кызди?— виччысис зон.

— Ог лысьт. Пола...— паръяснас шөпнитис Василөк.

Жора йөткыштит нылөс водзсыс, югнитис синъяснас. Васса казялис, кызди зонлөн топалисны паръясыс.

— Трусиха!.. Ме кө эськө эг повзы... Но, ачид төдан. Меным сэсея дышөдис...— дзикөдз скөрмис Жора.

И көть кызди сийө эз зиль, Васса эз сетчы. А кор Жора вылысь кутис нылөс коскөдыс да мөдис чатөртны юрсө, матыстны чужөмсө Васса паръяс динө, ныв мый вынсьыс нетшыштчис.

— Эн лысьт!— горөдис сийө.

Гашкө налөн ставыс тайөн и помасис, но рытыс везжис нывлысь став көсийөмъяссө, думъяссө, вежөрсө. Васса чорыда нин шуис аслыс: рытнас некытчө не петны, виччысьны мамсө. Но аддзис өшинь увті мунысь Жораөс да эз терпит: петис. Жора кватитис сийөс сой полөдыс, кыскис асланыс пырся пукаланинө.

— Ме ог вермы мунны татысь тэтөг!— вашкөдис сийө нывлы пеляс.— Верман гөгөрвоны тайөс?

И лоис сийө, мый некыз эз виччысь Васса, мыйысь сийө медся полис...

Бөрвылас нин, гортланьö локтігөн, Васса унаысь заводитліс видзөдлыны Жоралы синмас. Чужөм вылас зонлөн нинөм эз петкөдчы: быттьö на костын нинөм эз и ло. Эз видзөдлы Жора и Вассалы воча — вешталіс синъяссö кытчөкө бокö. «Кызди вермө лоны сэтшөм спокойнөйөн?» — повзёмөн думыштіс ныв. И сэки жö заводитіс гөгөрвоны, мый лоис сэтшөмтор, кодысь сылы, гашкө, ковмас нэм чөжсö гөрдөдны йөз водзын. Ныв öні ачыс кыліс, кызди кынмыліс сьөлөмыс.

Вассаöс босьтіс йирмөг. Жора казяліс тайöс, пөрчис пинжаксö, плавгис нывлы пельпом вылас. И сы вöсна, мый тайöс Жора гөгөрвоис ачыс, вөчис лөня, кыв шутөг, Вассалы сьөлөм вылас лоис кокньыдджык. Гашкө, Жора абу на сэтшөм омоль морт. Сійö, вермас лоны, ньöти оз кöсйы ылөдны Вассаöс.

Сиктö пыригөн налы паныд локтісны кык морт. Васса ылісянь на тöдіс Ванюша Зюзевöс да Виктор Киселёвöс. Нывлөн сьөлөмыс ыркмунлі: сылы эз вөв окота öні паныдасыны кодкөдкө. Но вөчны вөлі нинөм. Зонъяс воисны на весьтö, сетісны туй. Васса кыліс, кызди сылөн кокъясыс тіралыштісны. Вөлі кызкө зэв яндзим и зэв лөсьыдтөм, быттьö сійöс кутісны мыйкө лектор вөчанінын. Кöні найö татшөм сөрөдзыс вөлөмаöсь?

И кор зонъяс кутісны ылысмыны, Жора тувкис Вассалы бокас да надзөник, но тырмымөн гораа, медым кылісны зонъяс, серөктіс:

— Порсь-пөдругаяснысö убөлитөмаöсь жö көть вой шөр бöрын энөвтны... Висьталöны, найö пö сэсь и невестаяснысö корсьöны...

Васса повзис, гырсьөдіс воськовсö. Сійö чайтіс, мый, гашкө, зонъяс эз кывлыны шуөм кывъяссö. Но войыс вөлі лөнъ, и весиг негораа шуөм кывъясыс воисны зонъясөдз. Öтиыс на пиысь крута веськөдчис наланъ, сувтіс, кватитіс Жораöс пельпомөдыс.

— Мый? Мый тэ шуин, гад? — пинъ пырыс юаліс сійö. Тайö вөлі Виктор.

Ванюша сулаліс неылын, гөгөрвотөг видзөдіс. Сійö, тыдалö, и ачыс эз виччысь, мый лоис водзö.

Сэки Жора тракнитчис да ещö мыйкө шуис. Васса адзыліс, кызди Виктор шеныштіс кинас, өдөбтөмөн зургис кулакнас Жоралы чужөмас. Здук мысти Жора куйліс нин муын гатшөн, кияссö паськыда шевгөдө-

мөн. Виктор сулаліс сы весьтын да виччысис Жоралысь сувтём.

— Виктор! Тэ мый — йёймин?— Киселёв дінё уськөдчиг горөдіс Зюзев.

— Ме сылы петкөдла... порсьясөс,— нетшыштчис Виктор, и кор Жора кутіс сувтны, ещө кучкис сылы сьыліас. Жора бөр сунгысис, нырнас гөрыштіс мусө.

Васса первойсө шай-паймуніс. Сійө некыдз эз гөгөрво, мый тані лоис. Аддзыліс Викторлысь биён өзйысь скөр синьяссө, векуштчөм чужөмсө, Жоралысь шөйөвошөмөн гөгөр видзөдлөмсө. Сійө, тыдалө, эз виччысь, мый аслас шуткаыс вермас тадзи ас вылас жө бергөдчыны.

— Сійө жө шутитіс,— бурөдіс другсө Ванюша, зілис кыскыны сійөс ылөдзджык. Но Виктор эз сетчы, ассьыс долис:

— Ме сылы петкөдла шутка!

Дырөн Ванюшалы удайтчис кыскыны Викторөс да лөньөдны.

Жора надзөник кыпөдчис муысь. Сійө первой пуксис, гөгөр видзөдліс, сэсся кутіс сувтны кокъяс йылас. Васса казяліс: чужөмыс Жоралөн вирөсь. Жора малыштіс чужөмсө, казяліс вирсө, көсийс уськөдчыны Виктор вылө, но Васса эз лэдз, кутіс.

Сикт шөрын зык сэтшөм жө өдйө лөнис, кызди и заводитчис. Васса аддзыліс, кызди матысса керкаын воссьыліс кильчө өдзөс, но некод эз пет. Кылө, Ванюша пыр на бурөдіс Викторөс, мыйкө надзөник висьталіс сылы. Сэсся Зюзев эновтіс другсө, матыстчис Жора дінө, шуис:

— Извинит, Жора. Ме эг виччысь, мый Виктор тадзи вөчас...

Жора нинөм өз вочавидз...

— Вот зверыд!— недыр мысти скөрысь шуис Жора, кор найө колисны Вассакөд кыкөн.— Уськөдчис пон моз. Отнас кө эськө вөлі, ме сійөс нокауталі. Эг удит...

— А мыйла тэ сідзи на йылысь?— дивитөмөн моз шуис Васса. Сійө ещө отчыд жалитөмпырысь думыштіс сы йылысь, мый өні, пөжалуй, сылөн туй вожыс дзыкөдз торьяліс велөдчан воясся бур ёртьясылөн туйысь. Тайөс признайтны весиг аслыс вөлі сьөкыд,

но киссьом ватö он курышт. Мыжавны таысь кодöскö Васса эз вермы дай эз көсйы.

— Ена тай! Порсь видзысь — порсь видзысь и өм, — кыліс Васса Жоралысь гөлөссö. — Ещö асьсö шуö художникөн. Художник вылö кө шогмö — порсь видзны эз мун. Серам! Татшöмыс вермас лоны сöмын тiян Ягвылын.

Вассаөс бара чизыртліс Жоралөн тайö кывъяс-сыс, көть и аслыс вöлі гөгөрвотөм, мыйла Виктор кутчысис порсьяссö видзны. Вермис жö весиг колхозын адзыны бурджык удж. Со — Ванюша. Век жö плötник, а абу порсь видзысь.

Васса кыскис Жораөс юкмөс дорö, мыссьөдіс.

Ныв öшинь улөдз найö сэсся мунісны чöv лантьöмөн. Нывлы кызкө эз вöv лөсьыд öні пырөдчыны сёрниö, а Жора дузъяліс.

— Асывводзнас вола? — гортланьыс бергөдчигөн юаліс зон.

Ныв довкнитіс юрнас.

Васса котөрөн пырис гортас, кутіс думайтны, мый, көть кызди да, сылөн олөмыс öні нэмыс кежлö көрта-сис Жоракөд. И мый көть оз шу мамыс, мый көть оз мөдны сёрнитны грездын, найöс нинөм оз вермы торйөдны.

Син водзас воліс Викторлөн скөр чужөмыс, Ванюшалөн падмөмыс. Ставныс найö вөліны зэв жальөсь, кызди и бөрö кольөм гажа лунъясыс, гырысь көсйөмъясыс. Но найöс пыр жö вежис Жора: мича, шань, ку-тшөмөн сійөс төдіс да лыддыліс Васса.

«Аски Жоракөд став йывсьыс бура сёрнитчам», — вольпась вылас водігөн думыштіс Васса.

Тайö думнас сійö и унмовсис.

ЕВАЙТÖД ГЛАВА

ФЕРМАСА ВЫЛЬТОРЪЯС

Тайö тожөмыс, тыдалö, некыз эз көсйы сетчыны арыслы. Вот-вот сикт весьтö öшйыласны лювъялысь руд кымөръяс, асывводзъясын заводитлас буситны. Но друг мыччыяс шонді, разаласны кымөръяс, и ывла вылын бара нин шоньд. И век жö, арлөн матысмөмыс

төдчис унаторйын: няйтчөм туйясын, кымөр разалігъ-ясөн өвтысь ыркыд төвъясын, асывводзся кынмалөмъясын.

Тайөс эз казявлы Надя. Фермаын уджъяс лунысь-лун содісны. Унаысь Надя прөстө эз төд, мый колө быть вөчны талун и мый позьö кольны аски кежлө. Съөлөмыс сылөн бурмис сыысь, мый Зарнилөн кукуыс сувтіс кок йылө. Тайөс ставсө вөчис Настя, коді босьтіс аслас «шефство улө» нэр куксö. Ныв эз петавлы телятникысь вежон чөж, весиг төдчымөн омөльтчис, но куксö бурдөдіс. Марпа унаысь воывліс Настя дінө, босьтсьыліс сылы отсасыны, корис куканьсö аслыс, но Надя да Настя эз сетны. Нывъяслысь зільөмсö аддзөм бөрын Марпа кутіс мөд ногөн видзөдны и нывъяс вылө: эз нин бугжылясь, варовмис, ачыс пырөдчис сёрниö. И медым ещö матыстчыны Марпа съөлөм дінө, нывъяс век жö шуисны сетны Милочкаөс, кызди найö нимтісны куканьсö.

Пөрысь дояркалөн синваыс петіс, кор нывъяс висьталісны та йылысь.

— Пасибö. Сө пасибö, донаяс...— синвасö чышкаліг бура дыр кайтіс сійö.—Нэм ог вунөд... Велькыда висьтала: йөй вөлі ме. Сэсса, и Дарьяыд йөйтөдліс. Ті чайтанныд — ме жалита Дарьятö? Ньöти ог. Оз кажитчы сійö меным. Пыр тойлө: вөтласны нывъясыд, уджавны оз сетны. А кытчö ме татысь муна?..

— Мый тэ, Марпида Прокопьевна!— бурөдіс сійөс Надя.— Мыйла вөтлынысö? Ми тіянлысь велөдчыны көсьям. Анна Андреевна со быд здукин миянөс велөдө.

— Ме тай и шуа... Слабог, он омөля уджалөй, ачым аддза. А ме сэтшөма виччыси Зарнилысь куканьсö. Быдта, мися, сійөс ещö колхозлы, а сэсса и аслым позьö паччөр сэрөгö.

— Водз на паччөр сэрөг йылысь сёрнитны, Марпа тьötка. Ми сэтшөма на өтвылысь уджавны кутам. Велөдөй миянөс бурджыка, сэки и шойччыны тіянлы позяс мунны. Колхозыд со öні пенсияяс шуис лөсьөдны пөрысьясыдлы.

— Уджалам, уджалам, сө зарнияс... Öні и уджавнысö.— Марпа друг ланьтіс, видзөдліс нывъяс вылө. Чужөм вылас сылөн төдчис мыйкө вельтор.— А нимтідсö кызди?

— Куканьсö?— гөгөрвоис Надя.— Милочкаөн шуим.

— Милочка?.. Зэв мича ним,— радліс Марпа.— Кужанныд ті мича нимъяс сетаवны. Сійö тай и шуа: бура заводитінныд уджавны. А Дарьяыд көть мый оз вöч, нинöм сылөн оз артмы. Аслас киподтуйыс некытчö оз шогмы. Ог төд, кызди порсыяс дінас, а мөсыяс дінад чорыд киа да пыскыль кывъя вöлі...

Марпа тэрмасьöмөн муніс Милочка дінö. Та бöрын сійö Надяöс быд паныдасигөн ыдждöдліс, унаысь корліс пыравны видзöдлыны Милочкасö. Кукань и збыльысь быдмис визув, збой, эз öтдорт некодöс; быдөн дінö зургö нырсö, быттьö гөгөрвоö, мый кок вылас сувтны сылы отсалісны уна ки.

Марпа тьöt сёрниын кыліс сы мында мелілун, а синъясас сы мында гаж, мый и Надялы сьöлөм вылас лои зэв рад: вежис кө Марпа фермаö воысь том йöз вылö видзöдөмсö, то тайö вöлі ыджыдтор. Дырөн сэсса асладорö позяс кыскыны и Дарьяöс. Мөд ног оз вермы лоны: кутшөм нö найö комсомолкаяс, оз кө быдөн аддзыны да казавны налысь киподтуйсö, зільөмсö, став сьöлөмсянь уджалөмсö. И Дарья Максимовна абу сэтшөм морт, медым асныравны, кор ставыс лөö сылөн син водзын.

Тырис куим төлысь нывъяслөн фермаö уджавны воөмсянь. Дерт, кадколаст абу на зэв ыджыд. Но тырымөн сы вылö, медым унатор йымысь думыштны.

Велөдчигас Надя унаысь думыштчывліс сы йылысь, кызди кутас уджавны. Сійö чайтліс, мый аслас зіль киясыс вöчасны ставсö. Көть кутшөм удж вылын сійö оз ло, асьсö некутшөм ногөн оз янөд. Батыс и мамыс Надяöс ичөтысянь велөдісны радейтны колхозной удж, и бөръя воясас эз нин кольлы гожөм, кор эськө ныв эз вöчлы квайтымын-сизимдас трудодень. Надялы воліс сьöлөм вылас и төвся каникулъяс дырйи ылі видзьяс вылö турунла ветывлөм. Кутшөм лөсьыд бөр воигөн небыд вольпась вылын моз пукавны турун додь вылын, кывзысьны додь сювъяс дзуртөм шыö, нылавны сөстөм көдзыд сынөдсö. Чужөмыд гөрдөдөма, бандзибьясыд кынмыштöны, но бергөдчан мышнад төв паныд, и нинöм тэнö оз босьт. А рытнас воан гортад, пөрччысян-шонтысян да сэтшөм горша босьт-сян сөйны пөсь яя шыд, быттьö сійöс нэмыд на абу сөйлөмыд.

Радейтліс Надя и гожся уджъяс, торъя нин турун пуктігөн да нянь идралігөн. Сы мында йёз өтлаын, сы мында гаж да серам! Он и төдлы, кызди луныс коляс, весиг мудзтө он кывлы. Кор нин водан льём пуяс боко зэвтөм вонйө да топөдчан пөдругаяс дінад, кутасны ёнтыны сойясыд, коскыд. Но и сэки на вунөдан ставсө: ыркыд вонйын зэв лөсьыд сёрнитыштны, сералыштны, кытчөдз бригадир оз чырышт.

Веськыда кө шуны, Надя эз чайтлы, мый сійөс пыр жө пуктасны фермаөн заведуйтны. Та йылысь сійө и думыштлынысө эз лысьтлы. Қоркө, гашкө, гоз-мөд во уджалөм бөрын, но не фермаө воөмсянь.

Сійөс повзёдліс сөмын өтитор: кызди сійө кутас сёрнитны фермаын дас да кызь воясөн уджалысьяс-көд, кесйөдлыны найөс, корны вөчны то өтитор, то мөдтор. Кыдзкө эз вөв лөсьыд мунны Анна тьөт дінө, нарадитны сійөс, тэрмөдлыны. Марпа тьөт пыр жө кутас щөтясьны, а Дарья Максимовна вомалас быд кыв-йысь. Велөдчигад төдан сөмын урокъястө: мамыд ставсө дасьтас, кесйөдас, индас. Оні ставсө ковмис вөчны аслыс: лөсьөдны рационъяс, веж подкормка, думайтны сө саяс куканьөс вердөм йылысь. Да этша өмөй вопрос ковмис быд лун решайтны, и быд решайтантор сьөкыджык учебникъясысь босьтөм задачаясысь. Сэни и учителясыд отсаласны, и тетрадьясад позяс видзөдлыны, а тані ставсө колө вөчны аслыд.

Надялөн сьөлөмыс бурмис Марпа тьөтлөн бура-сьөмысь. Но өд Надялы колө думайтны и комсомольскөй организация йылысь. Дас көкъямыс комсомолец да комсомолка — дас көкъямыс юр, дас көкъямыс вежөр, дас көкъямыс характер. Мыйла вөлі колө Викторлы Габовыскөд тышас пырны? Мый видзөдіс Ванюша, эз вермы кутны асьыс другсө? Ачыс ещө бюро-са член.

— Оскорбитіс менө, эг вермы кутчысьны, — висьта-ліс Виктор, кор бюро вылын видлалісны сылысь поступоксө.

«Виктор, Виктор! Пыр тэ сэтшөм: он вермы кутчысьны аслад кывйө. Мыйкө кө — өзъян кос идзас моз, кутны асьтө он вермы». Классын Викторөс быдөн лыддисны художникөн. Рисуйтчөм кузя сылөн пыр вөлі «пять». Қымын стенгазета оформитліс школаын, кымынлысь рисуйтліс портретсө. Викторлөн картина-

ясыс сідзи и колисны өшавны классын. Гашкө, найө и слабөсь на, кызди шулис школаө волюсь өти художник. Но өд тэ эновтін рисуйтчөмтө, заводитін гижны стихъяс. Өти стихотворение печатайтисны весиг газетын Сыктывкарын, и тэныд редакциясыныс воис письмо, көні корисны водзө гижны, велөдчыны ёнджыка. А тэ водзө велөдчыны мунөм пыдди босьтін да пырин колхозной фуражирө, а сэссия кутчысин порсыясөс видзны.

Комсомольскөй собрание вылө корисны тшөтш и Вассаөс да Жораөс. Но найө эз воны. Виктор гөрдөдөмөн, юрсө өшөдөмөн, сулаліс дас вит гоз син водзын. Бюролөн решениеыс вөлі чорыд: сетны выговор.

— Лыддян, Виктор, асьтө мыжаөн?— юалис Надя.

— Ог,— юрсө лэптывтөг вочавидзис Киселёв.

Тыдалө, комсомолецъяс эз жө зэв окотитны сетны Викторлы чорыд наказание: чөв олісны. Тайө Габовсө и збыльысь эз радейтны быдөн. Мый дыра олө сиктын, и этшакөд на сёрнитлөма.

Дышиника, но собрание век жө вынсьөдіс бюролысь решениесө: Викторлөн поступокыс зэв нин вөлі мисьтөм. Комсомолец, да мед тышө пырис нинөм абусыс! И тайө лоис комсомольскөй бюроса член дырйи! Гашкө и сы отсөгөн, сыөн ышөдөмөн.

— Мый ме верми вөчны?— дорйысис Зюзев.— Ме и видзөдлынысө эг удит.

— Зюзев абу мыжа,— юрсө кыпөдліс Виктор.— Сы йылысь нинөм казъывны. Кызди сійө менө вермис кутны?

Собрание вылын нывъяс кыпөдісны сёрни и Васса йылысь, коді эз лок собрание вылө, эз сувт весиг комсомольскөй учёт вылө. Собрание тшөктіс бюроса членъяслы пыр жө ветлыны Гудырева ордө, сёрнитны сыкөд бура, кыскыны коллективө.

И вот, Надя өні думайтө, кызди тайөс вөчны, мед эськө Василөкөс дзыкөдз не скөрмөдны. Надя кывліс нин Васса да Жора йылысь сёрнияссө, но ёнасө талы эз эскы. Василөк көть и асныра, пыр мыйкө корсис выльөс, вөвлытөмөс, мичаөс. Надя төдіс: сылөн бур сьөлөм. Кымынысь сійө войдөр воліс отсөг вылө пөдругаясыслы, пыр вөвлі бур ёртөн. Мыйкө кө сылөн друг вежсис карө ветлөм бөрын, то тайө лоис сөмын сы вөсна, мый эз удайтчы веськавны институтө.

Дерт, колö вöлі отсавны пöдругаыслы, но юр выв-
тыр уджъяс вöсна Надя эз аддзывлы кад пыравны
Василёк ордö. Сійö надейтчис: Васса шогсьыштас, ду-
мыштас, ачыс воас на дінö. Кытчö сэсся сылы вош-
тысьнысö? Сэсся öд и мамыс сьлөн, Анна Андреевна,
көнкö сёрнитлывлö нылыскöд. Оз жö вермы лоны, ме-
дым Анна Андреевна эз шу Вассалы кутшöмкö кыв.

Вöлі и мöд помка, мыйла Надя эз тэрмась ветлы-
ны Вассаясö: Ванюша Зюзев. Сійö бөръя кадас ёна
вежсис — эз ло варов, синъясас петкöдчис кутшöмкö
шог. Надя чайтис, мый сьлөн тайö Васса да Жора
вöсна. Мыйла сылы на костö нырсö суюны? Надя не-
кымынысь нин заводитлис сёрнитны Ванюшакöд, но
сійö быттьö пышъяліс. Тайö дойдис нывлысь сьölöмсö
и, веськыда кö шуны, вөрзьöдис самолюбиесö. Оз,
Надя оз на кут вöтлысьны сы бөрся. Мед шогсьö ас-
лас Василёк вöсна, а сійö со кадсö коллялö Жоракöд,
и тöдны нинöм оз кöсийы.

Но öні сылы быть колö вöлі аддзöдлыны Василё-
кös: комсомольскöй собрание тшöктис сёрнитны ськöд,
корны ужавны фермаö.

Надялы дум вылас бара уси бюролөн поручение-
ыс. И сійö шуис — рытнас быть ветлыны Вассаясö.
Дерт, бурджык эськö вöлі мам дырйиыс сёрнитны. Та
вöсна Надя зілис эштöдчыны водзджык, кайны öтла-
ын Анна тьöткöд. Но фермаын лöмтор бара торкис.

Делöыс вöлі тадзи. Рытъядорыс нин, кор гөр-
пельöсын Надя видлаліс йöv сдایتöм кузя доку-
ментъяс, сэтчö котөрөн локтис Настя: чужöмыс гөр-
дöдöма, ачыс сьöкыда лолаліс. Öдзöс дінсянь Настя
уськöдчис пызан дорö, пуксис, лэдзчысис пызан вылö,
бөррдзис.

— Настя, мый тэкöд? — повзис Надя. Сійö тöдис:
Настя некор оз бөрдлывлы, и лэдзö кö öні кыз синва,
то мыйкö лöма зев омöльтор.

Настя эз лэптыв весиг юрсö. Сьлөн сьркъялісны
пельпомъясыс.

— Настя! Висьтав, мый лоис? — чорыда нин шуис
Надя да пуктис кисö пöдругаыслы пельпом вылас. Ва-
жөн-ö сійöс асьсö бурöдлывліс тадзи мамыс, а öні
сылы лöб бурöдны мукöдös.

— Ог, ме сэсся ог вермы тадзитö! — юрсö кьпöдис
да синва сорөн шуис ныв.

— Мый лоис?— дзикөдз скөрмис Надя.— Висьтави Мый сёлөмөс менсым кырлөдлан?

— Кукань менам вөйис,— нюжөдіс Настя.— Мальва.

— Мальва? Кытчө?— нинөм эз вермы гөгөрвоны Надя. Сійө төдіс: Настялөн том куканьясыс вөліны ывлаын йөрын, и сәні некутшөм ва гуран абу.

Настялөн бөрдөм сорөн висьталөмысь Надя гөгөрвоис: Дарья восьтөма йөр заворсө, лэдзөма сэтчө ассыс порсьяссө. А заворсө абу пөдлалөма. Куим кукань петөмаөсь йөр сайө, мунөмаөсь кыр йылө. И өти на пиысь усьөма кыр горулө.

Нывьяс котөртисны сэтчө. Сәні шыалисны йөз. Надя сәсь жө аддзис Дарьяөс, Зюзевөс. Ванюша шенасис кинас, мыйкө висьталіс кыр горулын муткырасысь мортлы.

Надя матыстчис кыр дорө. Кыр горулын сулаліс сьөд сера кукань, а сы дінын Виктор, малаліс куканьсө.

— Мый тані лоис?— Дарья вылө скөрысь видзөдлөм бөрын юаліс Надя.— Кыдзи куканьыс ваас воис?

— Заворыс восьса вөлөма,— висьталіс Зюзев.— Видзөда ме: куимөн петісны, мунісны кыр дорө. А здук мысти куканьыс лоис кык. Дзик, мися, увлань патурликсис. Видзөда: Виктор котөртө. Ме — сы бөрся...

Юыс таті эз вөв зэв джуджыд, но кыркөтшыс крут. Та вөсна и куканьыс веськыда исковтөма юө. Виктор паськөмнас и ставнас уськөдчөма кыр йывсянныс ваө, кыскөма шөйөвошөм Мальваөс ваысь. Оні Витя, юр вывсянныс кок улөдзыс сулик ва, видзөдіс берег вылө да горзіс.

— Гез вайө! Гезтөгьд ог вермө кыпөдны...

— Гезьяс татчө оз на ковмыны,— шуис Зюзев, да тшөтш лэччис улө.

Көдзыд ваын купайтчөм кукань тіраліс, муртса сулаліс кок йылас.

— Öдйөджык,— тэрмөдліс Настя.— Мальваыс дзикөдз турдас.

Ю дорө лэччис тшөтш и Надя. Куимөн кызкөмыйкө кыпөдісны Мальваөс.

— Зарнийө менам, донайө,— малаліс ассыс быдтассө Настя.— Мунам гортө, мунам. Сәні шонтысям...

Кукань, кокъяссö креставлöмөн, юрсö öшöдöмөн, мөдöдчис вывлань.

Надя бара видзöдлис Дарья вылö. «Мый сийö? Нарошно вöчис?— думыштіс.— Чайтіс, некод оз аддзыв? А мед Настяöс кутасны мыжавны аслас быдтасьяс бöрся омöля видзöдöмысь?»

Дарья казяліс Надялысь тайö видзöдлассö, лöгысь лэптыліс синсö ныв вылö, кыв шутöг бергöдчис, мөдöдчис вывлань.

— Сулавлы!— горöдіс сылы Надя.— Ачид порсьяссö йöртін?

Дарья сувтіс.

— А мыйла заворсö бöр эн пöдлав?

— Быттьökö тай пöдлавлі,— мыкталіс Дарья.— Гашкö, кодкö бöр востіс.

— Асьныс кукьясыс востісны!— серöктіс Зюзев.

Дарья ещö видзöдліс том йöз вылö, друг кызкö йöжгыльтчис, мыжа морт моз тэрыба мөдöдчис скöтнöй дворяслань.

— Тöдö, каньид, кодлысь нöксö сөйöма!— серöктіс Виктор.— Ме ачым аддзылі, кызди Дарья лэдзис порсьяссö да заворсö востсөн колис.

— Тэ öдйöджык мун да косьтысь,— шуис сылы Надя. Сийö решитіс висьтавыны лöмтор йывсьыс Василий Васильевичлы, ещö öтчид сёрнитны Дарья йылысь. Нинöм сэсся чеченитчыны сыкөд. Тыдалö, налөн öтлаын уджалöм оз артмы.

— Пöлинö, Надежда Егоровна, эм вьльтор,— друг шыасис Зюзев.

— Кутшöм нин ещö вьльтор?

— Талун Жора муніс карö. Ачым аддзылі. Киас чемодан, суöдіс вöлаöс да пуксис тарантасö, гөнитіс пристаньö.

— Он сөр?

— Ас синмөн, мися, аддзылі.

Надя мыйкö дыра кезлö думыштчыліс.

— Мый нö... Гашкö, тайö мяян Василёклы сöмын бур вылö...

— Гажтöм öні лоас Василёклы!— серöктіс Виктор, но Зюзев сы вылö сідзи видзöдліс, мый мöдыс пыр жöланьтіс.

Тайё рыгнас ни мөд лун асывнас Надя бара на эз вермы ветлыны важ пөдругаыс динө. Дум вылас Васса уси лун шөр бөрын нин.

Надя, дерт, эз вермы төдны, кызди сыөдз Васса ордө котөрөн воліс ичөтик детинка, сетіс письмө.

— Жора ыстіс,— тэрмасьөмөн висьталіс зонка.— Сет пө аслыс кияс.

— Ачыс нө оз вермы волынысө?— юалис Васса.— Оз эшты?

— Муніс сійө... параход вылө төрыт нин...— пад-мис детинка: Жора эз тшөкты висьтавыны аслас мунөм йылысь.

— Муніс?— места вылас кынмыліс ныв.

«Мый тайё? Пом? Ылөдіс? Сы бөрын, мый вөлі миян костын?»— думайтіс Васса, и нинөм эз вермы гөгөрвоны. Жора өд шуис сылы, мый көсийө дядьыскөд войколөн кайлыны чөс туйяс лөсьөдны.

Тіралан киясөн Васса восьтіс конвертсө.

«Дона Василёк!— тыдалө, тэрмасьөмөн гижөма Жора, та вөсна букваысыс чеччалісны. А ташкө и аслас Вассалөн синмыс тіраліс.— Воис мамсянь телеграмма. Срочнөя корөны карө. Извинит: прөщайтчынысө пыравны некор. Виччысь мясянь письмө. Сэні ставсө висьтала. Жора».

Өні Васса эз нин вермы эскыны Жоралы: висьталіс, мый дядьыскөд кык лун кежлө кайө вөрө, а ачыс пышійөма.

— Мыйөн муніс?— письмө дінысь синъяссө кылөдіс ныв, но детинка эз нин вөв. Васса сөмын мышсө сылысь аддзыліс. Ок, кутшөма эськө өні Васса көсийис лоны татшөм детинка кодьыс: шог төдтөмөн, мам водзын ни йөз водзын мыжтөмөн!

Василёк уськөдчис аслас крөвать вылө, сыркъялөмөн бөрддзис. Сьөлөм вылас вөлі зэв сьөкыд. Коді өні сылы сөвет сетас? Коді отсалас?

СИЗНМӨД ГЛАВА

ЁРТЪЯС ВООНЫ ОТСӨГ ВЫЛӨ

Бөръя лунъясас Макаровалөн сьөлөм вылас мыйкө эз вөв лөсьыд. Унаысь думыштчывліс: мый вөсна сылөн висьсө сьөлөмыс? Кыті мый вөчтөм? Но дум вылас

нинõм уськõдны эз вермы. Бытьõкõнõсь фермаын делõяс мунисны эз нин зэв омõля. Мальваыс Настялõн, ваад усьлõм бõрын, нёрпалис лун-мõд, но сэсса зиля мõдис котравны, азыма сёйны. Зарнилõн Милочкаыс быдмис бура жõ.

Думыштчывлис Ванюша йылысь. А мый сы йылысь ёнасõ думайтны? Оз кõ кõсйы — мырдõн мусаõн он ло. Тыдалõ, ковмас асьсõ кутыштны. Дерт, шог. Но оз жõ Ванюша вõсна сэтшõма тõждысь сылõн сьõлõмысь?

Нывъяс уна кутисны сёрнитны Васса йылысь. Сылõн пõ Жораыс пышйõма да Василёк оз и петавлы портсыс, бõрдõ. Абу зэв варов бõръя лунъяснас и Анна Андреевна.

И вот, Макарова друг гõгõрвоис: да тайõ жõ Васса вõсна сылõн сьõлõмысь пыр висьõ. Кызди нõ позьõ тазди, медым ставõн энõвтисны асьсыныс пõдруганысõ? Мõдарõ кõ, кызди позяс мунны сы ордõ? Оз-õ Вассаыс думышт: вот пõ тай, локтис сералыштны менõ.

Надя буретш вõли вõйтчõма тайõ думъясас, кор гõрд пельõсõ пырис Ефим Иванович.

Гилев эз частõ волевлы фермаõ. Сы бõрын, кызди колхозын лоис зоотехник, Василий Васильевич да Ефим Иванович надейтчисны сы вылõ. Та вõсна председателъõс вежысылõн локтõмыс Макаровалы лоис виччысьтõмõн. Надя тõдис: Ефим Иванович вõли карын, кутшõмкõ семинар вылын, а сылõн воõм йылысь Макарова эз на кывлы.

— О-о! Тиян танi и збылысь гажа вõлõма!— пырõмõн тшõтш нюжõдис Ефим Иванович.— Кысь, мися, Василий Васильевич ёна ошкõ да...

— Шойччõй, Ефим Иванович!— корис Надя.

Зампред кытшовтис синъяснас гõгõр. Кызди и пыр, Гилев вõли кокныдик лõз плаща, сэтшõм жõ кепкаа. Бокас õшалис полевõй сумка.

— Но, мый нин тиян выльысь?— пызан помõ лõсьõдчиг гажаа юалис Ефим Иванович.— Мыйõн ошйысьд?

— Ошйысям?— гõрдõдис Надя.— Буди бõрдам, а ог ошйысьõй...

— Но, но, эн омõльтõй асьнытõ,— вежис гõлõссõ Гилев.— Тайõ абу жõ лõсьыд. Тõдмаси нин ме сводкаясõн. Молодечьяс! Вõлим ми семинар вылын õтлаын визинсаяскõд. Ёна ошйысьõны: окотапырысь пõ том

йӱз мӱдӱсны фермаясӱ воны. Ме висьталӱ, мый и миян локталӱны.

— Лыддылӱ ме на йылысь газетысь,— висьталӱс Надя.— Ставӱн лыддим. Кӱсьям вӱлӱ налы письмӱ гижны, но пыр со некор...

— Оз ков нюжӱдчыны. Гижӱй, кызди уджалад, кутшӱм сьӱкыдлуньяс венад. А найӱ мед ас йывсьыныс висьталасны. Вот и бур тӱдсаяс лoad. Таысь омӱльыс оз ло.

— Дерт, оз ло, но босьтсьынысӱ колӱ... Полам на ми кызкӱ...

Кылӱ, гӱрд пельӱс ӱшинь увтӱ мунӱсны нывьяс. Налӱн гора серамныс кылӱс татчӱдз. Ефим Иванович сувтӱс, ветлӱс ӱшинь дорӱ, бура дыр видзӱдӱс нывьяс бӱрся.

— Да, гажаӱсь миян нывьяс,— важ местаас бӱр локтӱм мысти шуис сӱйӱ.— И долыдӱсь. Тайӱ бур. Долыда и колӱ овны ӱнӱ том йӱзлы. Олӱмыс со гажа мӱдӱс лоны.

Ефим Иванович бара чеччис, локтӱс Макарова дӱнӱ.

— Вот мый, Надя!— шуис сӱсся Ефим Иванович.— Ме талун пыри тӱ ордӱ эг ошкыны тӱянӱс, а видны...

Надя повзьӱмӱн видзӱдлӱс Гилев вылӱ.

— Тӱрыт ме вӱлӱ Анна Андреевна ордын. Ачым гӱгӱрвои пыравны сы ордӱ. Норасьӱ тӱян вылӱ. Вассасӱ сылысь дзыкӱдз ӱновтӱмныд. Он весиг пыравлӱй сы ордӱ. Кызди нӱ тадзи позьӱ? Сӱйӱ эз вермы пырны институтӱ, шогсьӱ, гортас гажтӱмчӱ, а пӱдругаясыс ӱтдортӱны сӱйӱс...

— Ми ог ӱтдортӱ ньӱти, Ефим Иванович!..— артмис Надялӱн.

— Он ӱтдортӱ, но вунӱдӱд?— серӱктӱс Гилев.— Тайӱ некытчӱ оз шогмы. Вассаыд тӱян кодь жӱ комсомолка... Дай кӱть и эз вӱв комсомолка, абу мӱй ӱткодь? Тӱ тӱдад, мый вӱчӱма тӱян пӱдруганыд?

— Мый?— дрӱгмунӱ сьӱлӱмыс Надялӱн.

— Гортсьыс пышӱыны заводитлӱма. Но мамыс кутӱма. Вот, Надюша, мыйын делӱыс. И таысь миянӱс ӱна дивитасны. Ми таысь мыжаӱсь. Тӱ, и ме тшӱтш... Гӱгӱрвоин?

Надя лӱдзис юрсӱ. Сӱйӱ важӱнккодь нин заводитӱс гӱгӱрвоны: найӱ вӱчӱны зӱв омӱля. Важӱн вӱлӱ колӱ ветлыны Васса ордӱ, корны удж вылӱ, торӱйӱдны Га-

бовысь. Кутшом они лоо яндзим мунны сы ордо, висьтавны подругаыслы мыйко сэтшомос, мед эсько Василёк эскис. «Эк, Василёк! Василёк!— курыда думыштіс Надя.— Кымынысь ме шулі: уджыштам первой, бурджыка лосьодчам экзаменъяс кежло, да и пырам отвылысь оти институто. Тэ эн косьи миян ног. Аслад вын выло надейтчин. И вот...»

Макарова видзодліс Гилев выло. Сійо пукаліс важ мозыс пызан помын, водз чуьнась таркодис пызано. Тыдало, виччысис, кор сійо, Надя, мыйко висьталас сылон юалом выло.

— Мый но сэсса они миянлы вочны, Ефим Иванович?— полігтырйи юалис Надя.

Гилев ышловзис.

— Вот тасянь и колло вольі заводитны, Макарова ёрт. Важоннин. Думыштлыны ставлы отвылысь: кыдзи отсавны подруганыдлы...

Борвыласнин, Ефим Иванович муном борын, Надя коліс отнас да выльысь думыштчис: мыйла сылы эз вов окота мунны Василёк ордо? Дырөн гогорвоис: сомын сы восна, мый асьыс личнойсо пуктіс медся выло. Полис, мед эсько Васса мод ног сійос эз гогорво.

Дум вылас усьлі Фадеевлон «Молодая гвардия». Сэни од нывъяс медся выло сувтөдлісны общой делло — фашистъяскөд тышкасьом, и вунөдлісны став личнойсо. Таын и вольі выныс Любовь Шевцовалон, Ульяна Громовалон. Та йылысь жо Надя гижліс тулыснас аслас письменной уджын. Но вот Надялы ковмис асьыс да подругаыслысь интересьяссө орчон сувтөдны, и сійо төдис сомын асьыс гордостьсө. А кымын во чөж од найо школаын велөдисны бур книгагас, косьисны лоны Чернышевскийлон кодь героинясон, Чайка кодьон. «Жаль, этша на миян писательяс гижоны книгагас талунъя героинягас йылысь, кодъяс став сьолөмсянныс уджалоны целинной муягас вылын, Ылі войвылын да Сибириын стрөиталоны выль заводъяс! Кутшөма эсько сэтшөм книгагасыс велөдисны овны том йөзөс!»— думайтіс ас кежсыс Надя.

Надя петіс гөрд пельөсысь. Ывлаыс вольі ыркыд. Кизягис топыдджыка, плавгис юр вылас шонид чышьянсө, гогор видзөдліс. Колло аддзөдлыны Ванюша

Зюевос либө Викторос. Гашкө, Ванюша сөгласитчас тшөтш ветлыны Васса ордө?

Лои яндзим и Анна Андреевнаысь. Сы мында отсөг сийө сетис налы, а кор ковмис аслыс отсавны — эгө ку-жой. «Мый сийө öнi думайтö мян йылысь?— думыштис шога.— Көнкө, шуө: асьнытö сөмын тöдад. И прав Анна Андреевна. Сидзи и колö шуны».

Зюевос Надя аддзис виль телятник стрöитанинысь. Ванюша мыйкө вöчис вевт вылас. «Кор нин көть эштöдасны?— думыштис Макарова.— Репыд том куку-ясос ковмас меститны, а мян некытчö. Бара лоö гидь-ясö разöдны. Мыйта нин стрöитöны, и век оз тырмы».

Ванюша ылисянь казялис Надяос, öвтыштис кинас. Ныв, юрнас довкнитöмөн, корис плöтникос ас динас.

— Мый нин бара лои?— ныв динö котөрөн матыст-чөм бöрын юалис Зюев.

— Ефим Иванович волис ме ордө. Зэв ёна видö: Вассаос пö вунöдид,— Зюевлы висьтавлис ныв, а ачыс сюся видзöдис зонлы синмас: көсийс тöдны, кызди примитас тайос Ванюша.

Ванюша чужөм вылысь нинөм эз позь аддзыны.

— Чöрт сыкөд!— шеныштис кинас Зюев да весиг сьöлыштис кок улас.— Вöтлысьны сы бöрся ме ог мөд. Мед, жөсийö кө, Жораыс бöрся вöтчö. Сылы карса зон колö! Вот и корсис! Мый ещö оз тырмы?

Ванюшалөн чужөмыс друг гөрдöдис, синъясыс югнитисны. Надя гөгөрвоис: Ванюша ёна скөрмөма Василек вылө. Нывлөн сьөлөмыс мыйкө дыра радлыштис. Но пыр жö кутис асьсö, надзöник шуис:

— Вай ог мөдö скöравны. Колö быть ветлыны Васса ордө. Тэ тшөтш он ветлы?

— Ме?— синъяссö паськөдис Зюев.— Ме ещö мыйла? Комсомольскöй собрание тэныд поручитис... Кыдзкө нин асьныд вай, нывъяс... Тi тай быдтор вылө мастерось...

Надялөн муртса серамыс эз пет, но эз лысьт серöктынысö. И медым петкөдлыны, мый ставыс веськодь, шуис:

— Ладнö... Настяос кора, сыкөд ветлам.

— Тэ ещö Дарьяос кор... Зэв бур депутация артмас,— серöктис Зюев.— Да ёна сийос корöй. Пöгиб, шуöй, тэтөг воим. Некутшөм төлк фермаын эз мөд артмыны...

Надя нюммуни. Сылөн сьолёмыс бурмис коть нин сыысь, мый Ванюша тадзи скоралё Василёк вылө.

— Эн вунөд: талун репетиция,— корис бөрвылас Надя.— Мед оз ковмы төндзия мозыд виччысьны. Кылан?

— Кыла. Оз ковмы виччысьны...

Зюзевкөд торйөдчөм бөрын Надя мөдөдчис скөтнөй дворъяс динти да аддзис Анна Андреевнаос. Сийө лөсьөди аслас мөсьяслы сөян. Пөрысь нывбаба синмысь Макарова друг казяліс сы мында шог, мый аслас сьолёмыс вөрзис. Надя матыстчис Анна Андреевна динө, шыасис:

— Төрытсаянь нин эг аддзыв, Анна тьөт... Мый нин Вассаыд гортад вөчө? Мый татчөдз оз вола?.. Гаж бырис.

Надя ачыс гөгөрвоис, мый эз ков тадзи сёрнисө панны: Анна Андреевна быттьө нылыштіс кутшөмкө ыджыд көмөк, дивитана видзөдліс Макарова вылө, сөсся вештыліс синъяссө бокө, вөлисти сьөкыда ышловзис:

— Гаж, шуан, бырис?.. А пыравнысө некор? Али яндысяд?

— Мыйысь?— эз гөгөрво Надя.

— Эк, нывъяс, нывъяс!— быттьө юалөмсө эз кылы Анна Андреевна.— Велөдоны тиянөс, көмөдоны пасьтөдоны, а вежөрныд век абу. Нөйтнысө тиянөс некодлы, ме видзөда да...

Пөрысь нывбаба чышкыштіс синвасө. Надя казяліс тайөс, да сьолөм вылас эз ло лөсьыд. Вот кызди сийө аттьөалис Анна Андреевнаос! А кымынысь өд шуліс: сылөн төждысьөм да отсөг вылө вочавидзас ыджыд торйөн.

— Öні Вассаыд гортын?— Анна тьөтлы чужөм вылас видзөдлыны поліг юалис Надя.

— Гортын, дерт... Көні сөсся сылы лоны...

— Ме пыр жө ветла сы динө. Кора, мед локтас фермаө.— А сөсся решитчис да шуис сьолөмсяныс:— Извинит, Анна Андреевна! Төдан, кутшөм абу лөсьыд меным тэ водзын... Став отсөг пыддиыс... тадзи... Но — ми веськөдам, бергөдам ставсө...

— Ладнө нин...— тыдалө, мелі кывъяссьыс бурмыштіс сьолёмыс Анна тьөтлөн.— Мун ветлы... гажтөмчө лун-лун... Пыр өшиньө видзөдө... Эг гөгөрво ме

ас кадö эсйö карса гöстсьö тодмышкавны. Колö эськö вöли...

Василёк тайö каднас öтнасөн пукаліс гортас, видзöдіс öшиньö, кыдзи и висьталіс Анна тьöt. Нывлы ставыс вöлі мустöм да ковтöм. Мустöм да ковтöм вöлі и ачыс аслыс. Дум вылас волісны пöдругаясыс. Вот кодъясысь сылы колö яндысьны! Öтдортчис, нырсö лэптис, кор ачыс медся омöлыс, пашкö, грезд пасьтас. Да, да, медся омöлыс! Öні нин сйö тайöс тöдö. Ок, эськö! Ставсö кö бөр бергöдны! Кутшöма нин Васса öні жалитис, мый эз кывзысь мамыслысь.

«Вунöда ставсö, ачым муна на дінö!»— чорыда шуис Васса да заводитис тэрыба пасьтасыны, мед сэсся лэччыны фермаö.— Налы öд некор, удж вылынöсь. А ме...» И сэки Васса аддзис öшинь увсьыс Надяös. Важ пöдругаыс кайис кильчö поскöд, пырис керкаö.

Васса тэрмасьöмөн бөр пөрчысис.

— Бур лун, Василёк! Эн виччысь?— порог дорсянь на долыда шуис Надя, и пыр жö казяліс Вассалысь вазьöм, гыр д синъяссö.— Тэ мый? Бөрдин? Мыйысь?

Василёк кыліс, кыдзи сылөн горш дінас кыптис кутшöмкö көмök, эз сет лолыштны.

— Мый тэкöд, Василёк? Коді тэнö öбидитис?— нинöм на эз гөгөрво Надя.

И көть кыдзи эз көсйы Василёк, сйö эз вермы кутчысьны: друг бөрддзис, уськөдчис пöдругаыслы морöс вылас.

— Ставсö висьтала, Наденька! Дзик ставсö!— Надя бердö топöдчöмөн кайтис Василёк.

Надя ыджыд морт моз малаліс сылысь юрсö, ёнджыка топöдіс пöдругасö ас бердас. Ачыс думайтис: «Йöй ме, йöй! Мыйла öнөдз эг волы?»

Көть Васса и көсйысис ставсö висьтаваны Надялы, но унатор эз висьтав: вöлі вывті яндзим. Но көсйысис аскисянь локны фермаö удж вымö.

Кор недыр мысти Анна Андреевна локтис гортас, сйö аддзис: кык пöдруга, топыда кутчысьöмөн, кыз синваён бёрдöны. Тыдалö, раднысла.

— Мама, аски ме удж вылö жö... тэ дінö...— висьталіс Васса мамыслы, но сылөн кывъясысь Анна тьöt эз кыв ыджыд радлун. Мыйкö, тыдалö, нылыс дзевис сыысь...

Васса коймод лун нин уджаліс фермаын. Сійос индісны порсыяс дінө. Дарья, кызди и пыр, первойсянныс буқышөн модіс видзодны том ныв вылө. Отчид Виктор кывліс, кызди Дарья броткис Васса вылө:

— Ыстөны уджалысыясөс! Кынысө няйтөсьтны полөны. Мед эськө Мича Жораыс бөрся вөтчис! Сы пыдди уджавны ме ог көйы. Меным аслам уджөй горшөдз тырмө.

— Мый тэ висьталан, Дарья тьот?— нарошнө локтіс броткысь Дарья дінө да стрөгысь юаліс Виктор. Сійө төдіс: Дарья Максимовна зэв полө стрөга шуом кывьяссыс. Öні Дарья падмис жө: тайө том йөзсыс быдторсө позис виччысыны.

— Ме?.. Нинөм ог... Сідз, ачым...— кытчөкө синьяссө бокө вештөмөн заводитіс кайтны нывбаба.

— Вот мый, Дарья Максимовна!— водзө стрөга нуөдіс Виктор.— Вай сёрнитчам тадзи: кутам чөв овны. Гөгөрвоин? А то...— Виктор мыччис кулаксө Дарья тьот ныр дорө.

— Ме нө мый!.. Мед колөкө уджалөны... Мися тай — Öнью Аннаыс велөдіс-велөдіс нывсө, баруняөн көйис, тыдалө, вөчны, а порсь видзысь жө воис.

Дарья радпырысь серөктіс, быттьө шердын анькытш кисьтіс.

— Ми жө сёрнитчим: чөв овны,— выльысь шуис Виктор.— Али гораджыка висьтаваны?

— Оз ков, оз ков! Кывлі!

— Но, вот...

Василөк кывліс тайө сёрнисө. Сылөн серамыс петіс, и вөлі забеднө. И кор Дарья тьот муніс, Васса локтіс Виктор дінө, шуис дивитөмөн моз:

— Мыйла сідзи Дарья Максимовнаыскөд? Мед скөралө, ме ог дөзмы... Дзик веськодь меным.

— А меным абу дзик веськодь. Ме дырйи мед ташөм сёрнитө вунөдас!

— Ой, ёна тай ме пола!— серөктіс Васса...

Та йылысь рытладорыс Василөк радлігтыр висьталіс Надялы. Кыкнанныс пөттөдзныс сералісны.

— Шензыны ог вермы Витя вылө,— висьталіс водзө Васса.— Быттьө нэмсө порсыясөс видзөма... Тэ чайтан — Викторыд дыр уджалас порсыяс дінад?

Надя, төдөмысь, гөгөрвоис, мыйла тайос юалө Васса. «Нинөм, велалас»,— думыштіс ас кежсыс

Макарова.— Уджыд сійö сэтшöм, кыскас. Абу жö Вассаыс сэтшöм морт, мед сійöс удж эз ышöд».

Надя видзöдлiс пöдругаыс вылö: кутшöм найö век жö öткодьöсь Настякöд! Кыкнанныслөн гöгрöс чужöм, мича-мича лöz синъяс, гырысьöсь, мелiöсь. Но Настялөн кö синъясас öтырышъя би, то Вассалөн найö быттьö сайöдчыштöмаöсь руөн. Гашкö, та вöсна и синъясыс сылөн торъя мичаöсь?

— Викторыд?— вöлисти вочавидзис Надя.— Вермас лоны — оз дыр. Дерт, кутас велöдчыны. А гашкö бөрвылас бара татчö воас?

Васса мича синъясын петкöдчис эскытöм.

— Чайтан — оз?— Надя друг кыскыштіс ас дiнас Вассаöс, кутыштіс.— Ок, тэ! Муса пöдругаöй менам! Ми öд зэв на томöсь, и — зэв на йöйöсь! Вот вежөр-мам, и унатор гöгөрвоам. А ме быть бөр воа татчö! Гортö! А гашкö и некытчö мунтöг мöда велöдчыны!— Макарова тракнитіс юрнас.— Он жö эскы?

— Мыйла ог...— мыйкö ыджыдтор йылысь быттьö думайтöмөн шуис Васса.— Сöмын, ме чайтлі...

— Унатор, Василёк, ми мöд ног чайтлім. А олöмыс со петкöдлö да велöдö. Збыль?

Васса сöмын юрнас довкнитіс.

— Пöлинö, Василёк, мыйла тэ Ванюшасö сiдзи мучитан!— важысянь дасьтöм юаланторсö шуис Надя.

— Кыдзи мучита?— мича синъяссö ещö гырсьöдiс Васса.

— Радейтö сійö тэнö...— шöпнитіс Макарова.— А тэ...

— Коді öні менö татшöмсö радейтас?..

— Кутшöмöс?— эз гöгөрво Надя.— Тэ миян грездын медся мича нылыс. Со Ванюша тэтöг овны оз вермы...

— Ок, Надюк!— сьöкыда ышловзис Васса.— Нинöм на тэ он тöд!..

— Да мый сэтшöмыс?

— Нинöм... Весиг и висьтавнысö оз сулав... Ой, меным öд вердчыны колö заводитны. А то Виктор петкöдлас меным...

Васса котöртіс. Тайö сёрнисыс Надялөн сьölöм вылас коли кутшöмкö дiльквидзантор, кöть и ачыс эз вермы гöгөрвоны — мыйла. Быттьökö торъя гырысь помкаяс сы вылö эз вöвны. Но Надя век жö вежаліс

пөдругаыс вылө: көть өд мый да, сійөс радейтöны зонъяс, сы бөрся синнаныс кыйялöны. «Но и мед!— курыда думыштис ныв.— Олöмным мян ставыс на водзын».

Надя динö котөрөн локтис Настя — гөрдөдöма, пöс-сялöма радысла. Синъясыс сідзи и öзйöны.

— Тэ мый сэтшөм рад?— юалис Макарова.

— Сетö!.. Меным сетö... Ачыс вöзйис!..

— Коді? Мый сетö?— серөктис Макарова.

— Марпида Прокопьевна Милочкасö меным ачыс вöзйис. Менам группаö,— ошйысис Настя.

— Бур... Дерт, оз кут пыр ас дінас видзны.

— Ещö шуис: кута пö воливлыны отсасьны... Меным пö өд гортад нинөм жö вöчнысö. А ме сылы кута отсасьны. Вот и мöдам ми ськөд öтвылысь и куканьясöс быдтыны, и мөсьясöс дөзьöритны. Позяс тадзисö, Надя?

— Мыйла оз? Ме чайта — позяс...

«Эк, Настук, Настук!— думыштис Надя.— Тэныд дзик на нинөм йылысь шогсынысö, аслад куканьяс вöсна кындзи. Но өд и тэнад воас кад, кор войясыс оз мөдны узьсыны. И кутан сэки тэ думайтны мөд морт йылысь, гашкө весиг страдайтны, көть эськө и олöмыс тэ гөгөр лоö мичасьыс-мича. Сэтшөм нин, тыдалö, олöмыс. Гаж и шог — ставыс öтлаын».

Збылысь позис чайтны: татшөм думъясыс Настя-лөн абуөсь на. Сійөн сійö и мунис кокниа, быттьö чеччалігтыр. Но — дыр-ö кежлö тайö? Оз-ö и сылөн матысмы тайö кадыс?

Надя унаысь нин думыштливліс, мый быд морт-лөн, көнкө, овливлө сэтшөм здук, кор сійö став сьö-лөмнас, аслас став пытшкөсөн радлө мыйкө ыджыд буртор вöчөмысь. И свет вылын этша сэтшөм мортыс, коді эськө эз көсйы вöчны бурторсö, көть нин, шуам, аслас челядылы. Ачыс Надя аслас том вежөрөн гөгөр-воліс, мый сылы, төдөмысь, ёна на ылын сьöдз, медым думайтны татшөм ыджыд бурсö вöчөм йылысь. Но кызди эськө позис овны тайö мечтатөгыс? Чусавны уль сартас моз, и — ставыс? Та вöсна вöлі гөгөрвоана Настя. Дерт, абу нин быттьөкө зэв ыджыдтор Марпа-лөн ськөд бурасьöмыс, но өд и таын тыдалис нывлөн киподтуйыс, морт сямыс.

Ачыс Надя кӧсийс ӧтитор: мед сылысь уджсӧ аддзасны да бурыйс донъяласны колхозникъяс. Макарова ньӧти эз кӧсийы лоны омӧльджыкӧн уна сӧ да сюрс том нывъясысь да зонъясысь, кодъяс ӧнӧ локталӧсны фермаясӧ, пырисны уджавны заводъясӧ, муналӧсны Войвылӧ. Быдӧн ас местаас вӧчӧ ассыс удж, и быдӧн лӧн уджыс колана да дона.

Та йылысь думайтӧ ӧнӧ Надя, Настякӧд орччӧн восьлалӧ да Вассакӧд неважӧнся сӧрнисӧ казтывлӧг. Мыйкӧ найӧ Вассакӧд век жӧ эз вайӧдны помӧдз, дай Василӧклӧн мыйкӧ уна на вӧлӧ гӧгӧрвотӧмторйыс. Тыдалӧ, тайӧс ставсӧ гӧгӧрвоны Надялӧн и вежӧрыс эз на тырмы.

Кӧжъямысӧд глава

КОЛХОЗНӧЙ ПРАЗДНИК

Колхознӧй клуб стрӧитӧм воис эштан выйӧдз. Сылӧн паськыд ӧшиньясыс, выль тӧскӧн вевттьӧм ӧсь йыла вевтыс, уль сир дукӧн ӧвтысь стенъясыс синмӧ шыбитчисны быдӧнлы, кодӧ прӧйдитлӧс Ягвыв пыр.

Клуб восьтыны шуисны Октябрьскӧй праздник дырйи. Кадыс сыӧдз коли этша нин, та вӧсна том йӧз быд вежон вӧчлӧсны субботникъяс. Плӧтникъяслы отсӧг вылӧ мукӧд лунъясӧ воывлӧсны и полеводческӧй бригадаын уджалысь том йӧз. Василий Васильевич кызкӧ лышкыдмис: ачыс сетавлӧс нарядъяс бригадиръяслы — лун-мӧд кежлӧ ыстывны клуб стрӧитанӧ вит-кварт том мортӧс. Председатель торйӧдӧс культфондысь и денга мебель да занавесъяс ньӧбӧм вылӧ.

— Зильджыка, том йӧз, зильджыка, — тӧрмӧдлӧс том йӧзӧс и Ефим Иванович, кодӧ воывлӧс быд субботник вылӧ. — Вӧчам клубнымӧс район пасьяын медся мичаӧн. Мед орчча сиктъясын завидьтыны кутасны. Мед любӧй невеста районысь эз ӧткажитчы Ягвывса жӧникъясысь...

— Миянӧс нӧ кытчӧ кӧсьяд воштыны? — серӧктӧс Надя. — Эндӧм нывъясӧн кольны?

— Но, тӧ, шуам, он на эндӧй! — гажаа вочавидзис Гилев, и сылӧн чужӧмыс лоис ещӧ долыд. — Татшӧм невестаяс оз эндывны. Ми ог лӧдзӧй. Сэтшӧм колхознӧй свадьбаяс выль клубаным мӧдам вӧчавны!

Том йёзёс тэрмөдлыны эз ков. Матысмис төв, ков-мис думыштлыны: кызди да көні коллявны төвся кузьярыгыяс.

Субботникьяс вылө волювліс и Васса. Сійө уджаліс фермаын — видзис порсыясөс. Дарьяёс век жө вештісны удж вывсыс, сы местаө пуктісны Викторёс. Васса лон сылөн отсасысьөн.

Фермаө локтөм бөрын Василёклөн сідзи и эз быр синьяссыс шогыс. Ныв быд ног зіліс не петкөдлыны сійөс. Васса мыйкө ёна гусьөн видзис йёзысь, аслас пөдругаясысь. Надя унаысь панліс Василёккөд ас кост сёрни өтитор-мөдтор йылысь, но Васса эз восты ассыс сёлөм дейсө.

Быдөн гөгөрвоисны: Жора вөчис ыджыд дой Вассалы, и Жора йылысь некод эз панлы сёрни Василёк дырйи, быттьө сійө эз и волю сиктаныс. Надя казяліс, кызди Ванюша Зюзев видзөдлывліс Василёк вылө, корсюрө сьөкыда ышловзыліс, и мыйөн казявліс Надялысь сы вылө видзөдөмсө, бокө вештывліс синьяссө. Васса быттьө эз казявлы тайөс. «Збыльысь оз радейт, али яндысьө Ванюшаысь?» — думайтлывліс Надя, коді сёлөмсянныс көсйис Вассалы шуд. Та вөсна сійө пөдтыліс ныв дінө вежөгтан чувствосө, көть и сёлөмыс доймис: быттьө сылысь мырддисны мыйкө зэв донатор.

Өти рытө Ванюша пырис фермаса гөрд пельөсө. Надя вөлі өтнас. Зон кыв шутөг пуксис нывлы воча, кутіс видзөдны, кызди Надя мыйкө гижаліс аслас тетрадьө. Ныв лэптыліс синьяссө, и сёлөмыс ёкмуні: Ванюша көсйис сылы мыйкө висьтавны либө юавны.

— Надя! — сьөкыда ышловзьюм бөрын полігтыр заводитіс Ванюша. — Мый вөчсьө Василёкыскөд?

— Василёккөд? — быттьө эз гөгөрво Надя. — Менинөм өг казявлы. Уджавны со босьтчис. Мамыс зэв рад. Ошкө: төлквыв лө заводитіс пуксьыны.

— Ме ог сы йылысь... Шогсьө век мыйкө. Збыльөмөй налөн Жораяскөд мыйкө ыджыдтор вөлі?

Став сертиыс төдчис: Ванюшалы зэв сьөкыд та йылысь сёрнитны.

— Меним нинөм эз висьтавлы. Кызди ме верма төдны, ачыс кө оз висьтав? А тэ, — нюммуніс Надя, — ачыл юав.

— Эн серав, Надя. Ме збыльсь юала. Сьёкыд меным видзодны Василёк вылө. Заводитлі ськөд сёрнитны, а сійө сөмын сералө. И ме аддза: серамыс сьлөн тешкодь. Быттьө мырдысьөн сералө.

«Эк, Ванюша! Ванюша!— курыда думыштис Надя.— Аддза: радейтан тэ Василёксө. Но — мыйөн ме верма отсавны? И — отсала-ө?»

Сідзи нинөм и эз гөгөрво сійө Ванюша волөмысь: пукаліс ещө недыр, шуис гоз-мөд кыв, и надзөник муніс.

«Но и мед!— ас вылас нин скөраліс Надя.— Некор меным ёна та йылысь думайтны».

Тайө вөлі збыль: фермаса уджъяс да клуб эштөдөм вөсна төждысьөм босьтлісны Надялысь став кадсө, вынсө. Дарьяөс вештөм бөрын фермаын лоис кокныдджык. Оні эз ков повны быд воськолын. Анна Андреевна да Марпа тьотка лоисны сьлөн первой отсасысьясөн.

Шензис Надя и Виктор вылө. Судзөдөма кыськө книгаяс порсь видзөм йылысь, вердө аслас рационъяс серти, стөча индөм часъясө. Вот и художник! Быттьө чэмсө порсьясөс видзөма. И аддзө на кад гижны клублы лозунгъяс, плакатъяс. Отчыд Надя бокусянь видзөдіс, кызди Виктор велөдіс Вассаөс.

— Да эн пов тэ, Василёк, эн пов!— меліа шуаліс зон.— Найө оз курччыны. Видзөд, кызди колө.— Виктор локтіс ыджыд ай порсь дінө, заводитіс гыжъявны сылысь пель сайсө. Дас пудъя порсь гоз-мөдысь ружкөстіс, нюжөдчис Виктор кок дінө.— Ноко, лок тэ тшөтш!

— Ой, ог лысьт!— бөрынтьчис ныв.

— Кор муна велөдчыны, став порсьясыс тэныд колясны. Сэк видзөдла, мый кутан вөчны!

— Збыль, Виктор? Велөдчыны көсьян мунны?— юаліс ныв.

Зон ладмис. Сьлөн, тыдалө, тайө кывъясыс шусисны виччысьтөг.

— Ог на төд,— коса вочавидзис зон.— Василий Васильевич тай шуө: колө пө ассьыным колхознөй механикөс велөдны. Локтан во пө кутам МТС-лысь тракторъяс ньөбавны. Мукөд колхозъяс ньөбөмаөсьнин.

Надя эз кут кывзыны водзё налысь сёрнисё. Велодчыны мунём йылысь Викторлөн кывъясыс эз воны сёлём вылас: пыр на думайтё колхозысь мунём йылысь. Модарсянь кө, мый тані и шензянаыс? Виктор оз кут нэм чөжыс порсыас видзны. А колхозлы регыд ковмасны аслас механикъяс. Василий Васильевич со висьталіс, мый локтан во колхоз заводитас стрөитны электростанция. Сідзкё, ковмасны электромеханикъяс, монтеръяс. Бур сійё, мый Виктор өти-мөдлы петкөдліс: том йёз вермёны да кужёны вөчны колхозын быд удж.

Надя ас кежсыс унаысь думайтывліс, мый сетіс сылы колхозной фермаын тайё некымын төлысса уджыс? Пөжалуй, медся ыджыдторйыс лои сійё, мый велаліс сибөдчыны йёз дінө. Оні Надя эз пов сёрнитны тыр гөлөсөн быдөнкөд, кыліс ассыс право тшөктыны йёзлы, корны, мый колё правлениелысь. Оз өмөй быдөн моз сійё асыводзьясын пет удж вылө, төждысь артельной овмөс вөсна, пукты став вынсө сы ради? Төрыт на Василий Васильевич, кор Надя сылысь кутіс корны дояркаяслы выль халатъяс, ошкис.

— О-о, Надежда Егоровна!— нюжөдіс колхозса председатель да ворсыштис синъяснас.— Тадзи и колё. А ещө шуан вөлі: оз пө артмы нинём. Ми тэкөд уджалыштам на! Сетам, сетам, Надежда Егоровна! Көсья вөлі сёрнитыштыны, кодъясөс кутам премируйтны праздник дырйи. Ме ногөн, Анна Андреевнаөс, Марпида Прокопьевнаөс, тиянлысь том йёзнытө. Но— кодъясөс?

Надя велаліс нин Егоровнаөн ыдждөдлөмас, но век жө гөрдөдывліс, кор шулісны тадзи.

— Ме ногөн, колё пасйыны и строительясөс,— содтис Надя.— Найё зіля уджалісны. Сэсса, колё премируйтны и полеводческой бригадаясысь кодсюрөөс.

Председатель сюся видзөдліс ныв вылө, сөглазитчис:

— Ладнө... Вөчам мыйсюрө. Тавося праздникис миян кык судта: тырө кызь вит во, кызди котыртчис колхозным. Ме ногөн, колё пасйыны тайөс. Партбюро вылын ми сёрнитім нин. Кутам ыдждөдлыны найөс, кодъяс первойясөн пырисны колхозө. И ме зэв рад, мый на лыдын и тэнад батыд да мамыд. Тэ со ачылд чужлін колхозын нин, и праздник дырйиыс кутан су-

лавны орччөн накөд, кодъяс кок йылө сувтөдісны мян-
лысь овмөснымөс. А мыйта на өд сэки кодсюрөлөн
синваыс киссьыліс... Тайөс гөгөрвоны колө, Егоровна!
Став сьөлөмсяньыд гөгөрвоны...

— Гөгөрвоа, Василий Васильевич.

Надя помнитө, кызди некымын во сайын грездын
пасйисны колхозныслысь кутшөмкө юбилей. Бурасө сійө
оз нин төд: ичөт на вөлі. Но син водзас өнөдз сулалісны
батыс да мамыс, кызди найө локтісны рыгнас кол-
хозной собрание вылысь. Кыкнанныс радөсь, варо-
вөсь. Тайө рыт йывсьыс найө казтывлісны вель дыр.
Батыс сы бөрын унаысь шулывліс: «Помнитан, соб-
рание вылад, кор мянөс премируйтісны...»

Гашкө и сійөс, Надяөс, репыд мысти кутасны ыдж-
дөдлыны уна йөз водзын? Заслужитіс-ө ыдждөдлөм-
сө? Этша на өд вөчис колхозлы.

И вот воис лун, кор выль клубө первойысь кутісны
чукөртчыны йөз. Асывводзсяньыс кын му вылө уси
лым, еджыд эшкынөн вевтгис став мусө. Сиктыс кыз-
кө лоис мичаджык, вильмис, быттьө и ывлаыс виччы-
сис гажа праздниксө. Лунсяньыс уналаын өшалісны
гөрд флагъяс. А клуб дінті туй весьтсө вомөналіс ку-
мач плакат. «Виччысям, дона гөстьяс!»— гижөма вөлі
сы вылө гырысь еджыд шыпасъясөн.

Мыйөн пемдіс, выль клубын өзйисны бияс. Мед
тайө эз вөвны югыд электрической бияс. Қоркө и Яг-
вывса колхозын лоасны Ильичлөн лампочкаяс. Но
тайө биясыс чуксалісны йөзөс, кыскисны ыджыд
праздник вылө.

Фойеын да залын шыалісны йөз. Унаөн видзөдіс-
ны комсомолецъясөн лэдзөм сатирической стенгазета,
видлалісны выль журналъяс, первойысь на кывзісны
радио. Приёмниксө клублы пөдаритіс сельпо. Радио-
лөн шы разаліс клуб пасьтала, и тайө, пөжалуй, вөлі
мөд ыджыд выльторйөн сиктын тайө рытас.

Надя Макарова быттьө бордъяс вылын лөбаліс
выль клубөд. Сылы ёна сюрис котравны тайө луньяс-
ас, но эз кыв некутшөм мудзөм. Позьө өмөй мудзны,
кор комсомольской организациялөн төждысянторйыс
лоис йөз син водзын!

Кажитчис, мый клубө воисны грездысь быдөн, гы-
рысь и посни,— сы мында вөлі йөзыс. И быд синмын —
ыджыд гаж, торъя нин том йөзлөн. Вералісны чывь-

яслөн мича платтёяс. Кор сёмын удитёмаось вурны сы мында шёвк платтёяессо! Тёдёмьсы, тайё лунъясас сельпо магазинлөн полкаясыс тёдчымён тыртёммисны. Со тшапа прёйдитис Настя, виж рёма платтёя. Ачыс Надя вёлі съёдовгёрд рёма кашемир платтёя — выль жё. Абу нин мамыс деньга вылө ньёбём, а аслас нажёвитём. Зонъяс, унаён выль костюмаось жё, сулалісны фойеын чукёрын, веськодя видзёдісны бобувьяс моз лэбалысь нывьяс вылө.

Вот пырис и Ванюша Зюзев, гёгөр видзёдіс, бытё синнас корсис кодёскё. «Василёкёс виччысьё», — шога думыштис Надя. Но мыйла та дыра абу Вассасыс? Сыкөд Надя луннас на сёрнитис, и Васса первойсё шуис: ог пё лок.

— Мыйла? — юаліс Надя.

— Мый ме сэні кута вёчны? Видзёдны, кызди премияс кутасны тіянлы сетапны?

— Мый тэ! — шензьяштис Надя. — Быть колё волыны. Он кө лок — Ванюшаыд шогсыны кутас.

— Ванюша? — эскытёма юаліс ныв. — Ог ме ковсымы татшөмыд.

— Мый тэ сёран? Кутшөм?

Васса нинём эз вочавидз, вештис синъяссё бокё. И Надя казяліс, кызди Вассалөн доршасис синваыс.

— Но, локтан? — меліа нин юаліс Надя.

— Ог төд. Гашкё и вола регыдик кежлө.

— Волы, Василёк. Он кө — миянөс зэв ёна ёбидитан...

Надя ёні котөрөн петаліс кильчө вылөдз. Василёк некөн эз тыдав. Ныв юаліс Анна Андреевналысь:

— Василёкыд мый, оз лок?

— Лёсьёдчө вёлі. Тэ пё мун, а ме локта бёрынджык.

Надя лёсьёдчис нин котөртлыны Васса дінөдз либё кодёскё ыстывны, но сэки сійёс корис Василий Васильевич.

— Позяс заводитны, том йёз? — гажаа юаліс сійё. Кызди и быдён, колхозса председатель вёлі долыд. Сылөн морёс вылас дзирдалісны став орденъясыс да медальясыс.

— Тіян делө, — нюммуніс ныв. — Йёзыс тай со тырыс нин.

Торжественнӧй собрание воссис. Василий Васильевич заводитіс доклад.

Надя омӧля гӧгӧрвоис, мый йылысь висьтавліс докладчик, кӧть и лукаліс президиумын. Син улас нывлы усьлі Марпа тьӧт, коді вӧлі воддза радын. Пӧрысь нывбаба кывзіс вомсӧ паськӧдӧмӧн, корсюрӧ довкиӧдлыштліс юрнас. Бӧръя радын тыдаліс и Дарья Максимова. Сійӧ частӧ копытчывліс орчӧн лукалысь ас арлыдаыс кымын нывбабаланы, мыйкӧ сылы висьтавліс. Нывбаба довкиӧдліс жӧ юрнас. «Локтӧма жӧ,— Дарья йылысь думыштіс Надя,— аски бара суклясьыштас».

Надялӧн думъясыс бергалісны Васса гӧгӧр. Мыйла сійӧ эз лок? Кызди татшӧм рытнас сылӧн пукавсьӧ гортас? Ныв сьӧлӧмнас Надя гӧгӧрвоис: пӧдругаыс сӧрмис кутшӧмкӧ ыджыд помка вӧсна. Макарова синнас корсис Анна Андреевнаӧс. Сійӧ эз жӧ ӧшйы места вылас, унаысь видзӧдлывліс ӧдзӧслань, виччысис нывсӧ.

Омӧля помнитӧ Надя и сійӧс, кызди петаліс трибуна дорӧ, кӧні Василий Васильевич сетіс сылы премия — платтьӧ дӧра. «Мыйла тайӧ? Мыйла меным?» — визьнитіс нывлӧн юрас.

Кор нин ставыс помасис да йӧз сувталісны, Надя корсис Ванюшаӧс, кежӧдіс сійӧс бокӧ.

— Кӧні Васса? — юаліс ныв. — Мыйла сійӧ абу?

— Гашкӧ, тэ тӧдан! — чужӧмсӧ кӧрліс зон...

Васса лукаліс гортас. Важӧн нин пӧрччис платтьӧсӧ, кодӧс пасьтавліс мамыс дырйи. Гыррдза вылас лэдзчысьӧмӧн да чужӧмсӧ ки пыдӧсьяс костас топӧдӧмӧн, сійӧ куткырвидзис пемыдас, думайтіс. Талун сылы карса тӧдсаяссянь воис письмӧ. Сэні гижисны, мый Жораӧс карӧ воӧмӧн тшӧтш корӧмаӧсь милицияӧ, пыр жӧ арестуйтӧмаӧсь. Неважӧн вӧлӧма суд: пуксьӧдӧмаӧсь кык во кежлӧ. Письмӧысь стӧча оз позь вӧлі гӧгӧрвоны — мыйысь, но строкаяс костсыс Васса век жӧ лыддис да гӧгӧрвоис. Сэні висьтавсис: Жора аслас другъяскӧд гожӧмнас на вӧчӧма кутшӧмкӧ мыж, сӧсся пышйылӧма карысь. «Мый ӧні вӧчны?» — думайтіс ныв ас йывсьыс.

Дырӧн сӧсся решитчис. Тэрыба пасьтасис, петіс керкасыс. Но эз клубланы котӧрт, а дзик мӧдарӧ.

«Мый лоны — мед лоас», — котөртгмозыс думайтис ныв.

Сикт кывтыд помын оліс пөрысь Öпрөсь баб. Коркө том дырйиыс сійө прөскурнявлөма, ветлывлөма манастырьясө. Но бөрья кадас Öпрөсь баб аслас вержынтчөм важ керкаын вөчөма мыйкө рака поз код-өс: лыддьө молитваяс, вөтлө шеваяс, турунъясөн да аслас лекарствоясөн лечиталө висьсысьясөс. Пөрысь баб дорө бөрья воясө йөз воывлісны лунысь-лун этшаджык, но сылы век на жө удайтчыліс ылөдны код-сюрөөс. Васса кывліс, мый Öпрөсь баб кужө мездыны «грекысь» и нывъясөс. Вот тайө баб дорас и котөртис ныв, кор сылы кутіс кажитчыны, мый воис олөмыслөн пом. Чайтис, мый быд морт нин төдө сылысь мыжсө, гусьөникөн сералө сы вылын.

Полігтыр матыстчис Васса тайө повзьөдчысь код-сьөд керка дінас. Гөгөр шы ни төв. Сөмын көнкө ылын кылө увтчис өтка пон. Эз весиг увтчы, а нюжйөдлөмөн омляліс. Вассалы лоис шуштөм. Көсийс нин бергөдчыны да уськөдчыны мам кок улас, бөрдөмөн висьтавыны ставсө, но мыйкө дыра сулалыштис места вылас да вөчис воськов повзьөдчысь керкалань.

Игөдчыштис кильчө өдзөс вугйөн. Некодз оз позь вөлі чайтны, мый тайө керкашояс, кодөс важөн нин колө быд боксянь пыклыны киссьөмысь, вермас овны морт. Васса төдіс Öпрөсь бабөс: сыөн өд уна мам на повзьөдлөны ассыныс челядьсө. Öні сійө кыліс, кызди тіралісны аслас кокъясыс. И шыөдчис кө кодкө друг, то, дерт, ныв эз вермы эськө шуны кыв, а повзьөмысла шуксис места вылас.

«Гашкө, нинөм и абу? — думыштис Васса. — Гашкө, колө петкөдчывыны врачлы?» Но пыр жө вөтліс тайө думсө: больничад кө мунап — та йылысь кутасны төдны быдөн, а тани, Öпрөсь баб кындзи, некод оз төдлы.

Мөдысь да коймөдысь игөдчыштөм бөрын кылө вөссьыштис керка өдзөс.

— Код крещенөй сэні? — пыскыльтис пөрысь баб.

— Ме, бабө... Восьтив здук кежлө...

Керка пытшкысь өвтіс кутшөмкө лөдөм дук. Васса кайис пемыд посводзө, воськовтіс порог вомөн. Первой, мый нывлы уси син улас — енув пельөсын чусалысь лампадка. Нэриник би югөр водзын повзьөд-

чанаа югъялісны өбразъяс. Ставыс вöлі шуштöм да гажтöм, кöть бөр бергöдчы да садьтöгыд котöрт.

— Пыр, бобув, пыр,— кималаснас нывлы туй индиг вашкөдис баб.— Вунөдисны тай пöрысь бабтö, некод эз кут воывлыны. А мыйта бурсö йöзыслы ме вöчлі! Кутшöм могөн нин, бобув, ме ордöсö? Эн пов, висътав. Ставным матушка-богородица син водзын олам, быд грекыс вермас суны. Ок, грекъяс мян, грекъяс!

Баб ыджыда пернапасасис өбразъяс вылö, босьтис киöдыс нылöс, кыскис пызан дорö.

— Виччыся нин вöлі тэнö, бобув: енмыд öд ставсö тöдö да меным висътавлö. Тыдалö, молитваясыс менам тырмöны на. Эн шогсы, бобув, ставсö бура вöчам...

Баб ветліс кытчökö кывтö, мыйкö вайис да пуктис пызан вылö.

— Гөгөрвоа ме ставсö, бобув, гөгөрвоа. Öпрөссяйд быдтор тöдö да аддзö,— нюжйөдлөмөн шуалис баб.— Мед сәни клубаныд йөктöны, антикристöс тешитöны. А молитваыд да пернапасыд пыр на медся вына. Вöчам, бобув, ставсö вöчам, эн пов. Кодлөн кöть лоансö?

— Öньö Анналөн...— муртса кывмөн вашнитис ныв.

— Öньö Анналөн?— нюжөдис баб.— Вунөдис жö ентö, сийөн енмыд тэ вылö и гректö ыстис. Ставсö вöчам, эн пов. Меным на пасибö коркö шуан...

Васса омöля помнитö, мый вöлі водзö. Öпрöсь баб висътавліс на унатор, бергаліс сы гөгөр, мыйöнкö юкталис, мыйкö вöчис. Тыдалö, баблөн кань синъясыс аддзисны весиг пемыдас. Вассалы дум вылас усьліны нывъяс. Майбыръяс! Гажөдчöны да йөктöны öні клубын, и оз тöдны весиг, мый вöчсьö пöдруганыскöд, кöні сийö, код ордын. Думсьыс Васса ёрис сийö лунсö, кор тöдмасис Жоракөд, кутис эскыны сылөн юмов сёрнилы. Ок, мый эськө öні Васса эз сет, медым бөр бергöдны став важсö, тувсовъя гажа рытсö, кор найö Ванюшакөд öтлаын локтисны гортаныс выпускной вечер вылысь... Коньөр Ванюша! Сийö эз лысьтлы Вассаөс весиг сой пöлөдыс кутыштлыны...

...Сэк кості клубын гаж муніс водзö. Залысь вешталісны скамьяяс. Баян шы улö паськыд залын кутисны бергавны том йөз. Олөмаджыкъяс мыйкö дыра сулалісны на стен бокъясын, нимкодясисны асланыс

нывъяс да пиян вылө, сэсса кутисны разөдчавны. Тайө йөктигкостис Надялөн вунли ставыс, весиг Васса вөсна төждысьөмыс. Сийө эз и төдлы, кор тэрмасьөмөн мунис гортас Анна Андреевна. Но недыр мысти Анна тьөт бөр воис, чукөстис сийөс йөктысьяс пиысь, шуис:

— Наденька! Васса абу гортын...

Пөрысь нывбабалөн синъясас тыдалис шөйөвошөм.

— Абу гортын? Көни нө?— повзис тшөтш Надя.

— Ог төд... Платтьөыс, кодөс рытнас пасьтавлис клубө локны,— гортын, а ачыс абу...

— Виччысьлы менө, Анна тьөт... Ме дзик пыр...— пальтоысла котөртис ныв.

— Кытчө?— уськөдчис сы динө Зюзев, коді аддзылис, кыдзи Анна тьөт да Надя мыйкө йылысь вашкөдчыштисны.

— Мунам мекөд, Ванюша,— Зюзевөс тэрмөдлис ныв.— Васса эз лок вечер вылө. Гортас лө абу жө...

Надя казялис, кыдзи бледөдис зон, сэсса котөртис паськөмысла жө.

— Надя! Кытчө?— горзис Настя, но Макарова весиг эз бергөдчыв.

— Ме дзик пыр...

Куимөн тэрмасьөмөн мөдөдчисны сикт кузя.

«Кытчө сийө вермис вошны?— думайтис Надя. Сийө жалитис нин, мыйла водзджык эз ветлы Васса ордө, эз вайөд сийөс клубө.— Йөй ныв! Гажа празник лунө шог вөчө. Вот ме сылы петкөдла, мыйөн аддза...»

Б Ö Р Ъ Я Г Л А В А

ЛОКТӨНЫ ТУРИЯС

Кадыд босьтө ассыс. Сылысь мунөмсө он сувтөд ни он надзмөд. Колис зөра ар, көдзыд төв, воис тулыс. Кымын вильтор, мыйта вежсьөмъяс дженъыдик кадколастөн Ягвылын!

Сикт весьтын ворсө да югъялө тувсовъя мича, гажа лун. Вылын дзирдалө син өрмөнъя яр шонді. Некөн нин абу лым чир. Ывлаө петөмаөсь курөгъяс, ыджыд гөрд петук бөрся важнөя ветлөдлөны өтарө-мөдарө. Тулыс! Гөгөр ставыс ловзьө! Ичөтик Ягью мездысьө-

ма йиысь, быгъя ванас кырлөдлө берег дор. Ваыс дзик сёй рөма, гудыр. Тыдалө, абу нин этша жуглөма кыркөтшъяссө. Ю шөрти кывтөны лөп чукөръяс, уна вожа бадьяс, чурвидзысь кос увъяса пуяс.

Ва дор пөлөн котөртө ичөтик детинка. Гашкө сійө, коді кольөм арын котөртөдіс Василёклы Жорасянь письмөсө. Ачыс горзө:

— Турияс локтөны! Турияс!

Детинка дөрөм кежсыс, ыджыд сапөга, и сапөгыс шлопьялө котөртигас.

— Көні? Кутшөм турияс?— юалө сылысь беринөсь чужөма сэтшөм жө детинка.

— Со тай! Он мөй аддзы?

Ыджыд сапөга детинка видзөдө кытчөкө вөртас сайө, индө кинас.

Збылысь, вөртас весьтын тыдалө сьөд чут. Сійө өтарө матысмө.

— Мый? Абу турияс?— радлө ыджыд сапөга детинка.— Со кымынөн! Öти, кык, куим...

— Дасөн,— нырсө гудйиг, ыджыд морт моз вочавидзө сылы мөд детинкаыс.

— Дасөн!— нерө сійөс воддзаыс.— Найө гозьясөн мунөны и локтөны. Вит гоз! Тайөс на весиг он төд!

Детинкаяс котөрөн кайөны кыр паныд, уськөдчөны сиктлань.

— Турияс локтөны! Турияс!— горзөны найө мый вынсыныс, и курөгъяс повзёны тайө горзөмсыс, котөртөны потшөс бокө.

Сьөдлөз енэж вылө, тулыс воём вылө видзөдө и Василёк. Сійө петөма керкасыс, пуксьөма асланыс кильчө пос вылө. Ныв ёна вежсьөма: синьясыс вөйөмаось, чужөмыс — мугов рөма, весиг нырыс лөма кузьджык. Важся ыджыд шальсө пельпом вылас плавгөмөн сійө гажтөма пукалө өгнас, мудз синьяснас видзөдө өшинь увти котралысь курөгъяс вылө.

Нинөм оз гажөд нылөс: ни меліа югьялысь шондіыс, ни улича кузя котралысь челядь, ни турияс, кодьяс бөр воёны асланыс чужанінө. Прав вөлөма Ванюша турияс йывсьыд. «Василиса-Прекрасная!»— курыда нюммуніс Василёк. Мый вермас лоны сысыс тешкодджыкыс! А, гашкө, сійө и збылысь өнөдз на пыр көсийис лоны кызкө аслысног бурөн, пөдругаясыс серти бурджыкөн?

Кымын дум, мыйта шог сылы вайис кольём төлыс. Лыддьодлыны кө найос, юрсиыд оз тырмы. Коді ку- жас пыравны сы сьолөмө, видзөдлыны, мый сәні вөч- сис? Но өні ставлы пом: йөйталөмъясыслы, ылалөмъ- ясыслы.

Син водзас вуджөр моз сувтлывліс Жора. Кыдзи, вөлөм, мича кывъясөн вермө вевттысьсны морт, сайөд- ны асьыс мисьтөм сьолөмсө! Дай эм-ө сьолөмыс сә- тшөм йөзыслөн?

Асьсө дорысь ёнджыка ныв жалитіс мамсө. Васи- лёк адзис, кутшөма пөрысьмис сійө кольём төвнас, вой-вой ышлолаліс ас кежсьыс, водзысь-водз мунліс удж вылө, быттьө пышйивліс нывсьыс. Коркө өд ма- мыс керка помысь эз петавлыв Вассаос малышттөг, мелі кыв сылы шутөг. И өні мамыслөн кывъясыс мелі- өсь, но найө дойдалөны Вассалысь сьолөмсө. Сылы окота шуны: «Муса мамукөй менам! Вид, янөд менө, йөй нылөс, бур йөз водзас. Но эн ви аслад көритан синъясөн! Ме абу на сәтшөм омөль да шогмытөм! Кузь төлыс, пемыд войясыс унаторйө велөдісны менө».

Пөжалуй, сөмын сәні, больничачын куйлігөн, Васса первойысь гөгөрвоис өти ыджыдтор: бур другъяс да пөдругаяс медся донаөсь олөмад. Сьөдз сійө чайтліс: олөмад медся дона ачyd. Но вот, сійө колис өтнас. Коді сәки сылы отсаліс, сетіс сьолөм? Аслас бур пөд- ругаясыс. Найө кутісны воливлыны сы дінө, ваявны гөснечьяс, отсавны сьөкыд здукъясө. Мый эськө ськөд лоис, эз кө вөвны тайө бур ёртъясыс? Васса оз вунөд, кыдзи сійө локтіс Ёпрөсь баб ордысь шатлалігтырйи, муртса пөрччысис да уськөдчис крөвать вылө. Юрыс бергөдчис, эз вөв вын весиг сойяссө кыпөдны. Сәсся котөрөн воисны мамыс да Надя.

— Көні вөлін? Кыті висьө?— кутісны юасьны сы- лысь. Вөлөмкө, мамыс волөма нин гортас да бөр ко- тортөма клубө.

Васса нинөм эз висьтав, шуис сөмын: «Юр вись- мис да улича кузя прөйдитышти». Но сійө адзис — мамыс эз эскы сылы.

Аскинас Васса прамөя висьмис, быть ковмис мун- ны больничаө, лечитчыны да бурдөдчыны сәні төвбыд.

Өні Васса эз жалит Жораос, а ёрис став сьолөм- нас. Ёрис сыысь, мый няйтө таляліс сылысь олөмсө, пежаліс ставсө, мый вөлі сьолөмас сөстөмыс да мича-

ыс. Больничаясь петём бөрүн на Васса эз лок гортас, оліс сиктын, вежаньыс ордын.

Майбыръяс Надяяс! Найо быд лун, юрнысө вылын кутөмөн, мунёны удж вылө. Налы некодысь да нинёмысь яндысьны. На бөрся оз вөтлысь мамъясныслөн дивитан да көритан син. О, тайо көритан синъясыс Вассалы унатор казтылөны!

Сэсся Васса казтыштіс Ванюша Зюзевөс. Кутшөма сылы сёлөм вылас волісны Ванюшалөн раминик руд синъясыс. Кызди полігтыр сійо первойысь локтіс больничао, важиник руд кепкасө кияс куснялігтыр матыстчис Васса койка дінө, бура дыр эз вермы шуны кыв. Чөв ланьтөмөн сійо пуктіс Васса юр водзө неыджыд ёкмыль. Муса Ванюша! Мыйла ме тэнө омөля гөгөрволі, эг казаявлы небыд сёлөмтө тэнсьыд? Öні эськө Васса, позьө кө вөлі, сёлөмсө перйис морөссьыс да сетіс Ванюшалы. Но, босьтас-ө сійо? «Ачым ставсьыс мыжа,— думайтө Васса.— Сөмын ачым».

Мый сійо вөчис асьыс кызь вося олөмсө вуджигөн? Нинөм. Кызди шуласны: ставыс водзын!

Фермаысь локтіс мамыс. Сійо ылісянь нюмъөвтис нылыслы, кежаліс курөгъяс дінө, варовитыштіс накөд, матыстчис кильчө дінө.

— Надяяс талун воисны,— ошйысьөмөн моз висьталіс сійо нылыслы.— Көсйисны рытнас тэ ордө пыравны. Зэв уна вьлтор вайөмаось. Премияяс уна сетөмаось.

Васса төдіс: фермаса нывъяс вөйдөрлун мунісны районө, том животноводъяслөн слёт вылө. Надя дерт нин öні медся почётной мортыс районын.

Мамыс бөрся Васса пырис керкао, шөйтыштіс недыр өтарө-мөдарө, заводитіс пасьтасыны.

— Тэ кытчө?— юаліс мамыс.

— Лэччыла Надя дінө... Ог кут виччысьны, мед асьныс татчө локтасыны.

Мамыс синъясысь Васса бөръя кадас первойысь аддзис рад бияслысь югнитөм. Тыдалө, сылы эз кокныыда шед асьсө лөня кутөмыс. Но, лөня-ө? Гашкө, мамлөн морөс пытшкын ыпьяліс би, но сійо кужис дзебны тайо бисө, не петкөдлыны нылыслы, виччысис, кор нылыс ачыс гөгөрвоас ставсө. И Васса эз вермы терпитны, уськөдчис мамыслы морөс вылас, бөрддзис.

— Нинөм, нылук, нинөм!— бурөдіс сійөс мамыс, мелі кияснас малаліс нылыслысь юрсө, окаліс чужөм-сө.— Быдторйыс тай морт вывтід мунлө. Эн пов: мам сьөлөм ставсө прөститас. Гашкө, и ачым тшөтш мыжа... Мун, лэччыв нывъясыс дінө. Ме тэнө суода... Пөлинө, Виктор мунө курс вылө Сыктивкарө. Механикө велөдчыны.

— Виктор?— чуймис Васса.

Муса Виктор! Тэ көсйылін лоны художникөн. Тыдалө, сэтчаньөдз туйыс кузджык да сьөкыдджык миян чайтлөм серти. Мед! Гашкө, тадзи и колө лоны.

Васса видзөдліс камод вылын сулалысь аслас портрет вылө. Сійөс школаын велөдчигөн на рисуйтліс Виктор. Неважөн, больничачын куйлігөн, ачыс вайис сылы.

«Муса Василёклы сийө став бурөсө сьлөн бур ёрт да друг. Виччысям ас дінө. Мед и водзө орччөн мунны миян гажа олөмын. Виктор»,— гижөма карточка улас. Кызди кужөма рисуйтны Виктор сылысь чужөмсө: асныра, гордөй, кывзысьны кужтөм. Но өні Васса ньөти нин абу сэтшөм.

— Мунім,— чукөстіс сійөс мамыс...

Ванюша Зюзев ылісянь на стрөйба вывсянь казяліс Василёкөс, тэрыба лэччис муө, уськөдчис паныд. Ванюша удитөма нин гождьявны. Весиг русөй юрсиыс лоөма еджыдджык, быттө быгалөма, киясыс чорзьямаөсь. Кутшөма өні Ванюша торъяліс Вассаысь!

— Нывъяс! Василёк локтіс!— Вассалысь кисө топыда кутліг мый вынсьыс горөдіс Зюзев.

— Мый тэ горзан? Йөзсө повзөдан!— Васса тупкис кияснас пельяссө.

— Ой, кутшөма омөльтчөмыд!— артмис Зюзевлөн, и сийө ещө өтчыд видзөдліс ныв вылө юрсяныыс да көкөдзыс. И пыр жө веськөдчис.— Нинөм... Лок миян дінө, и ми вежонөн ёнмөдам! Тэ он на төд, кутшөм миян тані сынөдыс бур: лунтыртө сійөс ньылалан да рытнас сэтшөма сөйсьө!

Васса нюммуніс. Ванюша чужөм вылысь сийө адзис сэтшөм долыдлун, мый и аслыс тшөтш лоис гажа.

Со и ачыс Надя котөртө. Еджыд халата.

— Василёк!— ылісянь на горөдіс Надя, нюжөдіс кисө пөдругаыслы.— Видлыны миянөс? Но, кызди? Бурдін?

— Бурді тай со...— Васса эз тӱд, мый висьтавыны Надялы. Быттьӱкӱ вель на регыд колис бӱрӱя аддзысь-лӱмсянь, но нывлӱн чужӱм вылас тӱдчис мыйкӱ вильтор, кодӱс сылысь Васса войдӱр эз казьявлы.

— Мунам, видзӱдлам миянлысь быдтасьяснымӱс.

Вассалы эз ло лӱсьыд. Сийӱ мыжа морт моз видзӱдліс Надя вылӱ, сӱсся вашьялысь Ванюша вылӱ. Но чукӱртис став вынсӱ, вӱтчис пӱдругаыс бӱрся.

— Бӱрвылас и миян динӱ кежавлы, Василӱк,— корис Зюзев.— Видзӱдлан, кызди ми уджалам.

Надя босьтис киӱдыс Василӱкӱс, нуӱдис ферма кузя.

— ӱдийӱджык дзикӱдз бурд да бӱр лок миян динӱ,— мунигмозыс висьтавліс Надя.— Ок, и уна вильтор районын тӱдмалім... Выступайтисны Ленин нима колхозса дояркаяс. Мыйсӱ найӱ оз вӱчны! Быд лун велӱдчӱны, уджалӱны бура. Налы присвоитисны коммунистическӱя уджалысь фермалысь ним. Вежыд петӱ! Вот ӱськӱ и миян кӱ тшӱтш сідзи! А тӱ лок ӱдийӱджык. А ӱсийӱ... мый вӱлі... вунӱд. Райкомолын тӱ йылысь юасисны жӱ. Ме шуи, мися миянкӱд мӱдас уджавны.

Надя ланьтис, мыйкӱ дыра восьлаліс чӱв. Кажитчис, сийӱ мыйкӱ ӱщӱ кӱсийс висьтавыны Вассалы, но эзысьт заводитнысӱ. А Василӱклы уна тӱлысьяс бӱрын первойысь лои кокни сьӱлӱм вылас, кызкӱ виль ногӱн шоныд. Васса казьяліс, мый Ванюша Зюзев важ мозыс пыр на мелі ськӱд, со и Надя сӱрнитӱ ськӱд сідзи, мый синваыд дась петны. Сийӱс лоӱ мырдысьӱн кутны. Та вӱсна, гашкӱ, Васса первойсӱ пыдди эз пукты Надялысь водзӱ сӱрнисӱ, и сӱмын недыр мысти кутис кывзысьны сылӱн кывьясӱ.

— Тӱдан, Василӱк!.. Зӱв сьӱкыд висьтавыны, но колӱ быть...— надзӱникӱн шуаліс Надя да эз весиг видзӱдлы, кывзӱ оз пӱдругаыс.— Ставсьыс, мый лои тӱкӱд, мыжа и ме... Ме кӱ ӱськӱ локтис тӱ динӱ карсьыд воӱм бӱрын пыр жӱ, гашкӱ, нинӱм тӱкӱд эз и вӱв... Вот кызди мукӱд дырйиыс вермӱ артмыны, кор ми вунӱдам асьыным пӱдругаяснымӱс...

Надялы кажитчис, мый сийӱ ӱни Василӱклы висьталӱ буретш сийӱс, мый йылысь уна нин думайтис бӱрӱя кадас. Да, колӱ кужны доньявыны ас гӱгӱрсьыд йӱзтӱ, матыссяясӱс и ылыссяясӱс. Дзик прав та бок-

сянь Ефим Иванович. Со и Василий Васильевич кыдзи кужо сёрнитны быдёнкөд, пöрысьяскөд и томьяскөд.

— Мый тэ, Надя!— кыліс сэсса Макарова Василёклысь гөлөссө.— Ньöти тэ абу мыжа... ачим... Абу нин ичöt, колö вежөрөн овны. Морт моз, а оз гут моз... Збылысь, Наденька, ме ньöти тэ вылö ог скöрав. И некод вылö... Ставныд тi зэв бурось...

Кыкөн ланьтöмөн восьлалöны водзö. Василёк видзöдö, кыдзи ю весьтти лэбзис утка котыр. «Майбырьяс! Гортаныс воöны!— не то шога, не то радлöмөн думыштіс Василёк.— Нинöм. Ме öни сідзи жö... Тырмас овны йöй юрөн... Верма и ме лоны Надьяс кодьөн».

Сьölöм вылас нывлөн лоис ещö кокни.

— Велöдчыны кутам, Василёк,— мечтайтiс Надя.— Со Виктор муніс нин. А ми пырам заочной институтö. И тэ тшötш...

Васса нинöм эз вочавидз. Ставыс тайö вöлі зэв на ылын. Öни сылы первой колö вöлі бергöдны асьыс воштылöм бур нимсö и мам водзас, и пöдругаясыс водзын, и Ванюша водзын. И тайöс сійö вöчас, мыйта кöть вын да чорыдлун сы вылö оз ковмы.

1958—59 вв.



26478

БИБЛИОТЕКА
Респ. Краев. Музея
Коммунист. СССР
город Сыктывкар



*Коми книжнӧй издательство
корӧ ыстыны отзывӧяс тайӧ кни-
га йывсьыс татшӧм адрес кузя:
Сыктывкар, Коми книжнӧй изда-
тельствоӧ.*

Редактор *А. Морозова*

Техн. редактор *И. Оплеснин*

Сдано в набор 7/1-1960 г. Подп. к печати 7/III-1960 г. Формат 84×108^{1/32}
1,375 бум. л. 4,51 печ. л. (Уч.-изд. л. 4,42). Тираж 2000. Заказ № 90. Ц00142.
Коми книжное издательство. Дом печати. Цена 1 руб. 30 коп.

г. Сыктывкар, Республиканская типография Полиграфиздата
Министерства культуры Коми АССР

1 ж, 30 к.

КОМИ КНИЖНОЙ ИЗДАТЕЛЬСТВО
1980



КОМИ КНИЖНОЕ ИЗДАТЕЛЬСТВО
1 9 6 0